



12548. v. G. c.

2





VIA CÆLI
COMPLANATA,
SEU
DETECTA SALUTIS
IMPEDIMENTA,
ET METHODUS EADEM
SUPERANDI,
Jtalicè primum edita

â R.P. JOAN. PINAMONTI
Soc. JESU.

Dein latinè edita

Ab alio ejusdem Soc. Sacerdote.

Oblata in Xenium

A

Majore Alma Sodalitate

Sub titulo & tutela

Beatissimæ MARIAE Virginis

Gloriosè in cœlos Assumptæ

In Archi-Ducali & Academico

Soc. JESU Collegio Labaci
erecta, & confirmata.

ANNO à partu Virginis M. DCC. XXXII.

Ab erecta Congregatione. CXXVI.

LABACI,

Typis, Adami Fridericī Reichhardt.

LAIA CAGLI
COMPAGNATA
DETECTA SALUTIS
ET METHODIS EADEM
S. R. P. JOAN. PINAMONTI
AP. 1723.
Majolic Arms Society
Soc. Majolic Arms Society
Pessicium MARIE Virginis
Gloriosus in ecclesie Venerabilis
In Alchi - Duchi - & Accademico
Soc. IESU Collegio Faspati
et Regi, & Comitum
anno 7 battu Angliae M. DCC. XXXII
ad origine Quatuorcentorum. CXI.

030030886



REVERENDISSIMO,
PERILLUSTRI,

CLARISSIMO ^{AC} DOMINO ,
DOMINO

JOANNI
JACOBO
SCHILLING.

Sacro-Sanctæ Theologiæ
Doctori ,
Protonotario Apostolico , Ca-
thedralis Ecclesiæ Labacensis
Canonico.

Nec non per Dioceſim La-
bacensem

VICARIO GENERALI.

Domino, Domino Sodali, Patro-
no, ac Mæcenati suo Gratio-
fissimo.



**REVERENDISSIME,
PERILLUSTRIS, AC
CLARISSIME**

Domine, Domine.

VIam Cæli complanatam
dum Sodalitas nostra in com-
mune omnium spirituale bo-
num offerre in strenam con-
stitueret, cuius potissimum nomini, ac ho-
nori partum hunc aureum consecraret, diu,
multumque solicita fluctuabat. Non enim
eodem itinere Mariani clientes gradiuntur
ad astra. Hinc opus erat Viro, qui Gigan-
tæis passibus, quam Complanatam exhibe-
mus, Viam Cæli magna ex parte jam decur-
risset, cuius proin vestigijs insistere reliqua
Sodalium turbæ non tam invitaretur, quam
traheretur. Hunc in Te reperimus REVE-
RENDISSIME, PERILLUSTRIS, ac CLA-
RISSIME DOMINE, DOMINE, Qui lon-
gissimo temporis tractu & cœtum hunc Ma-
rianum Assumptæ in Cœlum Virginis exor-
nas, & herois virtutibus in stuporem & ad-
mirationem adducis.

Im-

Impedimenta salutis generoso ausu jam
olim removisti, dum studijs navans operam,
nunquam satis deprædicandam *Vitæ Ecclesiastice*
militiam es amplexus, atque ab ea nullius
Syrenis, nullius Dalilæ blanditijs Te re-
moveri es passus. Nimirum jam tunc divi-
næ Sapientiæ amor arcem pectoris Tui inse-
dit penitus, Religio occupavit. Quem Te-
cum è pulvere Scholastico in patriam cum
insigni doctrina & eruditione adduxisti præ-
cipuarum virtutum comitatum, continuis
auxisti incrementis. Si de doctrina est ser-
mo? Ea in Te non modò AA.LL. & Philo-
sophiæ, sed & suprema SS. Theologiæ Lau-
reæ est condecorata. De eruditione si quæ-
ras? Viva es Bibliotheca, & totius Almæ
Dioecesis Labacensis, notitiæ Ecclesiasticæ
promptuarium. Si de prudentia, arduisque
in negotijs discernendi sapientiâ? Jam inde à
Celsissimo ac Reverendissimo S. R. I. Principe è La-
minibus de Cauniz, etiam ejusdem Celsissimi
Successores Ordinarij in quartum lustrum in
Te Vicarium Generalem habent Vigilantissi-
mum. Imponunt nempe humeris Tuis,
licet reluctantis, in gregem dominicum
partem sollicitudinis, ut quem Ipsi nanciscun-
tur Antoninam consiliorum, Patrem Pro-
vincia habeat, & secundum à Pastore Prin-
cipe Moderatorem.

Quid, quod & in Te verificetur illud
Psalmistæ: Misericordia & veritas obvia-
runt

runt sibi: justitia & pax osculatæ sunt? Ps. 84.
v. 11. Primam deprædicant pauperes, Orphani, viduæ, Religioæ familiæ, & imprimis Capucinorum illa, cuius Patres congregatos totius Capituli Provincialis tempore Tu solus nuper liberalissimè sustentasti. Quærentibus, ad Te confluentibus, veritatem exhibes: justitiam litigantibus: dissidentibus pacem.

Religionem in DEUM, & superos? salutis animarum, & divinæ gloriæ Zelum ardentissimum, quō sex lustris Parœciam Crainburgensem Pastor optimus administras? Affabilem comitatem morum suavi cum gravitate conjunctam (quā omnium amorem ac venerationem Tibi concilias) in medium adducam? Offert le summa temperantia: ea se ficit modestia, magnique Tui animi demissio, quā, quas alij avidè venantur, Tu ultra oblatas infulas, ac Dioceses recusas. Narrabit hæc alijs regionibus Tui nominis fama: sera narrabit hujus Provinciæ posteritas, atque in cœlo Ecclesiastico Te primæ magnitudinis sidus venerabitur.

Vides REVERENDISSIME, PERIL-
LISTRIS, ac CLARISSIME DOMINE,
DOMINE MOECENAS! quām gigantæis
passibus Viam Cœli & Tibi complanaveris ipse,
& decurreris? Hæc itaque nulli alteri dedi-
canda erat, quām Tibi, in quem omnium

Sodalium oculi respicere poterant , cujus
exemplum omnium vestigia imitari . De-
mum munificentia Tuæ amplitudinem , quâ
vota nostra prævenire dignatus es , gratâ
animô , æternâque memoria recolet

REVERENDISSIMÆ, PFRILLUSTRIS,
ac CLARISSIMÆ DOMINA-
TIONIS TUÆ.

Devinctissima
Major Academica Soda-
litas Labacensis.

Soviet Union even before the October, 1917
revolution against Tsar Nicholas II. The
communist Bolsheviks, led by Lenin, had
overthrown the tsarist autocracy, and
soon began to implement their policies.

LENINISM AND THE COMMUNIST PARTY

Major Accidents Since the October Revolution

The October Revolution was the first successful socialist revolution in history. It was followed by the Russian Civil War, which ended in 1922 with the victory of the Bolsheviks over the White Guards. This was followed by the establishment of the Soviet Union in 1922, which became the world's first socialist state. The Soviet Union was a centralized planned economy, with the government controlling all aspects of production and distribution. It also had a large military force, known as the Red Army, which fought in World War II against Nazi Germany. The Soviet Union also played a key role in the Cold War, particularly during the 1950s and 1960s, when it developed nuclear weapons and sent cosmonauts into space.

The Soviet Union collapsed in 1991, after a period of political and economic crisis. This was followed by the formation of the Commonwealth of Independent States (CIS), which included most of the former Soviet republics. However, the CIS did not last long, and many of the former Soviet republics have since become independent states, such as Russia, Ukraine, Belarus, and Georgia. The Soviet Union's legacy continues to be debated, with some seeing it as a positive example of socialist development, while others view it as a negative example of centralized planning and authoritarianism.

Introductio Authoris.

UNum ex maximis beneficiis, quæ nobis humana in carne DEUS exhibuit, fuit istud, quod illa, quæ multifariam in via salutis se se nobis opponunt, impedimenta removebit. Istud est, quod tanto jam ante tempore divino edocitus spiritu prædixerat Isaias Propheta, ubi DEUM, cùm in hunc mundum descenderet, vias asperas complanaturum, & sinuosis anfractibus impeditas effecturum directas edixit: *Erunt prava in directa, & aspera in vias planas.*

Is. 44. Duplici autem medio tam insigne nobis beneficium præstare voluit Redemptor Optimus. Inprimis divinâ suâ doctrinâ, sanctissimisque exemplis hæc ipsa salutis impedimenta nobis detegendo: dein divinâ suâ

gratiâ , quò certius illa devince-
remus , debiles nostras vires suf-
fulciendo. Hæc proinde tam be-
nevola , atque ad salutem no-
stram tam proficua Amabilissi-
mi Servatoris Nostri intentio , ut
effectum sortiretur , exiguus ist-
hic , quem manu tenes , libellus
conscriptus est ; continens ma-
teriam , quæ Christianorum ne-
cessitatibus videtur omnium ma-
ximè accommodata ; quam proin ,
ut in præsentiarum clare pertra-
temus , unamquamque Lectio-
nem in tria puncta dividemus . In
1. impedimenti cuiusque natu-
ram ; in 2. damnum , quod affert
saluti ; in 3. remedium expone-
mus , quo ab illo liberare , si ve-
lis , te facile possis . Boni superi-
dent & VELLE & PER-
FICERE.

LE-



LECTIO I.

DE IMPEDIMENTO;

Quod affert saluti nostra Languor in fide.

Si quis litem haberet in judicio, è cuius decisione, spe omni ulterio-
ris appellationis adempta, omnes
suæ fortunæ, honor, fama, ipsa denique vi-
ta dependeret, indubitatum omnino est, quin
talis extremas tum corporis tum animi vires,
omnésque facultates in id unum solertissimè
impenderet, nullumque remedium, utùc
difficillimum, dummodo ad procurandum
felicem tantæ rei eventum fore idoneum vi-
deret, intentatum relinqueret, ut victoriam
reportaret. Et tamen, quid foret lis ejus-
modi, nisi jocus quidam puerilis, si cum illa
comparetur, qua omnis homo Christianus in
vita præsenti constanter vivit implicitus; ubi
duas inter æternitates positus, de causæ suæ
exitu semper pendet incertus, & ignorat, an
post mortem habiturus sit in DEO Patrem
misericordiarum, qui ipsum æterna felicitate
sit donaturus in cœlo; an verò justitiæ Vindi-
cem, qui perpetuis eum suppliciis sit crucia-

turus in inferno? hoc tamen non obstante,
 communiter apud homines non modò tantam
 non videmus solicitudinem, ut causam hanc
 omnium longè gravissimam ad felicem exitum
 perducant, sed è contrario cernimus potius,
 eos nova sibi ipsis identidem, & nova ponere
 obstacula, quæ tanti momenti victoria in
 plurimum impedian, ac si ultiro in ruinam
 properarent. Quapropter, cùm in libellis
 Xeniorum id præcipue tractetur, ut secu-
 tam reddere animæ nostræ salutem possimus;
 non videtur utilior pro DD. Sodaliū lectio-
 ne inveniri posse materia, quām si illa impe-
 dimenta in medium afferamus, quæ nostræ
 saluti potissimum adversantur, quæque reli-
 quorum omnium, & ipsius quoque sunt ra-
 dix peccati, quod impedimentorum omnium
 est maximum. De hac proinde materia in
 præsentiarum tractabimus, eāmque clarita-
 tis, & rædij levandi gratiâ in tria semper pun-
 ita dividemus. In 1. impedimenti naturam;
 in 2. damna ex illo emergentia; in 3. reme-
 dium, quo removere illud poterimus, ob-
 oculos ponemus. Primum locum illi conce-
 damus, quod reliqua omnia post se trahit, &
 est Languor in fide.

Fides est virtus, quæ partim residet in in-
 tellectu, qui superno illustratus lumine veri-
 tatis à DEO nobis revelatis firmissime af-
 sentitur; partim etiam voluntatem afficit,
 quæ

quæ & ipsa cœlesti collustratione excitata intellectum inclinat, eidemque assensum firmissimum, iis ipsis rebus propter supremam DEI revelantis autoritatem præstandum, imperat. Unde fidei debilitas dupli ex radice enascitur; una in eo posita est, quod intellec-tus cum ipsa mysteria revelata, cum etiam credendi motiva tantum obiter apprehendat; altera vero in hoc, quod voluntas erga eadem parum afficiatur, nec, ut ea penetret, multum curet. Videbis quandoque ex Christianis non paucos, quos potius nascendi conditio, quam bona voluntas fidelibus adjunxit. Sunt fideles, quia per Baptismum ingressi sunt Ecclesiam: de cætero autem tam parum sciunt de illis prærogativis, quibus Religio nostra supra omnes alias sectas altissime eminet; tam parum vitae suæ rationem doctrinæ Evangelicæ dogmatis conformant, ut vix ullo ex capite distinguere ab infidelibus queas. *Quis tu hic, aut quasi quis hic?* Isaias Propheta exclamat, quasi dicat: tu quis es, qui, ut ita loquar, unico tantummodo pede in Sancta ista Ecclesia, nec aliud quidquam in te exhibes veri Christiani præter inane illius nomen? jure igitur merito, diminutam esse multorum fidelium fidem, lamentari cum Regio Propheta possumus: *Diminuta sunt veritates a filiis hominum.* Ps. 11. cõ quod quam plurimi, tametsi credant proposita sibi my-

steria, credant fide usque adeò obscura, tam-
 que parùm dono intellectus illustrata, ut ea
 ferme ratione illius veritates attingant, qua
 cœcus ille homines vidit: *Video homines velut*
arbores ambulantes. Marc 8. DEUS, qui na-
 scitur in stabulo, ut rerum humanarum con-
 temptum nos edoceat; DEUS, qui triginta
 vitæ suæ annos in paupercula fabri lignarij offi-
 cina exigit, ut ad humilitatem nos erudit;
 DEUS, qui omnes Palestinae regiones nudi-
 pes peragrat, ut viam ad cœlum nobis osten-
 dat; DEUS, qui, ut peccatum destruat, in
 cruce acerbissimam obire mortem non dubi-
 tat; nihil admirationis in eorum cordibus ex-
 citat: & qui Senecam admirantur, quod Phi-
 losophiæ placita dictando, mortem oppetie-
 rit, qui notam illam Trajani charitatem, qua
 proprium diadema conficiendis factus, ad
 obligandas vulneratorum militum plagas im-
 pendivoluit, stupentes suspiciunt; sine ullo
 quasi sensu persistunt, si altissima facri Evan-
 gelij dogmata percipiunt; si Filium DEI, ut
 animarum nostrarum vulnera per sanaret acer-
 bissimis quibusque tormentis innocentissi-
 mam suam carnem obtulisse intelligunt. Di-
 minutæ sunt veritates à filiis hominum. Simili
 modo, & hīc quidem multò adhuc amplius,
 deficere fidem deprehendimus, prout hæces-
 se debet non solum regula credendi, sed etiam
 operandi: illi enim ipsi, qui Christum JE-
 SUM

SUM in revelatis nobis mysteriis Magistrum agnoscunt, haudquaquam se illi in tua viven-
di methodo subjiciunt: & quando ex infalli-
bili Divini Servatoris ore intelligunt, beatos esse illos, qui ipsius amore persecutiones pa-
tiuntur; illos, qui ipsius amore paupertatem amplectuntur; illos, qui ipsius amore deli-
ciis abstinent; qui ipsius amore injurias con-
donant; his omnibus, aliisque similibus san-
ctoris virtutis regulis suo in corde resistunt, di-
cendo; hæc omnia quidem vera esse secundum
DEUM, non autem secundum mun-
dum; & hacten vesana distinctione sufficien-
ter se omnibus Incarnatae Sapientiae rationibus
respondisse arbitrantur: unde illorum fides si-
milis est argento vivo, quod ubique aurum
sequitur, præterquam in igne; ita illorum fi-
des Divini Magistri autoritatem sequitur,
quamdiu hæc authoritas eorum passionibus
non adversatur; secus si contingat, protinus
destituant.

DE DAMNO,

Quod saluti nostræ affert hujusmodi fides.

Quis pro dignitate jam explicet omnia illa
mala, quæ ex fatali hac scaturigine, fi-
dei nimicrum debilitate, in populum Christia-
num emanant. Potest cum veritate dici, nul-
lum esse malorum genus, quod non ex hoc

fonte descendat ; eāmque causam esse præcipiam , ob quam innumerabiles animæ æternis inferorum suppliciis mancipentur. *Quia nullus intelligit, in æternum peribunt, inquit Hussæus Princeps S. Job. c. 4. v. 20.* ubi illud præcipue advertas , velim , quòd non dicat : peribunt in æternum , quia non credunt , sed quia non intelligunt : *Quia nullus intelligit.* Ita pariter miserandi illi peccatores , qui coacti sunt in inferno confiteri insaniam suam : *Nos insensati &c.* non ideò in lamenta erumpunt , quòd non crediderint ; sed quòd non bene intellexerint ; *Sol intelligentiae non ortus est nobis.* *Sap. 5. 6.* Verùm ut magis ad particularia descendamus ; omnia illa mala , in quæ Christianum populum fidei debilitas propellit , ad duo reduci capita possunt , nempe lucrum cef-sans , & damnum emergens. Ad hoc denique languida fides deducit , ut omnem virtutem amittamus , & in omne scelus miserè proruamus.

Primò igitur defectus fidei Christiano populo pretiosissimum illum virtutum omnium aufert thesaurum , qui eundem primis Ecclesiæ temporibus adeò divitem reddebat. Hujus thesauri magnitudo aliqua ratione ex magnitudine Charitatis colligi potest , quæ ut-pote virtutum omnium Regina omnem reliquarum apparatum post se trahit. Charitas ergo , quâ Christiani tunc temporis in DEUM fe-

ferebantur, adeò erat incensa, ut, teste Tertulliano, tantus illorum, qui crudelissimi tyrannorum tormentis fese ultro offerrent, numerus reperiretur, ut Antonius Afia Proconsul, & Tyberianus Palestinæ Gubernator Adriano & Trajano perscriptis litteris denunciarent, seta tam non potuisse carnificum invenire copiam, quæ tot Christianis, qui ultro ad suppicia accurrerent, occidendis sufficeret: Porro hæc ipsa Charitas eò usque etiam erga proximum ascendebat, ut S. Clemens suo tempore ex Christianis non paucos se novisse testetur, qui fortunis suis omnibus in pauperes distributis, tandem venumidare semetiplos, & durissimam subire servitutem non dubitarent, ut hac saltem ratione acquirerent, quo proximi necessitatibus subvenient. Nunc autem talia Charitatis prodigia inter Christianos quis facile reperiatur? & quam tandem istud præcipue ob rationem, nisi ob fidei debilitatem? Arborem quandam suis frondibus spolia; retarciet brevi iterum exaratus truncus illatum sibi damnum, & amputati ramusculi viviori, quam unquam aliæ virore efflorescent: at verò radicem succide, aut subtrahit naturali vigore illius vires enerva; post brevem temporis lapsum rami simul cum stirpe exarescent. Jam verò, quod radix est arbori, hoc ipsum est animæ Fides: hæc principium est virtutis illius: hæc est, quæ

animam frugiferam efficit, eidemque alimenta subministrat. Unde & radix immortalitatis nuncupatur : *Scire justitiam & virtutem tuam radix est immortalitatis.* Sap. 15. 3. Quare, si vivit Christianus homo, de fide vivit : *Justus autem meus ex fide vivit.* Rom. 1. 17. Si adversus eum inferorum potestas insurgat, fide se defendit ; *Cui resistite fortes in fide.* 1. Pet. 5. Si infelici lapsum Dei gratia excidat, fides eum mediante poenitentia in priorem Divinæ amicitiae gradum restituit : *Fide purificans corda eorum.* Act. 15. uno verbo, Fides fœcundissima illa est radix, ex qua omnes, quotquot Christianam exornare animam possunt, virtutes progignuntur. Ministrate in fide vestra virtutem, inquit S. Petrus, in virtute auctor scientiam, in scientia abstinentiam, in abstinentia patientiam, in patientia pietatem, in pietate amorem fraternalitatis, in amore fraternalitatis charitatem. 2. Pet. 1. hanc igitur radicem quidetruncat, aut enervat virtutem, nec frumentum solummodo, sed folia etiam, externam scilicet Christiani hominis formam, perdit.

Magnum equidem malum est lucrum hoc cessans, & tanto, de quo hucusque differimus, bono privari; sed planè exiguum dici potest, sicut cum altero, longè adhuc majore, nempe damno positivo, quod exinde quoque resultat, conferatur. Apostolorum

Prin-

Princeps S. Petrus, cùm super pelagi fluctus incedens, mergi inciperet, totam culpam in ventos referebat: *Videns ventum validum timuit.* Matth. 14. at Christus Dominus fluctuantem ejus fidem incusavit: *Modica fidei, quare dubitasti?* Simili prorsus ratione ex Christianis plerique unicam profligatæ suæ vitæ causam aut temptationis vehementiam, aut fragilitatem obtendunt; re ipsa autem, si statu tam lamentabilis originem investigare penitus voluerimus, languentem, & pene emortuam eorum fidem esse tot peccatorum, in quæ quotidie prolabuntur, causam, comprehendemus, sine qua nunquam eos in tam miserabilem pertrahere peccati servitutem veterator stygius ulla ratione valeret. Falco aperto in aëre enutritus, ad agendas tam nobiles prædas à natura efformatus, tanta præditus fortitudine, tam generosa indole instrutus, nunquid se alligari perticæ pateretur? nunquid suos intra laqueos, absque eo, quod unquam disrumpere tentaret, tantâ patientiâ persisteret, nisi prius utrumque sibi obligari oculum sustinuisse? Quomodo fieri posset, ut Christianus, cui in competo est, quodlibet peccatum injuriam esse, Supremæ Numinis Majestati illatam, adeoque omnium malorum longè maximum; ut Christianus, qui fatetur, & indubia fide pro certissimo retinet, Verbum Incarnatum crucis mortem

Subiisse, ut moriendo peccatum è mundo eli-
 minaret, quod idem est ac dicere; Unigeni-
 tum DEI Filium, ut abominandum illud mon-
 strum, peccatum scilicet, destrueret, quasi
 Semetipsum destruxisse, quando nimirum
 unionem, quæ pretiosissimam illius animam
 inter & corpus Sacratissimum intercesserat,
 incredibili tormentorum atrocitate in cruce
 violenter disrumpi permisit, atque per tres
 integros dies cessavit à nobilissimis operationi-
 bus illius vitæ, humanæ simul, a. divinæ, cu-
 jus vel momentum unicum omnium reliqua-
 rum creaturarum vitam valore superabat;
 quomodo, inquam, possibile foret, ut Chri-
 stianus, qui vi suæ fidei obstringitur, potius
 mille vitas profundere, quam vel minimam
 de hisce veritatibus dubitationem admittere,
 tam præpostoram sibi peccati ideam in praxi
 formaret? multi etenim illud ut levitatem ju-
 venilem, alij ut fragilitatem quandam, quæ
 facile veniam mercatur, alij denique ut rem
 nullius penitus momenti, peccatum sibi ima-
 ginantur. Et non modò pro nihilo habent,
 lethiferum ipsi Icelus perpetrare, aut in illo
 patrando etiam alios adjuvare, sed sæpen-
 uero inde ludendi & jocandi sumunt occasio-
 nem; Imò eò usque deveniunt, ut peccâsse
 etiam gloriæ sibi ducant; quasiescos criminum
 etiam magis pudendorum maculæ pretiosio-
 res efficerent, quemadmodum marmorum

maculæ eorundem elegantiam juxtâ ac pre-
tium ut plurimùm adaugent. Illi autem , qui
eò perversitatis non progrediuntur, nihilomi-
nis tam parùm quoque peccati malitiâ per-
celluntur, ut contractam hanc pestem per
menses complures sine ulla solicitudine in ani-
ma circumferant; culpam interea culpâ accu-
mulantes , donec appropinquante aliqua so-
lenitate sacra, illud tandem deponere ex-
homologesi decernant. Et sic illi ipsi, qui
induci nullatenus possent, ut cum lacertula
eodem in lecto vel nocte unica dormirent, per
longam non rarò vitæ suæ partem peccati vi-
rus circumferre animo non formidant, nihil-
que timoris inde persentiscunt. Et isti sunt
filij lucis , ut omnes fideles Apostolus appel-
lat ! Isti sunt discipuli Verbi Incarnati ! Isti
sunt filij Sanctorum , hæredes tot millionum
Sanctorum Martyrum , qui nos præcesserunt,
& vitam cum sanguine inter tormenta varia &
atrocissima profuderunt, ne peccatum etiam
in speciem excusabile , quale fuisset, ore so-
lummodo negare fidem , retinere autem cor-
de, unquam admitterent? Ita omnino est ;
omnium istorum causa est debilitas nostræ fi-
dei; quæ appropinquare nos facit infaustis
illis temporibus , de quibus Amabilissimus
Redeptor edixit, se quasi dubitare , an ve-
niens in terram fidem tot cruciatibus planta-
tam , & Divino suo sanguine rigatam , etiam-

num esset reperturus: Filius hominis veniens,
putas inveniet fidem in terra? Luc. 18. v. 8.
Verum interea quam exoptata dæmoni in hoc
turbido piscandi occasio aperitur? Christia-
nus hac ratione quasi in infidelem transmuta-
tur. Hæc tam imperfecta & superficialis re-
rum divinarum cognitio eum non magis ad
operandum impellit, quam si omnino nihil
cognosceret: & quemadmodum S. Augusti-
nus advertit, tametsi clarissima lux fideles cir-
cumstet, nisi oculos aperire velint, ut vi-
deant, parum à paganis differunt, qui in te-
nebris commorantur. Quid prodest stulto ha-
bere divitias, cum sapientiam emere non possit?
Prov. 17. v. 16. Quid prodest ipsis habere
thesaurum adeò pretiosum, qualis est fides
Christiana, si postmodum abscondunt eum,
aut in terram defodiunt, nec illius ope æter-
nam sibi vitam comparare student?

REMEDIUM

ad tollendum hoc impedimentum.

Nullumne autem male tam desperato in-
veniri remedium possit? potest enim ve-
rò; dummodo ille, qui in statum tam mil-
tabilem delapsum se esse dignoverit, serio il-
lud adhibere voluerit. Primo igitur & ante
omnia continuis precibus divinam exorare
Clementiam necesse erit, ut grande hoc fi-
dei

dei donum nobis de cœlo largiatur : *Adauge
nobis fidem* : rogare insuper Spiritum S. ut prä-
ter donum fidei , nobis in S. Baptismatis lava-
cro communicatum , donum quoque intelle-
ctus infundat , quod nos divina mysteria in-
telligere , & penetrare cum claritate edoceat.
 Videte , quomodo hac in re Vir secundum
cor DEI Rex David se gesserit ; Hic quan-
quam tanta divinitus luce illustratus , nihilo-
minus novum in omnibus ferè suis Psalmis à
DEO lumen poscebat . Similes vos esse cre-
dite cœco illi , quem Christus Dominus pro-
pe civitatem Jericho sanavit ; hic , quantum-
vis , utpote mendicus , rebus multis indige-
ret , nihil tamen à Redemptore nisi visum pe-
tebat : *Quid tibi vis faciam ? Domine , ut vi-
deam.* Luc. 18. Hoc solum sufficiet , & erit
locum omnium , si imposterum cœcus amplius
non fuero . Evidem non dico , ut solam
hanc gratiam Benignissimum Numen flagite-
ris , hoc tantummodo dico , ut hanc prä-
omnibus flagitetis , ut superno lumine intel-
lectum vestrum copiose illustret , quò clariùs
veritates per fidem revelatas penetretis ; hæc
enim gratia omnes reliquas sine dubio secum-
trahet . Si hujusmodi preces vestræ humili-
ex corde procedant , quo vos indignos fatea-
mini , quos DEUS exaudiat ; si insuper pre-
cibus vestris constantiam junxeritis , pro in-
dubitato habete , operæ vos pretium relatu-
ros

ros ab illo Domino , qui hunc in finem de
cælo descendit, ut vos è tenebris liberaret :
Qui eripuit nos de potestate tenebrarum. Coll. I.

13.

Cæterùm jam diximus , debilitatem fidei
partim ab intellectu parùm divinas veritates
cognoscente ; partim à voluntate non eo , quo
deberet , affectu easdem prosequente prove-
nire. Atque ideo , ut huic malo medelam
afferamus , curandum est summopere , ut cor
nostrum cœlesti robore firmetur , & mentis
nostræ tenebræ dispellantur. Quapropter
utilissimum utique foret , si Christiani omnes
ad rerum illarum , quæ ad salvandam animam
pertinent , considerationem diligenter incum-
berent : sicut enim sol salutari suo influxu ad
conservandam corporis sanitatem plurimum
confert , ita pia rerum illarum meditatio omnia
bona in animam importaret ; inconcussa enim
sua Divino oraculo stat veritas , quo dicitur :
*Cogitatum habe in præceptis DEI , & in manda-
tis ejus maximè assiduus esto ; & ipse dabit tibi
cor.* Eccl. 6. Verùm quia non omnes ad hoc
sunt habiles , ut sibi solis relieti , absque alio
adminiculo valeant meditari , medium magis
universale erit legere cum attentione & refle-
xione pios ejusmodi libros , qui Sanctissimæ
nostræ fidei mysteria explanant. Dixi ; le-
gere cum attentione & reflexione : nam qui
granum sinapis integrum deglutiverit , tam

pa-

parūm ex eo acrimoniae, quām ex granulo
 arenæ tentiet; at verò si dentibus lente ma-
 sticando contriverit, tantam ex illo prodire
 virtutem adverteret, quæ copiosas etiam ex
 oculis protrudere lacrymas queat. Profectò
 res est, quæ iure meritissimo quemvis sum-
 mo horrore perstringat, si consideret, quām
 exiguum Christiani de JESU Christo habeant
 notitiam; quām parūm sciant, quām rudem
 habeant ideam de immensa illius Majestate &
 Potentia, de præclaris illis prærogativis, prop-
 ter quas, ut non modò ei à toto genere hu-
 mano serviatur, verūm etiam, ut ab omnium
 cordibus intensissimè diligatur, innumeris
 utique ex titulis promeretur; ipse namque
 omnis nostræ felicitatis causa est, atque ori-
 go, utpote qui nos & infinitis malis libera-
 vit, & infinita insuper nobis bona contulit; &
 hæc quidem non solùm præpotenti suo Pa-
 trocinio atque Authoritate; sed acerbissimis
 suis cruciatibus, imò ipsa etiam morte, quam
 amore nostri sustinuit, longè acerbissima.
 Jam verò de divino hoc objecto Christiani
 communiter quid sciunt? & tamen hoc uni-
 cum illorum deberet esse studium, juxta il-
 lud, quod dicebat Apostolus: *Non judicavi
 me aliquid scire, nisi JESUM Christum,
 & hunc Crucifixum.* 1 Cor. 2. Tantum de Christo
 sciunt, quantum sufficit, ut Sacro-Sancto
 ipsius nomine ad perjurias & blasphemias abu-
 tan-

tantur. Sed quid hoc mirum, si à nemine
 unquam his de rebus instruantur? Solennio-
 res festivitates, quas referendis divinæ Boni-
 tati gratiis, & divinis mysteriis addiscendis
 deberent impendere, illi propemodum uni-
 versas ad litandum liberiūs genio, ad captan-
 da mundana solatia, ad explendam gulam, &
 majorem vestimentorum luxum, atque uti-
 nam non etiam ad impudentiorem Supremæ
 Majestatis, quam tum maximè colere debe-
 rent, offenditionem impendunt. Unde au-
 tem, amabo, si omnes undique clausæ sint
 fenestræ, supernæ lucis radius subintret?
 Quapropter consilio meo acquiescite, sacrís.
 que in libris auxilium quærite, & intra bre-
 vem temporis lapsum vix non palpabilem in
 animo vestro mutationem advertetis. De il-
 lis autem vobis libris prospicite, qui præci-
 pue ad hunc finem conducunt; cujusmodi fo-
 rent ad intelligenda Redemptionis nostræ my-
 steria, Opera P. Ludovici Granatensis, &
 specialiter hujus *Introductio ad Symbolum fidei*:
 Opera P. Joannis Nierembergij, præsertim
 ipsius *Catechismus*, & *Divini Amoris Prodigia*.
 Ad dignoscendas autem veritates, juxta quas
 vitæ vestræ rationem ordinetis, Opera P. Pau-
 li Segneri, præcipue illius *Homo Christianus*,
 & similes. Consultum insuper erit, ante-
 quam libri cujusquam electionem faciatis, ut
 ne erretis, in re tahti momenti Confessarij

con-

consilium exquirere. Certissimum omnino est, multos nos hodie Sanctos super altaria venerari, qui insignem suam, quā modō splendescunt, sanctitatem à lectione, pīj cū-
jusdam libri auspiciatis sunt; quales sunt S. Au-
gustinus, S. Ignatius Loiola, S. Joan. Co-
lumbinus, & alij plures. Verūm sine com-
paratione plures æternis modō inferorum sup-
pliciis excruciantur, qui, si suum quoque pio-
rum librorum lectioni tempus tribuissent, haud
dubiè à via sua mala conversi ad Dominum,
perpetuis modō Beatorum gaudiis cœlesti in
Paradiso perfruerentur. Divina Bonitas par-
tim minis, partim beneficiis nos ad se pertra-
here conatur; & postquam naturam huma-
nam assumpsit, duobus his mediis tertium,
illudque efficacissimum, sanctissima nimirum
sua exempla adjunxit. Verūm hoc totum
quid prodest, si vos ad illa ne quidem un-
quam animum advertatis, aut illa nunquam
aspectu dignemini? Quid utilitatis affert na-
vigantibus mappa, si eandem semper Naucle-
rus complicatam retinet, & nunquam expli-
cat? Lingula magnetica quid juvat, si perpe-
tuò clausa teneatur? at verò, dicetis mihi
forsitan, de istis cogitandi, aut eadem legen-
di vos tempus deficere: hoc si ita se habet,
poterit meliori jure vobis illud responderi,
quod à Diogene responsum est illi, qui inter-
roganti, cur Philosophiæ non studeret? de-

fectum temporis obtendebat, nempe: *Quid
igitur vivis?* ut quid igitur, non dicam in ter-
ra, sed in felicissimo S. Matii Ecclesiæ gre-
mio hæsitatis, si ne tanticum quidem lucrari
vos posse otij arbitramini, ut necessaria salutis
remedia condiscatis? abunde vobis utique
tempus sufficit, ut perlustrandis ludicris co-
mœdiis, inanibus novis, libellis non nisi sig-
menta, & vanas ineptias venditantibus, at-
que utinam non etiam ut plurimum periculo-
sis, & latente animarum peste infectis non ra-
tò integras dies noctesque tribuatis; & tan-
tum obtainere otij non valeatis, ut legendo
piò libello, qui viam ad cœlestem Paradisum
vobis commonstret, vestrāmque vobis, qua
DEO obstringimini, obligationem in memo-
riam revocet, unam alterāmve subinde horu-
læ partem concedatis? conquerimini post-
modum, & crebris suspiriis ingemiscitis, quòd
assurgentes continuò in cordibus vestrīs pra-
væ cogitationes vos impugnat; sed cur non
bonas menti cogitationes inseritis, quæ ma-
lis locum & palmam in corde præcipiant? her-
bæ pernicioſæ, lolia, & Zizania sponte na-
scuntur: at verò herbæ salubres & pretiosæ
non nisi post longam culturam, & constan-
tem agricolæ industriam succrescunt. Illud
autem in dies singulos legendum suscipietis,
quod conscientiæ vestræ Arbitro opportunum
esse videbitur: ubi præprimis caveatis, opor-
ter,

ter, ut ne oculis nimium properantibus affignatam materiam percurrendo, potius curiositatem vestram, quam pascere animam quæratis: nunquam enim cibus, si festinatio & integer devoretur, nutritionem promovet; sed tunc solummodo suum corpori augmentum adjicit, ubi lente masticatus in stomachum demittitur. Denique, antequam lectioni initium dabitis, & simul postquam eidem finem imponetis, submississimis precibus DEUM compellate, ut veritatem hanc, quam hic ante oculos vestros ponere dignatus est, altissime quoque vestris cordibus velit inscribere.

Alter defectus, scilicet exiguus erga mysteria à Deo nobis revelata voluntatis affectus, ex quo, uti jam diximus, debilitas fidei quoque enascitur, per hoc tollitur, si voluntati illa motiva, quæ ad credendum nos impellant, proponantur; motiva, inquam, tam potentia, & usque adeò clara, ut nimium credibilia Propheta Regius appellârit: *Testimonia tua credibilia facta sunt nimis.* Ps. 42. Quasi diceret; *testimonia tua Domine, longè magis manifesta sunt,* quam nos ipsi prudenter exposcere potuissimus, ut libenter sanctæ fidei nostrum intellectum subjiceremus; quippe, etsi arcana illa, quæ credimus, sint obscura; nihilominus tamen evidentes sunt rationes, quæ nobis persuadent, ut esse divina credamus.

Verum quia abire per singulas, res foret, quæ
intra tam angustos, quales hic nobis præscri-
psimus, constringi terminos non posset, unam
solummodo, quæ tamen sit loco omnium, in
præsentiarum exponam; in tali namque facto
consistit, quod nemo quispiam revocare in
dubium possit, nisi emotæ omnino mentis ex-
titerit.

Ex omnibus historiis indubitatum est, quod,
antequam Evangelicæ veritatis oriri lux inci-
peret, totus mundus idolis divinos honores
detulerit; illam partem, quam populus He-
bræus incolebat, si excipiamus, tota terra ice-
leratis victimis, templis sacrilegis, & adulteri-
nis diis referta erat. In omnibus creaturis,
incipiendo ab iis, quas Omnipotens Condi-
tor longius à terris remotas in cœlo colloca-
vit, nimirum sole, luna, stellis &c. usque ad
viliissima animalia, ut serpentes, crocodillos
&c. à variis nationibus, non solum barbaris,
sed etiam cultioribus Divinitas adorabatur; &
quod longè adhuc erat deterius, ipsis etiam
hominum sceleribus subesse Divinitatem cre-
debant, ipsa patrata à mortalibus flagitia divi-
na mysteria reputabant. Hæc qui vel à longe
trahere in dubium tentaret, luculenter sane,
se nunquam antiquorum Historicorum monu-
menta, illosque libros, qui infelicissima illa
tempora describunt, inspexisse monstraret.
Unde si Fides vivendi juxta & operandi sit re-

gula, si insuper fides tunc temporis eò usque fuerit impia, ut magis scelestā reperiri in terris non posset, prouum erit conhicere, vitam quoque fuisse usque adeò flagitiosam, eò usque mortalium malitiaē ascendisse, ut magis abominanda inveniri inter homines non valesret. Ecce autem! cùm in tam miserando statu positus esset mundus pene universus, Christus Dominus subvertere, atque eliminare idololatriam, & ex illius ruderibus excitare Religionem Christianam incipiebat. Atque ut evidens, & luce clarius evadat, illum esse istorum omnium Authorem, hæc tria considerare capita sufficiet: primò, magnitudinem operis; 2. impedimenta, quæ eidem obstabant; 3. instrumenta, quibus id effecit.

Magnitudo operis ex debellatæ idololatriæ, quæ ultra duo annorum millia in mundo regnabat, antiquitate clarissimè elucescit: appareat insuper ex ejusdem amplitudine, ut pote in quam populi jam universi, & omnes omnium ferè hominum ordines conspirabant; ita quidem, ut pauci illi, nempe Philosophi, qui illius falsitatem agnoscebant, æquum esse dicerent, ut omnes sese quoad externam vivendi rationem, in acceptata superstitione populo conformarent. Jam verò quis non videt, quantæ difficultatis opus extiterit, venenatam hanc plantam extirpare, quæ suas radices, altissimè infixas, per totum terr-

rum orbem diffuderat ; quæ pravis passionibus fomenta , omnibus flagitiis pabulum subministrabat ; quam potentissimi Principes igne & ferro , litterati & Doctores calamō propugnabant , & in cuius quasi gremio universum genus humanum pacatissimè quiescebat . Hæc difficultas ex eo quoque crevit quām maximè , quod simul atque hanc plantam extirpare aggredieretur , eodem in loco Christianam plantare Religionem inciperet , quod idem est dicere , ac plantare Religionem , quæ res difficillimas , & ab humanis sensibus remotissimas credendas proponit intellectui , & rerum difficillimarum amorem imperat voluntati : quæ docet , hominem , in quem tam forum Ecclesiasticum , quām profanum mortis in infamia crucis patibulo duos inter latrones subeundæ tulit sententiam , esse verū DEUM , natum ex Virgine ; propriis viribus surrexisse à mortuis ; quadam die sibi soli nota denuo venturum in magna majestate , strictissimāmque ab omnibus hominibus rationem exactum , ubi omnibus momento è morte resuscitatis , eadem , quæ in vita habebant , corpora restituunt , quamvis igne , ferarum dentibus , aut temporis diuturnitate dudum consumpta fuerint . Hæc & similia mysteria , quæ non modò illiteratæ plebis , sed doctissimorum etiam quorumvis hominum capacitatē tam altè transcendunt , credenda proponuntur :

tur : mysteriorum sublimitati, præceptorum, quæ observanda præscribuntur, arduitas correspondet : nempe , continuo semetipsum odiō persequi ut inimicum ; illatas sibi injurias benevolo amoris affectu compensare ; pro persequentibus se suppliees ad Cœlum voces & manus extollere ; maxillam dexteram percutienti , immoto , pacatōque animo etiam sinistram porrigit ; potius mille mortes perpeti, quam vel semel plena voluntate in pravam cogitationem consentire ; intimas , occultissimāsque conscientiæ suæ latebras , noxas singulas , eas etiam , quas in lucem protrahere innata verecundia summopere perhorrescit , Sacerdoti aperire ; & denique fidem habere tam constantem ac firmam , ut paratus sis , potius relinquere uxorem , deferere filios , & Amicos , privari omnibus fortunis , imò inter succensos rogos , inter fera rum dentes , inter flagella & equuleos , inter omnis generis crudelissima tormenta ipsam quoque vitam ponere , quam tantummodò unicam fidei veritatem vel ore etiam , nedum corde abnegare . Hæc ejusmodi tam sublimis doctrina , quæ quidem nobis quotidiano usu , & longa consuetudine amœna & facilis efficitur , quam difficilis ab initio , & aspera apparuerit non solùm populo inculto , & ignoranti , sed multò magis Doctoribus omni litteraturâ præfulgentibus , facundissimis Ora-

toribus, acutissimis Philosophis, prudentissimis Senatoribus, nasutissimis Politicis, & genti tam perdite deliciis & voluptatibus deditæ, tam proclivi ad obsequendum indomitis suis passionibus, tam assuetæ nihil aliud, quam quod externi sensus manifestant, credere, nulloque altiore quam vanæ gloriæ motivo operari?

Sed forsitan unanimis omnium magnorum Principum consensu in eo conspiravit, ut Evangelij doctrinam tanquam veram recipierent? Verum enim verò hoc ipsum est illud, quod hoc opus viribus humanis esse majus, adeoque divinum secundò loco apertissime monstrat; quia nempe licet orbis universus communis rabie contra Sanctam Evangelicæ veritatis lucem insurgens, in primo eandem exortu extinguere moliretur, omnes tamen illius quanti demum cunque conatus in vanum recidere. Per trecentorum fermè annorum spatium omnes vix non Romanorum Imperatores omni in loco novam hanc Legem persequebantur modis usque adeò indignis, tamque immani crudelitate, ut potius infernalis, quam humana videretur: strage insuper tanta, ut Propheta Regius numerum Martyrum super numerum arenarum multiplicatum asseveret: *Dinumerabo eos, & super arenam multiplicabuntur.* Ps. 138. hoc solum dixisse sufficiat, quod Diocletiano rerum potente,

Chri-

Christianos pro libitu occidendi, suis eosdem bonis spoliandi, eoque quasi perversissimos humani generis hostes, & omnium, privatarum non minus, quam publicarum, calamitatum authores tractandi, libera cuivis facultas concederetur. Ad crudelitatis immanitatem fraudes, & calumniæ addeabantur, quibus Christianos ut sacrilegos, ut cœli inimicos denigrabant. Fraudibus splendida promissa jungenbanrur: hominibus adultis, & maturis quæstuosa officia & dignitates; junioribus delicias & voluptates; Virginibus magnificas nuptias, & Augustos thalamos; prætextatis etiamnum puerulis blanditias & illecebras offerebant, & tamen his omnibus nihil morantibus Sancta vestra Religio nunquam feliori successu propagabatur, quam cum crudelissimis fraudum machinis, atrocissimis persecutionum procellis quateretur; atque adeò vitas metere Christianorum, nihil erat aliud, quam eorundem sanguine ulterius semper Sanctissimam Christi fidem disseminare. Ita longè omnium Persecutorum crudelissimus, & Sanguisuga omnium maximè insatiabilis Diocletianus cum incredibili sua confusione Sacrosanctam Christi crucem ab omnibus nationibus adoratam videre debuit; & quod omnium maximè ipsius rabiem irritabat, adorari eandem videre debuit à magna aulæ propriæ parte, à Serena Conjuge, à Susanna Nepte, à Claudio & Maximino Patruis,

truis, à Cajo & Sabino Nepotibus, à Sebastiano suæ Custodiæ, & Castulo Aulæ Præfeto, à Gorgonio & Dorotheo suis Cubiculariis; atque ab his Palatij sui partem non exiguum commutari in Ecclesiam conspiciebat, in qua Religionis illius devotissimè vacarent exercitiis, quam infelix isthic Imperator internecina humani generis strage cogitabat extingue.

An clariora adhuc argumenta requiritis, ex quibus Christianam fidem opus esse DEI Omnipotentis dignoscatis, cùm illa etiam, quæ ad eam subvertendam, eliminandamque penitus adhibebantur, tantum ad eandem dilatandam adjumenti conferant? Id tamen adhuc supereft, ut nimirum instrumentorum quoque, quibus opus tam admirabile perficit, conditionem consideremus. Duodecim Piscatores, & pauci alij illis similes pauperculi, ignorantes, timidi, ex natione ubi-vis gentium odiosissima oriundi, utentes lingua, quæ nullibi nisi in Judæa intelligebatur, totum inter se terrarum orbem dividunt, & intra paucorum annorum decursum eundem totum Christo subjiciunt. Si Evangelicæ Legis Prædicatores omni genæ scientiæ apparatu exculti, si Romana simul & græca instructi fuissent eloquentia; si quingenta armatorum millia, ut magnus olim Alexander, in aciem eduxissent, si populos amplis promissionibus ad

ad se invitâssent, ut quondam Rex Cyrus, qui teste Plutarcho suis sequacibus, si posse-
dissent villam, integrum pagum, si pagum,
integram civitatem, si civitatem, integrum
illis provinciam promittebat; tamen adhuc
ingens prodigium extitisset, inventas esse tot
gentes omnis conditionis & sexus, omnis
ætatis & professionis, quæ talibus pollicita-
tionibus allectæ, mutata, in qua educatæ
fuissent, majorum suorum religione, novam
vitâ etiam & sanguine propugnarent. Hæc
autem, si ita se habeant, agedum, quan-
tum jam erit prodigium, si hæc omnia obti-
nuere homines omnibus humanis talentis pe-
nitus destituti, & qui præter crucem & dolo-
res externis sensibus nihil promittebant, To-
ta illa, quanta quanta demum fuerit Socratis
& Platonis Sapientia evincere tantum non po-
tuit, ut vel hominem unicum ab adoratione
dæmonis abstraheret. Josephus cum omni
sua, qua tantum pollebat, sapientia, cum
plena sua, qua Ægypto præserat potestate ne
quidem valuit efficere, ut vel unica in regno
illo familia ab idolatria ad veri Nominis cul-
tum transiret. Moyses mirabilis ille Istaëlitau-
rum Dux tam stupendis adjutus prodigiis,
quem nôrant tam constantem DEO uti fa-
miliaritate, continere in vera fide commissum
sibi populum ita non potuit, ut vitulo ex auro
confiatu genua non curvarent, eundemque

tan-

tanquam DEUM non adorarent: & duodecim Piscatores eliminare ex omni terrarum orbe idololatriam, atque hujus ruinis imponere potuerunt religionem, hominum sensibus & passionibus adeò contrariam, eorundem intellectus capacitatem tam altè excedentem, eorum vivendi consuetudini usque adeò repugnantem; & hoc quidem potuerint, quia DEUS manum suam ac potentiam eorum adjungat conatibus? En vobis, qui ad credendum miracula exposcitis, miraculum omnibus miraculis majus & præstantius: Mundum idololatram ad verum supremi Numinis cultum conversum; & conversum quidem repugnantibus Politicis, reclamantibus Philosophis, frementibus Principibus, ad arma clamante toto inferno, & igne ferróque in novam religionem debacchante, ut sua eadem in origine suffocaret, quæ tamen his omnibus nihil obstantibus intra paucorum lustrorum decursum per omnes totius terræ provincias instrumentis ad tanti moliminis opus prorsus ineptis propagata est, ut eò nempe manifestius appareret, illius architectum esse DEUM, quisvis in operibus nullius indigeat adjumento.

Illud quoque jam ulterius ponderandum venit, novam identidem huic veritati in dies singulos lucem à constantia accedere, quâ eadem ipsa fides, ab Apostolis, & meditantibus

bus istis ab ipso Christo plantata, per sedecim jam saecula perdurat. Credit illos ipsos articulos, profitetur eadem mysteria, illud ipsum Ecclesiae Caput, & supremum Christi in terris Vicarium summum Pontificem agnoscit, illum ipsum divinarum gratiarum influum recipit, eadem ipsa dispensat Sacra-
ta, illos ipsos Sanctos progenerat, & eadem prorsus, quæ olim methodo, inter populos idololatras se propagat. Et tametsi omni ex latere, & saeculis omnibus novæ identidem sectæ, quæ junctis eam viribus oppugnarunt, ex orco prodierint, quid denique lucri reportarunt? consumpto labore semetipsas destruxerunt & etiamnum destruunt, aquarum in morem, quæ frustraneo impetu in scopulos illiduntur, dum interea firma & sui secura Catholica subsistit Religio, adeò ut omnis inferorum potestas nunquam prævalitura sit aduersus eam.

Quapropter maturo judicio, & æqua balance hæc omnia rationum momenta ponde-
rate, & intellectus vestri convincere pertina-
ciam, & voluntatis inclinare duritiem gaude-
te, ut tandem esse verissima confiteatur, quæ
æterna nobis Veritas revelavit. Prompto ani-
mo vos illis subjicite, quæ docet illa religio,
quæ tam illustres veritatis radios aperta in
fronte exhibet, ut si per impossibile falsa fo-
ret, DEUS ipse nostræ deceptionis Author

existeret, nec justo à nobis judicio exigere penas valeret, utpote qui eam ut verissimam credendo summa cum prudentia operati fuimus.

Ultimò denique illud quoque curandum summopere, ut fides sic illustrata & roborata in opera nostra influat : Id, quod solertissimè facere homines Sancti assolent, qui dicuntur ex fide vivere; nunquam enim animo quidquam statuunt, quod non ex fidei dogmatis deducant. Quid juvat gladium optimum ex latere suspensum secum circumferre, si semper in vagina reconditus delitescat? oportet fidem habere in actu, non tantummodo in habitu, ut loqui solemus. S. Serapion monachus, cùm sæpius, ubi tunicam suam pauperi dono dedisset, seminudus in publico appareret, & ab obviis, à quoniam vestibus spoliatus esset, interrogaretur, Sacrum Evangelij Codicem, quem semper sub axilla circumferebat, protraxit; & hic, inquietabat, est latro ille, qui me, uti videtis, vestimento spoliavit. O! quam feliciter etiam vos, si non vestibus, certè mille rebus superfluis Sacrum hoc Evangelium exspoliaret, si familiari illius usu vestram animare, atque succendere fidem studeretis: Sancti per fidem vicerunt regna. Hebr. 11. v. 33. Verum enim verò, si summa est infamia ut divinam non credere religionem, innumerabilium

Martyrum sanguine , altissimis innumerabilium Sanctorum virtutibus, innumerabilibus Doctorum calamis, innumerabilium prodigiorum, imò ipsorum etiam dæmonum confessione confirmatam ; quanta erit dementia , credere, esse divinam , & tamen ita vivere, ac si foret merissima fabula ?

LECTIO II.

DE IMPEDIMENTO,

*Quod affert Saluti nimia fiducia, quam mul-
ti in Confessione reponunt.*

Undenam, amabò, provenire credamus, quòd homo, quem suis in negotiis semper proniorem ad metum & solicitudinem, quam spem atque fiduciam cernimus, in iis, quæ salutem animæ concernunt, tantò magis in spem , quam timorem inclinet? certè non aliam istud ob rationem contingit, nisi quòd exiguum suæ salutis amorem in corde foveat ; atque adeò non timet, quia non diligit. Ubi que Christianam inter gentem reperire est homines, qui iniquitatem sicut aquam hauriunt, eò quòd continuò dicant : *Confitebor* : Et ubi postmodum hausta liberaliter iniquitate se totos inebriarunt, nulla exinde solicitudine eam ob rationem anguntur, quia dicunt : *Confessus sum*. O ! præsumptio nequissima unde crea-

ta es cooperire aridam malitia. Eccl. 34. v. 3.
O! Scelestissima præsumptio, quæ criminibus mundum universum imples, quo tandem ex fundo prognata es infesta soboles! certè non ex alio, quām inferno. Nunquid igitur æquissimum omnino est, ut rursus ad æternas, ex quibus prodierat, tenebras repellatur, ne novis identidem Christianos involvere fraudibus perseveret? in id unum proinde sequente in lectione collimabimus, ut bonum tam eximium obtineamus.

Profectò nemo uspiam mercatorem usque adeò insanæ mentis invenerit, qui merces suas nulla urgente necessitate in tumultuantis pelagi fluctus projiceret, hac sola spe subnixus, quòd denuo posset ex profundo maris sinu expiscari. Et tanta nihilominus Christianorum multitudo reperitur, quæ suam innocentiam, gratiāmque divinam, hoc est, donum illud inæstimabile, quo pretiosius vel ipsa etiam immensa æterni Numinis munificentia elargiri hīc nobis non potest, ultro abjiciunt, huic solummodo spei vesanè innentes, quòd cœlestes has divitias per Sacram Confessionem facili rursus negotio valeant recuperare: Sponte fese durissimæ dæmonis servituti mancipant, eò quòd facile sibi fore confidant, illius catenas pro libitu suo disrumpere, & denuo in libertatem eluctari Filiorum DEI: Læta facie hosti infernali obviām

viam procedunt, clavim animæ suæ manu
 præferentes; quia indubitatò sibi persuadent,
 eandem illum sine mora redditurum, quan-
 docunque demum sibi denuo reposcere libue-
 rit. Et quidem ex una parte nihil res isthæc
 in me movet admirationis, cùm novus non
 sit error iste inter Filios hominum; prima
 namque hæc fuerat in mundo tentatio, qua
 deceptor stygius Protoparenti nostræ, ut po-
 situm sibi à DEO præceptum transgrederetur,
 supremam hujus Bonitatem exaggerando per-
 suasit: *Nequaquam moriemini.* Gen. 3. Fa-
 cite, quidquid jam vobis collibitum fuerit,
 nihil exinde vobis eveniet mali; DEI Bonitas
 est infinita. Ipsem etiam Adamus, qui
 juxta Apostolum non fuerat seductus sicut
 mulier, nihilominus tamen socius esse suæ
 Consortis in comedendo pomo vetito voluit,
 quia culpam, licet in se gravissimam, venia-
 lem esse existimavit, juxta phrasin S Augusti-
 nil. 11. in Gen. id est talem, quam facile sibi
 Benignissimus Conditor condonaret: quod
 Divo etiam Thomæ placuit. *Adam peccavit*
cogitans de divina misericordia. 2. 2. Q. 163. a.
 4. Adam Creatoris sui mandato non obedi-
 vit, eò quòd crederet, haud quaquam illius
 misericordiam tantis hoc peccatum suppliciis
 castigaturam, quanta DEUS minatus fuerat.
 Et quid multis? Etiam tum tentator stygius,
 cùm eò temeritatis procederet, ut cum Chri-

sto Domino in deserto jejunante congregdi au-
 deret, potissimam suæ fiduciæ partem, qua
 victoriam sperabat, in hoc armorum genere,
 quo toties jam felici adeò exitu pugnarat, re-
 positam habuit. Unde suadebat amabilissimo
 Servatori, ex alto præcipitem se ageret, in-
 dubia hac spe fretus, ad volaturos è vestigio
Angelicos Spiritus, qui divino ad id negotij
 imperio destinati suis eundem manibus susti-
 nerent: *Mitte te deorsum; scriptum est enim;*
quia Angelis suis mandavit de te, & in manibus
tollent te, ne forte offendas ad lapidem pedem tuum.
 Matt 4. Non est proinde, cur multa nos ad-
 miratio teneat, si inter Christianos tam fre-
 quens est ista tentatio; quos continuò infer-
 nalis inimicus sollicitat, ut in omnis generis
 se scelera præcipitent, primoque peccato cen-
 tum alia adjungant, sola insana hac præsum-
 ptione erecti, Confessarios quasi Angelos pa-
 cis sacra sua absolutione impedituros, quod
 minùs hi lapsus cum irreparabili æternæ salutis
 damno conjungantur. Hoc est, quod admi-
 remur, nimirum, quod Christiani fraudem
 tam apertam non agnoscant, pariterque ita
 sint ingratii, ut instar venenosí napelli, quod
 magis cœlesti divinarum gratiarum rore asper-
 guntur, eò majus semper suo veneno aug-
 mentum adjicant, hácque ratione efficiant,
 ut pretiosissimus Christi Domini sanguis, qui
 veluti balneum esse deberet, quo omnia pec-
 ca-

cata suffocentur, illis potius, ut ita dicam, ad eadem riganda, atque augenda deserviat. Nunquid autem hoc est salutis nostræ remedium in diaboli triumphum commutare? Quemadmodum S. Ambr. *I. 2. de pœnit.* deplorat his verbis: *Remedium nostrum fit ipsi diabolo triumphus.* Verum videamus jam damnum, quo semetipos hac præsumptione afficiunt.

DAMNA,

Quæ ex hac præsumptione enascuntur.

Verum quis jam tantum sibi inesse virium atque facundiæ confidat, ut inexplicabile illud damnum, quod animæ saluti affert isthæc præsumptio, pro rei dignitate describat? crediderim ego, majorem reproborum Christianorum partem debere huic præsumptioni æternam suam damnationem, quæ pedentim, & veluti per passus illos ad horrendum infernalis abyssi præcipitium promovit; periēre enim, quia licet peccantibus præparatum esse ignem sempiternum credidere, tamen ita liberè in scelera proruebant, ac si hunc ipsum ignem merum figmentum reputarent: quippe facillimum sibi singebant esse in promptu remedium, scilicet commissa flagitia in confessione Sacerdoti recensere, & cum injuncta ab illo levissima pœnitentia discedere, qua peracta jam omne le soluisse debitum pu-

tabant. Et primus quidem ad exitium passus
 est *multitudo peccatorum*. Juvenis ille cum do-
 lore utcunque sufficiente peccata confitetur,
 atque etiam diebus aliquot temptationibus for-
 titer resistit. Sed ubi vel semel relapsus est,
 mox plena passionibus frœna relaxat, & non
 jam lento pede per scelera ambulat, sed con-
 citatis passibus viam inquitatis decurrit. Jam
 verò quis tot lapsuum inire numerum valeat?
 totidem sunt miserandi casus, quot sunt con-
 tumacis carnis incentiva; imò ausim dicere,
 quot ferè sunt cordis affectus, & animi cogi-
 tationes. Verùm tam amplæ multitudinis
 planiorem non nihil computum faciamus.
 Multi ex ipsis peccatoribus, qui tam facilem
 sibi confessionis beneficio veniam promittunt,
 quotidie, ut parùm dicam, saltem decem
 peccata gravia committunt, partim datis scan-
 dalis, & cogitationibus, partim inquis ser-
 monibus, vetitis oblectationibus, & operi-
 bus malis: Hoc posito, peccatorum ab uno
 solo patratorum numerus intra mensem ultra
 trecenta, & intra annum ultra tria millia ascen-
 dit; atque adeò unus istorum hominum intra
 unius anni decursum pluribus, quam ter mil-
 le, vicibus inferni forces pulsat; & difficile
 credere vobis jam accidat, quin ipsis aperiri
 tandem aliquando Divina Justitia, eosdém-
 que in abyssum illam præcipitari permittat?
 hoc ipsum profectò est, quod ipsamet illis
 per

per Jeremiam Prophetam gravissimis sanè verbis comminatur: *Curationum utilitas non est tibi; plagā inimici percussi te, castigatione crudeli, propter multitudinem iniquitatis tuæ.* Jer. 30. v. 12. Attento animo hæc verba ponderate. Non dicit Dominus: quia sanati non estis: sed quia nihil ex hac cura, imò ex multis simul curationibus nihil utilitatis recepistis: *Curationum utilitas non est tibi;* utpote qui non una tantummodo, sed multis omnino vicibus saluberrimum pœnitentiae lavacrum ingressi estis; & tamen hoc salutare lavacrum, quod peccatis venenum esse debuisset, propter malitiam vestram nova fomenta illis suppeditavit; quia nempe in corde vestro dixistis: *Si pecco, sufficit confiteri;* & si una vice peccavi, jam est peragenda confessio: *Sæpius igitur peccare jam potero, atque omnia simul una confessione delere.* Quapropter curationum utilitas non est tibi. Emolumenntum, quod vestris ex confessionibus reportatis, est, sine numero peccata peccatis accumulare absque eo, quod unquam advertatis, hanc ipsam multitudinem in profundum inferni vos demergere, atque efficere, ut Divina illa Mæstas absque ulla vobiscum misericordia procedat castigatione crudeli, & veluti inimicum persecutatur, qui tantò velit esse adversus Dominum suum insolentior, quantò ille erga se fuet.

rit indulgentior. *Plaga inimici percuſſi te propter multitudinem iniquitatis tuae.*

Alter passus est horum ipsorum **enormitas peccatorum**, quæ ideo tam liberè commituntur, quòd spes confessionis animos addat. *Confitebor*, inquiunt hi scelerati: sed **Spe sua falluntur mīseri**; cùm **DEUS** tanta **enormitate irritatus**, altera mente reposita **corundem scelera retineat**, ut suo tempore **justa ultione prosequatur**. *Profundè peccaverunt*, inquit Oseas Propheta, hoc est, in **profundum iniquitatis**, & in **turpissimum peccatorum cœnum** se immerserunt. *Profundè peccaverunt*: ecce culpam! sed ecce quoque **pœnam statim adjunctam**! Recordabitur **iniquitatis eorum**, & visitabit peccata eorum. **DEUS**, videns, suos fideles qui esse deberent gens sancta, turpitudine scelerum ipsos etiam infideles exsuperare, sique in illarum, quas vel ipsa bruta animantia aversantur, voluptatum luto volutare, tantam impietatem oblivisci nequit, recordabitur peccata eorum; Sed pro meritis tandem suppliciis ulciscitur: & visitabit iniquitates eorum.

Ultimus denique passus, per quem infelix isthæc præsumptio tot animas ad interitum perducit, est nimia securitas post peractum peccatum. *Impius*, cùm in **profundum** venerit **peccatorum**, contemnit. *Prov. 18.* nisi quòd aliqui ex peccatoribus adhuc ulterius

pro-

procedere videantur, cùm perpetrata crimi-
na non solum contemnant, sed in iis etiam
plurimum sibi complaceant, atque exultent,
imò & peccasse sibi gloriæ ducant: *Lætantur,*
cùm malè fecerint, & exultant in rebus pessimis.
Prov. 2. Peccatum suum quasi Sodoma prædicaverunt. Isa. 53.

Verùm qua ratione eosque perversitatis
queant devenire, quin Christianæ, quam
quidem profiteri se dicunt, fidei renuntient?
prodigijs speciem præbet, quòd reperire sit vel
unum, qui, etsi sciat, peccatum certissimam
animæ mortem, & mortem quidem sempiternam in igne inextinguibili sustinendum af-
ferre, tamen illud committere non perhor-
refcat. *Potest aliquis gustare, quod gustatum*
affect mortem? Job. 6. v. 6. Et tamen innu-
meros reperire est, qui non guttatum tantum
sorbillant, sed pleno gutture venenatum ca-
licem siniul exhauiunt, quin unquam aut sa-
tietatem aut nauseam persentificant; & hæc
omnia tandem, quia dicunt: *Confitebimur.*
Unde evenire illud deprehendimus, quòd S.
Ambrosius pronuntiavit: *Facilitas venia in-*
centivum præbet delinquendi. Hoc est damnum
illud: quod saluti animæ infert peccandi te-
meritas, fundata in spe peragendæ confessio-
nis, quandocunque libuerit: eo nempe Chri-
stianum perducit, ut, postquam vitam hanc
inter enormia quævis scelera transegit, ad

aliam ioter crudelissima quævis tormenta exigendam eum tandem deducat. Jam ad remedia transeamus.

REMEDIUM

Ad curandam tam fatuam temeritatem.

Bonus es tu, & in Bonitate doce me justificationes tuas. Psal. 118. Hæc est oratio, quam sæpius ex toto cordis affectu ad cælum cum Psalte Regio evibrare debes, tanquam primum hujus, quam hucusque detestati sumus, præsumptionis remedium: O! Domine DEUS meus! tu Bonus es, imò ipsa Bonitas, Bonus es tu; fac igitur quæso, ut me hæc ipsa tua Bonitas observare sacratissima tua præcepta edoceat: *In Bonitate tua doce me justificationes tuas.* Hoc est, quod dulcissimus Servator à te exigit, quando tanta erga te benignitate utitur, cùm tanta patientia te ad confessionem & Poenitentiam exspectat, quando peccatorum veniam tibi indulget; hoc quærit: ut ab ipso bonus esse discas. Quid igitur eundem irritare non times, si tam protervè illius consilia invertas; ut, quantò majorem ille erga te ostendat amorem, tantò in ipsum magis esse velis injurius? Nunquid redditur pro bono malum? Jerem. 18. v. 20. Ex quo tempore hæc lex in cordibus hominum est promulgata, quod beneficia, quod ma-

magis insignia sunt, eò sint monstruosiorib[us] offensis compensanda? si non credis DEI Bonitatem, & peccati malitiam contrarietate infinita, essentiali, irreconciliabili sibi invicem opponi, DEUM esse DELIM non credis. Quodsi autem hoc credas, quid aliud est, velle ut Divina ipsius Bonitas motivum tibi sit edendi in lucem tam atrocem hujus ipsius Bonitatis inimicum, quam armate quasi DEUM contra DEUM, atque efficere, ut DEI misericordia, cum ejusdem justitia quasi præliō contendat.

Secundum remedium erit, ipsam mali radicem aggredi. Totum malum dupli ex ignorantia nascitur; ex una enim parte ignorant, quidnam reipsa sit confessio; ecce! primam: ex altera parte non sciunt, quales illa in nobis effectus producat; ecce! secundam; Jam verò hanc utramque ignorantiam ex peccatorum cordibus tollere, erit eorum medicina.

Primò igitur, qui adeò temerè sub spe peragendæ confessionis in peccata præcipitant, quidnam sit propriè confiteri, communiter ignorant. Imaginari sibi videntur, confiteri non esse aliud, quam commissa scelera fideliter in aures sacerdotis deponere, iisque accuratè expositis ex integro confectum esse negotium. Atque adeò tota illorum diligentia in eo desudat, ut exactè perpetrata crima in

memoriam revocent, & tota eorundem sollicitudo post peractam confessionem in eo veritatur, quod timeant, ne cujusquam forte fuerint sceleris oblii. At vero, si sola haec diligentia ad instaurandam cum DEO pacem sufficeret, Via Cœli contraria, quam S. Evangelium testatur, non modò non angusta, sed amplissimam quamvis plateam spatiösior existeret. Et quae tandem magna difficultas sit, delicta nostra confessario recensere, postquam ad hoc faciendum à primis jam unguiculis fuimus assuefacti? Hac profecto ratione peccatorum sceleratissimi, qui pudendis suis flagitiis gloriantur, eadémque tanquam liberales factias, in comilitonum suorum circulis absque ullo pudore referunt, omnium optimè ad confitendum essent dispositi; & confiteri, foret negotium, quod totum labiis conficeretur, essetque potius memorie, quam coridis exoneratio. Igitur confiteri propriè est, ad DEUM se convertere. Atque ideo, tametsi haec peccatorum manifestatio ad hoc, ut sacerdos ab iuste possit absolvere, requiratur; haec tamen sola haud quaquam sufficit; sed insuper necessarium est, contriti animi dolor accedat, tribus hisce conditionibus vestitus; primâ, ut sit *Supernaturalis*, secundâ, ut sit *summus*; tertia, ut sit *efficax*. Ex tribus hisce conditionibus, si vel unica pœnitentiæ tua deficiat, confessio tua similis erit confessioni

Saulis, Judæ, & Antiochi, qui quidem delicta sua agnōrunt, eorundēmque se coram DEO reos confessi sunt; neutiquam tamen illorum veniam obtinuerunt; quia fuerunt pœnitentes lingua solūm non corde. Et hinc, cùm tantum nostrā intersit prædictas conditiones adimplere, quantum interest lapsuum nostrorum à DEO veniam impetrare, illas in præsente lectione explicare, aut saltem singillatim in memoriam revocare oportebit. Dolor itaque ad confessionem requisitus debet esse efficax, hoc est talis, ut vi illius paratus sit pœnitens, potiūs carere bonis creatis omnibūs, & onerari omnibūs malis, quam ullo unquam tempore & occasione divinam Majestatem ampliū offendere: sicut honesta quædam matrona, cui firmissimè fixum, ratumque est, nullo unquam tempore, nulla occasione datam suo conjugi fidem violare. Deinde dolor hic debet esse summus; quippe tam ille dolor, quo ad detestandum peccatum ex amore DEI movemur, & contritio vocatur; quam alter, quo movemur ad abominandum peccata; quia sunt malum animæ, cámque cœlesti paradyso privatam æternis suppliciis obnoxiam efficiunt, atque atque attritio appellatur; uterque, inquam, dolor lethiferum crimen appretiativè super omnia mala debet detestari; id est, tanto cum vigore, ut anima vi hujusmodi actus potius

tius eligeret omnia mala, quæ vitari peccan-
 dō valerent; tametsi amittere fortunas, pri-
 vari famâ & honoribūs, imò ipsa etiam spolia-
 ri vita oporteret; quam ullius amplius gra-
 vioris peccati ream se facere. Et quamquam
 necesse non sit in hac comparatione ad parti-
 cularia descendere; necessarium tamen omni-
 no est, ut DEUS, qui profunda cordium in-
 tuetur, perspiciat, quòd Divinam suam ami-
 citiam, legémque in eadem cum creaturis ve-
 luti bilance positam, rebus creatis omnibus
 tua in æstimatione præferas. Ultima deni-
 que doloris conditio est, ut sit supernaturalis,
 tam ratione principij, ex quo procedit, quò
 æque est gratia DEI, quām ratione motivi,
 quòd esse debet nobis per fidem manifesta-
 tum. Adeoque si quis confitetur, quin ejus-
 modi dolorem, qualem hucusque descripsi-
 mus, suo in corde eliciat, peracta confessio-
 ne cum omnibus suis peccatis domum reverti-
 tur: & persuadere sibi, se bene confessum es-
 se, ad hoc quidem prodest, ut S. Euchari-
 stiam percipiendo, Sacrilegium non commit-
 tat, nequaquam autem impedit, quò min-
 nūs; si forte hoc in statu eum mori contin-
 gat, pœnis æternis adjudicetur. Fingite,
 sacerdotem quendam, cùm infantem bapti-
 zaret, liquoris colore deceptum aquæ loco,
 vinum album affudisse: posset quidem hic er-
 ror, quem bona fide commiserat, sacerdoti
 ad

ad sui excusationem servire , istud tamen haud
 quaquam efficere valeret , ut infans revera
 baptizatus evaderet , eò quòd partes essentia-
 les & necessarias Sacramenti , cujusmodi fo-
 ret in præsenti casu aqua naturalis , quæ est
 materia baptismi , supplere bona fides non
 queat . Agedum , hunc casum jam tibi ap-
 plica ; considera , quòd , quemadmodum
 aqua naturalis materia est baptismi ; ita mate-
 ria pœnitentiæ Sacramenti est animi nostri
 contritio ; & hinc etiam si tu simul & conscienc-
 tiæ tuæ arbiter dolorem tuum sincerum juxta ,
 & numeris omnibus absolutum existimetis , si
 tamen DEUS contrarium videat , idem te-
 cum erit , quod foret , si baptizatus non fuis-
 ses . *Nisi pœnitentiam egeritis , omnes simul*
peribitis Luc. 13. inquit Dominus : tam enim
 necessarius est ad delenda , quæ baptizati con-
 traximus , peccata actualia baptismus pœni-
 tentiæ ; quam ad extinguendum originale ne-
 cessarius est baptismus aquæ . His omnibus
 positis , quæ sunt indubitate , considera ob-
 secro , an vel probabile videri queat , illum ,
 qui adeò liberè in peccata proruit , dicens
 identidem : *confitebor ; absque hoc jam confite-*
ri oportet ; verum habere de suis delictis dolo-
rem , nimirum tales , qualem hactenus de-
scripsimus ? mihi manifestum videtur , quòd
non ; hoc enim dicendo apertè demonstrat ,
quòd ne quidem illius necessitatem agnoscat ;

secus profectò non leve emoti cerebri indicium præberet ; cùm hoc idem foret ac dicerre ; patrabo jam hoc malum , & postmodum id ipsum super omnia mala detestabor , dolebóque , quòd fecerim : hac modò culpa meam animam conspurcabo , & postmodum optabo , hanc maculam omni , qui per venas currit , fuso sanguine , posse abluere . Vides , opinor , neminem , nisi hominem capitatis vertigine haud parùm laborantem ita tecum posse discurrete . Et planè , tu ipse si dissuadere alicui quidquam intendis , ita eum adhortaris : cavesis , ne tui te postmodum facti pœniteat . Et ille , si initi consilij pœnitendum suum postea subituram esse animum prævideret , procul dubio ab illius executione abstineret . Quodsi istud , quod dixi meritò dubitandi ansam tibi præbeat , an in similibus casibus vel dolorem etiam levem habeas ; judica , an persuadere tibi valeas , te habere dolorem illum summum , qui te penitus mutet in alium , & toto corde ad DEUM convertat ; qui sit in comparatione omnis alterius doloris , sicut mare flaviis comparatum : *Magna velut mare contritio tua.* Thren. 2. Ulterius audivisti , contritionem debere procedere ex gratia DEI , istiusque donum existere . Si proinde DEI donum est contritio , donum gratis datum sit oportet , & quidem tale , quod non cuivis animæ concedatur : secus enim

enim speciale donum non foret. Bonum in-super est, ex pretiosissimis, quæ ab inexhau-sto illo gratiarum fonte DEO ad nos possunt descendere; beneficium Divinæ Bonitatis specialissimum; opus divinæ omnipotentie maximum, ita quidem; ut, si aliud mun-dum totum aureum, aliud cœlum totum ada-mantinum procrearet, & utrumque arbitrio tuo dominiōque penitus relinquere, infinitè tibi minus datus esset, quam si veræ con-tritionis actum concederet. An autem jam probabile tibi videtur, DEUM tam promptè, & quolibet momento, quo tibi libuerit, hanc gratiam usque adeò pretiosam elargiturum? hanc gratiam, quam tot negat mortalibus in sua cordis duritie derelictis? hanc gratiam, quam ut obtinerent Sancti, tam diutinas, asperásque egerunt pœnitentias, tam copio-sas lacrymas profuderunt; & ad quam reci-piendam tot se meditationibus disposuerunt?

S. Carolus Borromæus singulis annis confes-sione generali animum expiabat, atque ut sin-cerum DEO factorum suorum dolorem impe-traret, in Sacra solitudine per plures septima-nas spiritualibus exercitiis se præparabat; die autem, qua confessionem peragebat, octo integras horas eliciendis perfectæ contritionis actibus, fundendisque ad cœlum pro obti-nendo tam pretioso dono precibus impende-bat: & tu qui forsitan hesterna adhuc luce no-

viste scelerum sordibus contaminasti; hodie statim, absque eo, quod de peccati gravitate vix quidquam cogites, absque eo, quod supremam offensi Numinis Majestatem, Immensamque Ejusdem Bonitatem consideres, absque eo, quod vel librum, qui de hujusmodi materiis differat, inspicias; hoc solo contentus, quod præteritæ vitæ crimina in memoriam revoces, & ad sacerdotis aures delaturus accurras, tibi videris miraculum veræ pœnitentiæ: non obstante, quod tam gravia stent contra causam tuam præjudicia, tamque graves suppetant rationes credendi te quidem vas cordis lavisse exteriùs, interiùs verò adhucdum plenum esse iniquitatem.

Verum etiam illud evenire concedamus, quod, ut eveniat, tam difficile esse hucusque diximus, quod nimirum ille, qui pro nihilo peccatum reputat, quando committit, tam facile illud super omnia mala detestetur, quando deferre ad sacrum tribunal cogitat; altera tamen adhuc cœcorum istorum hominum ignorantia circa confessionis effectus remanet explicanda. Sibi ipsis persuadent, commissa à se delicta postquam semel confessatio sunt exposita, post datam absolutionem, non magis peccatori nocere, quam si nunquam fuissent commissa: ita, ut istarum animarum quælibet, quæ à S. Petro ob mille turpitudines toties repetitas sus lota in volutabro luti ap-

pel-

pellatur, à sacerdotis pedibus recedat, ac si semper agnus sine macula extitisset. Sed enim, haud quaquam res ita se habet: quemadmodum enim baptismus, tametsi originali labore animam abluat, concupiscentiam tamen, aliosque hujus ipsius peccati effectus non tollit; ita confessio ritè peracta eisdem ex corde culpam expellit, nullatenus tamen ordinariè saltem, ab omnibus, quæ secum ista advexerat, malis liberat; eò quod nec ab omni poena nostris transgressionibus debita immunes nos præsteret, nec omnes pravorum habituum vires, licet aliquantulum immuniuat, penitus infringat. Et hoc etiamnum explanandum supereft.

Primò igitur, post confessionem etiam ritè factam multa adhuc poena remanet sive in hoc mundo austertates inter & afflictiones; sive ibi in igne purgante sustinenda. Divina enim justitia, si cum culpa æternam quoque pœnam condonat, non ita condonat, ut non aliquam saltem, prout æquissimum est, satisfactionem expotcat. Ob quam causam S. Job. omnes suas operationes pertimescebat, verebar omnia opera mea. Noverat nimirum, nullatenus DEUM totum peccatori debitum facile dimittere: Sciens, quod non parceret delinquenti. c. 9. v. 28. Confessionem itaque perages, uti speras, & forsitan eam perages bonam; sed justam quoque de peccatis pœ-

nitentiam ages, non levem solummodo illam, quam confessarius injunxerit, sed aliam insuper, eamque longè gravissimam, quam DEUS ipse tibi imponet, immisis morbis, litibus, jactura fortunarum, morte præprospera, quæ te, aut tibi carissimos abripiet, quem admodum Regi Davidi evenisse compertum est, cui dimisso gemino adulterij & homicidij crimine, afflictiones tamen ingentes immisit, quales fuerant inopinatus filij interitus. & Absalonis juxta ac totius Regni concitata rebellio. Quod si autem debitas criminibus pœnas in hac vita non exposcat, haud dubie in altera in horrendi illius ignis fornace repetet, sicut repetiisse ab illo milite Thomas Cantipratanus testatur, qui, cum elicita quidem prius vera contritione, sed multis etiamnum debitibus gravatus è vivis excessisset, summa postmodum consolationis loco habuit, quod sperare liceret, acerbissimas suas pœnas cum fine mundi habituras. L. 2. c. 51. p. 4.

Et istud quidem, quod hucusque diximus, minus adhuc est: magis me terrent infelices aliæ, quæ post peccatum in confessione etiam ritè peracta dimissum remanent, reliquæ, quas inter præcipue se offert parvus habitus, qui à peccatis generatur. Mortuus est Pater, inquit Ecclesiasticus, & quasi non est mortuus; similem enim reliquit post se. c. 30. Hæc verba aptissime applicari peccato possunt, quod, etiam-

etiam si post sinceram confessionem penitus
 moriatur, ita tamen se habere videtur, quasi
 mortuum non esset, quia superstitem reliquit
 malam consuetudinem, quam non incon-
 gruē infaustum actūs pecaminosi partum nun-
 cuimus, utpote quæ ab illo generata ad id
 tendit, ut nova identidem peccata pariendō,
 illius propagationem perpetuō continuet.
 Pravus isthic habitus, ac fatalis ista dispositio
 nova semper in anima nostra pro peccatorum,
 quæ committuntur mensura, incrementa ac-
 cipit, & majoribus semper animæ salutem pe-
 riculis exponit. Quod autem nova ei conti-
 nuō augmenta adjiciantur, præter alias ratio-
 nes ipsa fides Sacris ex Paginis frequentissimè
 manifestat. Sic in Proverbiis dicitur abire
 peccator post voluptates prohibitas bovis in-
 morem, hoc est tardē & cum repugnantia:
 sequitur eam quasi hos. Paulò pōst verò sequi
 eas saltitandō dicitur in solecentis agnelli in-
 star: quasi Agnus lasciviens. Et tandem, ve-
 locissimo volatu insequi, sicut volucris, quæ
 concitatīs penūis prædæ inhiat: velut si avis
 festinat. Psalmō autem 108. æterna Veritas
 per os Prophetæ asserit, peccatorem se male-
 dicta iniquitate vestire: induit maledictionem
 sicut vestimentum: Postmodum verò hæc ipsa
 iniquitas contracto habitu, & repetitīs iden-
 tidem actibūs semper ulteriūs ad interiora pe-
 necrat, sicuti aqua haustu accepta in intima se

se viscera insinuat : sicut aqua in interiora ejus ,
 & tandem veluti oleum ipsas etiam ossium me-
 dullas pervadit : & sicut oleum in ossibus ejus .
 Psalm. 7. habetur , peccatum ab initio velut
 inimicum nos persequi ; persequatur inimicus
 animam meam : statim deinde subjungitur ,
 quod nos ferociter comprehendat , atque in
 terram prostratos conculcet : comprehendat &
 conculcet in terra vitam meam ; & denique in
 pulverem nos redigat ventorum impetu dissipa-
 pandum : & gloriam meam in pulverem dedu-
 cat . His , aliisque similibus loquendi for-
 mulis docere nos vult Divinus Spiritus , ani-
 mam quod liberiùs se se in peccandi licentiam
 effundit , eò longius à salutis suæ semita rece-
 dere ; atque à peccatoribus non ea ratione
 eam perdi , qua pretiosus annulus , qui eo in
 loco jacet immotus , in quo cecidit . Sed si-
 cut stolida ovis , quæ quod longius progre-
 ditur ; eò longius suo à pastore recedit ; erravi ,
 sicut ovis , quæ periit . Psal. 118. Et tamen
 insani isti perinde esse sibi persuadent , five
 unum , five centum peccata comittant , abs-
 que eo , quod unquam cogitent , peccata
 peccatis agglomerandō , pejore se semper ani-
 mæ suæ salutem in statu collocare ; cùm hoc
 modo magis semper , magisque mentis oculi
 excæcentur , cor magis induretur , onus
 identidem magis aggravetur , majus in mo-
 menta ferè robur succrescat tentationibus ,
 qui-

quibus impugnantur, è contrario vires ad vincendum necessariæ in dies decrescant.

Quare si deinceps fortè contingat, ut veterator stygius in peccati cujusdam te præcipitare profundum contendat, cave ne ipse met casum tuum vesanè promoteas dicendò : confitebor, sed potius invincibili scuto animum robora, sic tecum ipso dicendo : quis scit, an confessurus sim bene? quis novit, an non hoc fortè peccatum sit ultimum, cuius divina Bonitas mihi concedere veniam velit? quis certum me reddit, quod mihi datus sit DEUS donum illud pœnitentiæ, quod innumeris aliis denegavit mihi similibus peccatoribus, qui modò in rogo infernali torquentur; illud donum, pro quo obtinendo tam ardenteribüs ad cœlum votis suspirat S. Mater nostra Ecclesia Catholica? ut ad veram pœnitentiam nos perducere digneris. Quis scit, an si vivere absque DEI timore assuevero, non sensim me datus sit in reprobum sensum; & tandem devolvi ad impenitentiam finalem patiatur? *Sapiens cor, & intelligibile abstinet se à peccatis.* Eccl. 3. v. 32. hoc propriè est esse sapientem, sapiens cor, negotium suæ æternitatis tam manifesto periculo non exponere, quale est in eo, ne fortè infructuosa confessio peragatur; & cùm tuæ salutis spem fortissimo alligare funi valeas, è debili marcidóque funiculo non suspendere, quo post modum in frustra abeun-

te in sempiterni ignis profundum præcipiteris. Hoc est intelligere , quanti momenti res sit peccatum , quid rei sit vera confessio , quan-
nam dispositiones requirat , quos in nobis ef-
fectus producat ; nempe abstinere à peccatis .
Sapiens eorū & intelligibile abstinebit se à peccatis
at qui econtra iniquitatem non masticatam de-
vorat , cōquod speret , suo tempore eam de-
duo posse evomere , luculentissimum suæ de-
mentiæ argumentum præbet , cùm ultrò ad-
mittat malum quoddam infinitum ; similique
sibi promittat illud , quod in sola DEI manu
positum est , tempus nimirum pœnitendi , &
opportunum ad agendam dignam pœnitен-
tiā auxilium ; quasi verò DEUS maximus
non esset , summeque tremendus , atque in
exequenda vindicta potentissimus peccato-
rum omnium inimicus , & ille , qui omnem
iniquitatem infinitō odio persequatur .

Quodsi infortuniō lapsus sis in peccatum ,
noli , quæso , in hoc luto animam deinde
tuam volutare , sed potius ad DEUM te con-
verte , & humili affectu veniam flagita ; ne
tempus futuræ confessionis expecta , verū
quam citissimè , multis iisque , quantum fieri
potest , intensissimis contritionis affectibus te
inter & DEUM felicissimam pacem redinte-
grare satage . Nonne hæc Temeritas est pla-
nè intolerabilis , quod , cùm quovis momen-
tō avocari ex hac vita possis , vel per momen-
tum

tum unicum vivere in peccato mortali audias? id est, quod super horribilem malorum omnium abyssum, scilicet infernum hæreas suspensus est tenuissimo filo, quale est vita hæc mortalis? Et tamen in discriminis plena hac statione non per unicum tantummodo momentum, sed per menses etiam complures persistis, & inde te eripere differs, usque dum aut Paschatis, aut Natalis Domini festiva solennitas appropinquat? Atque interea tam securè & risui & somno indulges, quasi exanimem truncum offendisses, qui impactas sibi injurias non persentisceret, nec brachium haberet, quo tuam tandem insolentiam ulciscatur. Ante annos non adeò multos juvenis quidam illiciti amoris vinculis implicitus profligatae famæ simul & vitæ fœminam perditè deperibat. Acerbè propterea & à Patre, & cognatis, & à confessario reprehensus. tandem statuit, per exactam à tota vita exhomologes in dæmonis se se pedicis explicare. Igitur peccatorum suorum summam solicite collectam in schedula annotavit; verùm tam remissum suo examini dolorem subjunxit, ut, cum Sacrum Judicem accessurus scelesti prostituli fores transiret, induci se pateretur, ut priùs adhuc, quam templum subiret, in illius ædes intraret, novam hanc culpam simul cum antiquis Sanctum postea ad tribunal delaturus. Verùm enim verò, cùm jam jam in

co esset, ut tceleratæ suæ passioni habenas laxaret, insperatò juvenis alius istius corrivalis supervenit, qui repente actus in furias, strixóque in eum irruens gladio, uno iactu confossum ad æterna ablegavit. Invenere deinde, qui mæsti cadaveris vestes excusserant, schedulam illam, quam eum in finem præparaverar, ut ex ea peccatorum suorum catalogum confessario recitaret. Age jam, si similis essem miserando huic juveni in peccandi temeritate sub spe facilis venia; nunquid similis quoque esse aliquando posses in perferenda poena? Perfectò malum est adeò terribile damnari; ut ex innumeris casibus, qui quotidie ferè eveniunt, vel unicus extremo nos omnes horrore concutere, & nostram peccandi libidinem refrænare penitus deberet.

LECTIO III.

DE IMPEDIMENTO,

Quod affert saluti nostræ parùm curare peccata luxuriæ.

Gravis omnino ponderatio est S. Thomæ, cùm observat, quòd Mundi Magister S. Paulus de nullo alio vizio nos admoneat, ut ne seduci nos patiamur, quàm ubi de peccato luxuriæ loquitur. Sic ad Corinthios scribens, ne patiamini, inquit, à passione

vestra vos decipi; sed pro certo habete, illum, quem libido possederit, Regnum DEI non possessurum: Nolite errare, neque fornicarij, neque adulteri, neque molles regnum DEI possidebunt. 1. Cor. 6. v. 9. Id ipsum in Epistola ad Galatas repetit: nolite vos metipso decipere; nemini fas est cum DEO nugari: quod seminaverit homo, illud & metet: Nolite errare: DEUS non irridetur: quæ seminaverit homo, hac & metet; quoniam qui seminat in carne Iua, de carne metet corruptionem; qui autem seminat in spiritu, de spiritu metet vitam æternam. Gal. 6. v. 8. Idem & quidem apertissimè Ephesiis inculcans, altissimè, ait, hanc veritatem animis vestris imprimite, & ne patiamini vanas vos garrulitate seduci; nullus fornicarius, aut immundus haeres est regni JESU Christi: hoc enim scitote intelligentes, quod omnis fornicator, aut immundus, non habet hereditatem in Regno Christi & DEI: nemo vos seducat inanibus verbis. Hunc in modum, inquit S. Thomas, Apostolus loquitur, admonendo nos semper, ut ne seduci nos patiamur, quando agit de abominando luxuriæ peccato: Notandum, quod in vitiis carnalibus solum docuit vitare seductionem: quia à primo mundi exordio homines excogitare rationes conabantur, quibus quasi balsamō suæ carnalitatis putredinem illinerent: quia à principio, ut homines possent liberè frui concupiscentiis, co-

gitaverunt invenire rationes, quod fornicationes, & hujusmodi venerea non essent peccata. S. Th. in c. 5. Eph. Lec. 3. Jam verò, cùm præcunte Evangelij luce tam palpabiles tenebræ, ut licita esse lasciviæ peccata reputentur, habere locum amplius non possint, alleviare saltem eorum gravitatem satagunt, & peccata hujusmodi levis esse momenti, facilis veniæ, atque exiguum animæ damnum inferre sibi persuadent. Id proinde agemus in præsenti lectione, ut errorem hunc, qui alveum aperit innumerabilem scelerum torrenti, qui homines innumeros secum ad inferos devolvit, absque larva, prout est in se ipso, aspectui proponamus, ostendendò primò damnum, quod affert saluti; & deinde remedium, quo ab eodem liberari possimus.

DAMNUM,

Quod infert saluti non curare peccata luxuria.

I Oquendo absque ulla passione, negari non potest, hominem lascivum, tametsi aliena non auferat, tametsi à detractionibus & blasphemis abstineat, spectatis solis luxuriæ peccatis, magnum esse peccatorem, atque in manifesto æternæ damnationis discrimine versari. Ut viam aperias cognoscendæ huic veritati, revoca in memoriam finem Samsonis luctuosissimum, cuius commiseratio-

tione, qui non tangitur, humanum se cor
non habere aperte monstrat. Juvenis
suis parentibus à DEO per miraculum promis-
sus; inter Nazarenos DEO dedicatus, à
DEO in liberatorem populi sui electus, post-
quam admirabili robore leonem in frusta dis-
cerperat, postquam solâ asini maxillâ inte-
grum prostrârat exercitum, postquam funes
& nervos veluti araneæ telam disrupterat, tan-
dem proditus à perfida fœmina, comprehen-
sus à Philistæis, ab iisdem crudeliter excæca-
tus, veluti jumentum ad trahendam molam
asinariam adhibitus, tandem altâ ruinâ, quam
suî ipse manibûs sibi injecerat, oppressus vi-
tam terminavit. In isto casu adeò lacrymabi-
li nihil jam aliud est magis funestum, quâm
quod imago sit infaustissimæ sortis plurimo-
rum Christianorum, qui inter sancti Baptis-
matis miracula in sinu S. Matris Ecclesiæ tena-
ti, electi, ut & ipsi ad sanctitatem pertinge-
rent, postquam eorum fides primis innocen-
tiæ annis ab orco impugnata, semper invicta
persesticit: tandem in prædam cedunt perfidæ
huic Dalilæ, atque omni exarmati fortitudi-
ne, omni libertate, omni gloriâ spoliati eò
deveniunt, ut vivere vitam incipient bestiis
potius quam hominibus dignam: ipsamque
infelicem hanc vitam suî passionibûs excæcati
morte terminent infelicitissima, & tandem præ-
alto innumerabilium peccatorum pondere op-

pres,

pressi ab imaginariis sensuum suorum voluptatibus ad vera, sempiternaque tormenta, in inferni abyssu subeunda, in momento descendant: ducunt in bonis dies suos, & in punto ad inferna descendunt. Job. 11. v. 12.

Verum, ut magis in particulari comparisonem instituamus inter miseriam Samsonis, quae est figura, & miseriam lascivorum, quae est figuratum, tres infelicitatis gradus in misero Samsonе observetis velim; fuisse ligatum, fuisse excæcatum, fuisse oppressum. Jam cum infelicitate luxuriosorum conferte.

Imprimis luxuriosi tot catenis ligati sunt, quos sunt peccata, quorum se reos fecerunt, & per illa non hominum barbarorum, sed ipsius dæmonis mancipia sunt effecti. Ut autem, quam magna sit probrosæ hujus captivitatis calamitas, intelligamus, pravi habitus violentiam observemus necessum est. Qui dixit, consuetudinem esse alteram naturam, parum dixit; videmus enim, ipsa natura esse potentiorum, utpote quam corrigit & vincit. Quænam res magis est contraria naturæ, quam venenum? & tamen scimus aliquos, qui, cum paulatim illi sumendo assuevissent, tandem absque ullo damno veneno vescebantur. Præter alios refert Rodiginus de quadam puella, quæ cum primò parum aliquid de araneis manducare assuevisset, inde ad cibos magis venenosos progressa est, & quamvis adeo

veneno scateret, ut vel sola saliva alios inficeret, nihilominus ipsa ex nutrimento aliis tam nocivo alebatur & vires conservabat. Videatis proinde, quantum consuetudo valeat, cum ipsam naturam superet, atque exinde jam concludite, quantò plū tunc valitura sit, quando naturæ non modò non opponitur, verum cum illa etiam conspirat. Qui tantum habet roboris, ut lapidem, quamvis innato pondere reluctantem in altum projiciat; quantò magis eidem deorsum jaciendo sufficiet, quò ex naturali propensione jam tendit? hic igitur habitus ex se adeò robustus, suam in virtutis fortitudinem duplicat, ut corruptæ naturæ impetum sequatur: Ex nullo autem potentius, majusque virium suarum augmentum recipit, quam ex vicio luxuriæ; atque adeò credi non potest, quam arctis animam vinculis constringat, quam diram in eandem tyrannidem exerceat. Ad efformandum enim habitum omni ex parte roboratum hæc duo plurimum conferunt, nempe multitudo actuum peccaminorum, & intensio, qua eliciuntur; hæc autem ipsa sunt, quæ in peccatis luxuriæ magis, quam in ullis aliis reperiuntur. Et quantum quidem ad intensionem attinet, scire convenit, quod operationes deliciosæ semper majore cum intensione fiant, quam aliæ: Et has iplas inter operationes etiam illæ sint intensorum, quæ ad tactum pertinent;

præcipue verò illæ , quas natura ad propagandam speciem ordinavit ; atque adeò unicus ejusmodi actus tanta fit cum intensione , ut aliquando se solo ad constituendum habitum possit sufficere . Si leo humanum sanguinem semel gustavit , tanta semper illius cupidine exardescit , ut vix amplius valeat mansueti , & ipsi illius nutricij , quando cum illo tractandum , in summo vitæ periculo versentur . Hæc est conditio habitus luxuriæ post primum peccatum , quod in hoc genere committitur : Unde colligere jam licet , quantum futurum sit illius robur , postquam impurorum actuum numerus auctus fuerit sine numero ; id est , postquam leo iste à primis unguiculis ad edendam hominum stragem assuetus , tam diurno tempore tam grato pabulo sua viscera exsatavit ? Dixi ; numerus sine numero ; quia hic est titulus , quem S. Petrus luxuriæ attribuit ; *Incessabilis delicti 2. Pet. 2.* Multi tam citè peccare incipiunt , ut malitiam bibisse cum lacte videantur : *Erraverunt ab utero.* Psal. 52. Germen illud , quod capræ impuræ dentibus arrotum est , nunquam amplius virescet : Ejusdem prolsus naturæ communiter est germen innocentiae ; posito enim in infantia tam scelesto principio , animi puritas semel ab impura libidine arrosa nunquam amplius reflorescit . Et hinc perversam infantiam sublequitur deterior pueritia ; malæ pueritiæ suc-

cedit pessima juventus, parique passu omnis
 reliqua ætas procedit, in qua flamma hæc in-
 fernalis non nisi cum vita extinguitur, faculæ
 instar atra ex pice confectæ, quæ ardere non
 cessat, donec penitus fuerit ab igne consum-
 pta. *Ossa ejus replebuntur vitiis adolescentia*
ejus, & cum eo in pulvere dormient; inquit S.
 Job. 20. v. 11. Tam diu peccatum non de-
 relinquunt, donec à peccato ipsi non dese-
 rantur. Adde, quòd illorum peccata certis
 Malabriæ fructibus sint similia, qui quidem
 exterius intuentibus simplices videntur; ac
 verò si interiora cotundem viscera aperiantur,
 alij insuper aliique fructus magno numero re-
 periuntur. Simili prorsus ratione in illo pec-
 cato, quod homines luxuriosi vocant pecca-
 tum unicum, quantam aliorum multitudi-
 nem DEUS inveniet, ubi interiora illius visce-
 ra justus Judex exactissimè in judicio perscrut-
 abitur! quot prava desideria, quot verba
 impura ad hanc illamve seducendam, quot
 machinationes, quot gressus & semitas, quot
 honoraria, quot fraudes deprehendet! ut ju-
 stam summam horum colligamus, turmatim
 istud genus peccatorum mensuremus opor-
 tet, sicuti olim Xerxes milites numerabat,
 eò quòd singulatim corundem iniri numerus
 non possit. *Quisnam autem capere sufficien-*
ter jam valeat robur scelesti illius habitus, qui
tam vasta actuum peccaminorum, toties

repetitorum , & usque adeò intensorum multitudine conflatur ? & hinc quoque quis comprehendere jam possit, quam arctis ligatus vinculis teneatur miserabilis luxuriosus ? Duo nos ad peccatum solicitant , natura & habitus , quæ duo conjuncta robustissimam faciunt concupiscentiam . Aug. l. 83. l. 9. 68.

Priusquam autem ulterius progrediamur , considerare vos velim palmarie mendacium , uno & sibimetipsis & aliis imponunt , cùm sua peccata fragilitatem appellant . Nescio sanè , an vel ipse mendaciorum parens diabolus proferre in medium tam enorme mendacium non erubesceret ; istud autem , si forte & cor vestrum seduxisset , ut è medio tollatur , in publicam apertamque lucem protrahatur necesse est , malpæ instar , quæ nisi sub terra vive re non potest . Primo itaque magna culpa est Christiani , etiam quòd fragilis sit . Fecisti mala , & potuisti , ait Dominus apud Jerem. c. 3. v. 5. Ab infidelibus itaque in judicio rationem exiget , quod peccaverint , à Christianis autem non solum quòd peccaverint , sed quòd peccare etiam potuerint . Gratia in sacro baptismatis lavacro suam te in tutelam ac velut in manus recepit ; præivit te in actionibus tuis ; in his ipsis constanter fideliterque te comitata est ac subsecuta , ut omniex parte defendere ; & fragilem te jam esse dicas ? unam solam Communionem Sacram ad hos suffice-

re ajebat S. Maria Magdalena de Pazzis, ut
 quis ad excelsum sanctitatis gradum ascendat;
 & tu toties hoc pane vitæ refectus toties in Sa-
 cra Confessione adversus infernum cœlesti
 robore confortatus es; & tanta nihilominus
 tibi fragilitas insit, ut nemine etiam impellen-
 te concidas? Cogita jam, quid responsurus
 sis: Fragilitas erit illud, quod vel maximè
 coram districto Judice reum te faciet. Proin-
 de scire te oportet, qui ex habitu peccat,
 haud quaquam ex fragilitate, sed malitia pec-
 care, ut docet Magistrorum Magister Angelicus
 Thomas; peccat enim cum plena electio-
 ne, cum plena deliberatione ex parte intelle-
 ctus, & cum plena inclinatione ex parte vo-
 luntatis, & cum judicio stabili; unde suo
 etiam peccato delectatur. Si famulorum ali-
 quis in apparanda mensa unum scyphum quo-
 tidie aut plures etiam diffingeret & postmo-
 dum se excusare niteretur dicendo; scyphos
 ex vitro esse conflatos; an excusationem hanc
 ut justam admitteres? præcipue vero, si non
 solùm cautiùs imposterum eos tractaret, sed
 potius occasionem alios identidem frangendi
 studiosè inquireret; iisque contractis in risus
 & plausus erumperet, casumque festivè aliis è
 familia recenseret? Et tamen hoc totum um-
 bra tantummodo est illius, quod suis in pec-
 catis facit homo luxuriosus; & postmodum
 fragilitate se excusare nititur. Vix unicum

etiam peccatum, pro fragilitate haberi potest; & tu vitam, quæ ab initio usque ad finem spurciis plena est, fragilitatem censi vis!

Verum ut ad intentum nostrum redeamus; Ecce! hominem lascivum velut Samsonem ligatum, sed funib[us] sine comparatione fortiorib[us], pravi nimirum habitu[m], innumerabili gravissimorum criminum multitudine corroborati, atque per hoc ad extremam miseriam redactum. Præsertim, cum longo tempore in hoc tam lamentabili statu vivendo eò usque devolvatur, ut cum Samsonem non modo oculorum usum, sed ipsos etiam oculos infelicissimam cœcitatem deperdat. Certissimum est, via tia omnia eclypsin quandam rationis in anima efficere: Verum libido eclypsis est totalis, hæc enim (quæ Angelica est divi Thomæ doctrina) nulla in re secundum rationis judicium procedit; & ubi iracundia, si ei non obediatur, at eam saltem auscultat, libido etiam eam auscultare recusat. Ita Rex David, postquam in se ipso funestos istos lasciviæ effectus expertus erat, brevib[us] hisce verbis eosdem vivacissime describit: comprehenderunt me iniq[uitates] meæ, & non potui, ut viderem Psal. 59. comprehendenterunt me iniq[uitates] meæ: ecce! perversi luxuriæ habitu[m] ligamina! & non potui, ut viderem: ecce! lucretuosam cœcitatem! ob quam non dicit se non vidisse; sed nec videre qui-

quidem potuisse; per abominandum enim
 hoc vitium usque eō devenit hominis anima,
 ut quasi omnem rerum divinarum fidem amittat,
 talēmque vivere vitam incipiat, ac si pro
 se nec infernus, nec paradysus existeret. For-
 nicatio, & vinum, & ebrietas auferunt cor.
Ose. 4. v. 11. Et quanto demum tempore Da-
 videin putatis post commissum adulterium ex-
 spectâsse, donec denuo ad cor rediret? in
 scelere persistit ad annum circiter; & haud
 dubiè adhuc diutiùs in illo perseverâset, nisi
 DEUS per alium Prophetam amissos oculos in
 suum, ut ita loquat, locum ipsi reposuisset.
 O Rem planè horrificam! homo secundūm
 cor DEI efformatus, homo cœlestibus deli-
 ciis assuetus, mysteriorum divinitatis occultis-
 simorum Secretarius, vix huic luto luxuriæ
 pedem infigit, & omnem virtutum vigorem
 amittit, dereliquit me virtus mea; tantásque
 tenebras menti inducit, ut impendentem suo
 capiti Divinæ justitiæ gladium non modò non
 videat, sed ne videre quidem valeat; non pa-
 tui, ut viderem; ac si DEUM non amplius
 agnosceret. Inde jam concludas velim, si
 unicum luxuriæ peccatum eō cœcitatis Pro-
 phetam deducit, qui tanto tempore vivere
 vitam assueverat humanâ altiorem, quo usque
 tandem cœcitatis luxuriosos promovebit in-
 numerabilis turpissimorum criminum multi-
 tudo, quibus ab annis teneris ad extremam

usque canitiem omnes suos dies contami-
nant;

Denique Samson , postquam in vinculis
amiserat libertatem ; postquam insuper non
visum tantummodo , sed ipsos etiam oculos
perdiderat , sub alta , quam ipse sibi super-
injecit , ruina oppressus interiit. Hoc ipsum
etiam luxuriosis obtingit , hoc tamen discri-
mine , quod Samson oppressus de suis hosti-
bus gloriouse triumphabit ; luxuriosi vero æter-
num in infernali abyso dæmonibus trium-
phum adorneant. Itaque in quid tandem de-
finit vita inter scelera transacta , nisi in mor-
tem peccatoris , hoc est , longè pessimam ,
per quam simul & temporalia amittuntur &
æterna ; & incurritur miseria , immensa in
pœnarum multitudine , & infinita in sua du-
ratione ! *mors peccatorum pessima.* Psal. 33. qui
cum diuturno morbo lactantur , juxta medi-
corum aphorismum in hyeme decedunt : *qui*
morbis diuturnis laborant , moriuntur tempore
hyemis. Certum est , hoc ipsum communi-
ter luxuriosis evenire , utpote qui per totam
quasi vitam infirmi , & novis identidem , iis-
que semper periculosiorib[us] symptomatis eò
reducuntur , ut excedere vita debeant tem-
pore hyemis , congelatæ ob gratiæ auxilio-
rum paucitatem , queis toties infelices isti in-
dignos se reddidere , congelatæ turbine ten-
tationum vehementissimarum , quibus mate-
riam

riam simul & robur tot, tantisque suis excessibus suppeditâcunt, congelatæ denique ob inveteratam jam voluntatis pigritiam ad aggredendum bonum, & detestandas efficaciter prohibitas voluptates. Et hoc quidem si ad extrema redactis tempus non desit ad componendas animærationes; & si mors non obscura sui adventûs indicia præmittat, cursonis in morem, qui inflare cornu assolet, antequam ad hospitium pertingat; judica jam, quid tum denique contingat, ubi mors latronis instar supervenit, nihil de ea cogitantibus vel quod veniat improvisò, vel quod gravitas morbi, temporalium negotiorum composilio, spes recuperandæ valetudinis omnes ad lucrandam æternitatem residuas temporis reliquias his miseris auferat; unde absque eo, quod gloriari possint, se in vita sua præterita vel per mensem continuum DEI legem observâsse, unico quasi saltu à suis sceleribus transiunt ad tribunal infinitæ justitiæ, quæ & Bonitatem DEI, & peccata hominum; sua beneficia, & nostram ingratitudinem justa in statera appendit. & in utrisque videt abyssum sine termino.

Ex hoc, quod hactenus dictum est, facilè negotiò duplarem potes veritatem eruere; prima est; luxuriosum hominem absque dubio esse magnum peccatorem, tum ob criminum multitudinem, tum ob ingentem, qua com-

mittuntur, malitiam; dum denique ob ipsorum istorum scelerum enormitatem; quæ, cùm juxta doctrinam S. Thomæ, sint opposita bono vitæ hominis nascituri, post homicidium ex iis, quæ contra proximum committuntur, sunt omnium gravissima; præterquam quòd specialem secum afferant deformitatem propter injustitiam, aliásque summae abominationis circumstantias, quibuscum sæpen numero conjunguntur. Altera deinde veritas, quæ hujus statûs miseriam immensum adauget, est, quòd homo lascivus non modo semper sit magnus peccator; sed insuper talis, qui raro evadat serio pœnitens; cùm eò inducere animum non valeat, ut peccatorum suorum malitiam, cùm eorum se in confessione accusat, efficaci odiō detestetur; malitiam autem non odivit. Psal. 35. quamdiu apostema non est maturum, acutissimis doloribus lacinat; ubi verò maturuit, putridaque sanie refertum est, nihil amplius exinde doloris sentitur. Ita omnino se res habet cum iis, qui peccandi habitum contraxerunt, uti non obscurè ex eo licet concludere, quòd nullum arripiant remedium, quo sanitati restituantur; quod fugiant confessarios, qui suas turpitudines reprehendant; & semper illos mutent, donec ex iis aliquem reperiant, qui ut ita dicam cancro aquâ rosaceâ medeat, quodnam clarius desideras indicium, quòd

quòd vulnus nullum tibi dolorem afferat, quām si illud nec fasciūs obliges; nec ullum ei emplastrum applies, & in dies singulos chirurgum permutes? quisnam autem statum excogitet magis miserandum, quām sit illius, qui adcō pacatē illa in statione quiescit, quē tam facile mutari potest in præcipitium sempernum? *Quid miserius misero, non miserante seipsum?* Dicebat S. Augustinus. Si miseriam tuam non agnoscas; si periculum damnationis non apprehendas; si nullam illud evadendi sollicitudinem adhibeas; quid aliud jam dici potest, nisi ad illud profundum jam te descendisse, ex quo longius progredi non possis, nisi infernum subeas; quodque non est aliud, quām peccati contemptus. *Impius cùm in profundum venerit peccatorum, contemnit.* Prov. 18. v. 8. Unicum remedium abolendi peccatum, est illud summo dolore detestari; qua autem illud ratione summo dolore detestaberis, si apprehendas ut fragilitatem, ut jocum, ut malum nullius proffus momenti?

REMEDIUM

Ad tollendum hoc impedimentum.

LOquendo jam de remediis, primum sit semper ex omnibus oportet devota oratio, qua lucem à Patre Luminum submisso

corde flagitemus, ut ea prælucente hujus ma-
 li magnitudinem plenè cognoscere, atque ita
 ab illo liberari valeamus. Postquam ostendisti
 mihi, percussi femur meum c. 31. v. 19. ad
 DEUM ajebat Jeremias Propheta, quoadus-
 que enim divina Clementia vitiorum nostro-
 rum turpitudinem nobis non ob oculos ponit
 illius præcipue, quod adeò à voluptuosis
 amatur, nempe luxuriæ, nulla unquam ra-
 tione ad illius detestationem ac fugam permo-
 vemur. Considera, quid evenerit S. Mariæ
 Magdalenæ. Hæc, priusquam superno ist-
 hoc lumine fuerat illustrata, inter scelera ex-
 ultans, suâ se profligatæ vitæ licentiâ beatam
 credebat; at verò, ubi primus divinæ collu-
 strationis radius in illius se se animum infude-
 derat; Ut cognovit; Tantam in se conformi-
 tatem conspiciebat, ut seposito omni alio re-
 spectu ad amabilissimi Redemptoris pedes ac-
 currerit, in aliena domo, publico in convi-
 vio, præsentibus protervè irridentibus, uber-
 rimis diffuere lacrymîs inceperit, nec priùs
 flere, quam vivere cessârit, etiam si se se jam
 semi-Beatam videret; utpote quæ sæpius de
 die ex spelunca sua Massiliensi Angelorum ma-
 nibus ad audiendam cœlestium concentuum
 suavitatem elevabatur; quasi in paradysum,
 ex qua æterna lege proscriptæ sunt, introdu-
 cere lacrymas tentaret. Atque hæc erat illa
 lux, quæ Santos movebat, ut à vitio adeò

ab-

abominando tantopere abhorrerent. Vel unica foeda ejusmodi cogitatio, cùm vigilantem Sancti Francisci Xaverij aggredi animum non auderet, eundem sopore oppressum oppugnare tentavit, tantoque Vitum sanctum horrore concussit, ut circa præcordia vena rumperetur. Pari horrore perstricta est S. Francisca Romana, quæ cùm meretricis cujusdem ædes transisset, idque ab aliis rescivisset, repente deliquiō oppressa in terram concidit. Simili quoque horrore contremuit Beata Maria Ognatensis, quæ, ubi locum quendam istorum scelerum sordibus commaculatum pertransisset, nihil prius capere quietis potuit, quām novaculâ sibi radi utriusque pedis plantas curâisset, quas pestifero luxuriæ infectas fuisse pedore existimabat. Nihil proinde aliud est, nisi miseranda cæcitas huic vitio tam propria, quæ abominandas has spurcitias aut excusabiles, aut etiam tam acceptas tibi efficit; secūs profecto tua immunditia æquè tuis, atque oculis divinis execrabilis appareret: *Immunditia tua execrabilis.* Ezech. 24. v. 13.

Secundum remedium est, peccatorum hujusmodi tam turpium seriem tam diu continuatam per aliquod tempus interrumperet: quemadmodum enim illi, qui ex terræ visceribus sulphur solent effodere, quamdiu suo labore insistunt, nihil inde foetoris advertunt;

at verò, ubi per aliquod tempus ab hoc labore recedunt, fœtorem denuo sentire incipiunt: ita pariter anima, quæ inter luxuriæ peccata quasi sensum perdiderat vitij illius, quod vel ipsi dæmoni stomachum movet, si per aliquod tempus ab illo se abstinet, tunc sentire ejusdem abominationem incipit. Verum enim verò hoc opus hic labor, dices mihi; hæc ipsa summa est difficultas, hanc seriem resecare, continuatam hanc catenam abrumpere, pravum hunc habitum superare. Ita sane est; & ideo, ut hoc remedium magis in partiaulari explicemus, imaginemur nobis aliquem, qui hujus vitij habitum contraxit, similem esse triginta annorum languido, quem Redemptor sanitati restituit & ex methodo, qua Christus in illo curando usus est, curationis tuæ modum disce.

Primo igitur Redemptor ex hoc tanti temporis infirmo, an sanus fieri optaret, quæsivit? *Vis sanus fieri?* Joan. 5. v. 6. Hic namque primus ad sanitatem gradus est, ut revera sanus esse desideres, illi vagabundi, qui cum vulneribus, quæ vel natura, vel ars inflxit, à pia aliorum commiseratione pingues elemosynas elicentes circumvagantur, si, an sanari à plagiis sicut desiderarent, interrogarentur; haud dubiè sine mora responderent; sed id minimè desiderare; purulenta enim hæc vulnera nisi forent, unde viverent, nescirent.

rent. Hoc ipsum peccatoribus contingit contracto luxuriæ habitu: Nihil enim magis horrescunt, quam omnino sordidis suis delicis privari; id est, timent, ne ipsorum vulnera carentur. Ita omnium nomine de se confitetur S. Augustinus: *Timebam, ne me citò sanares*; illius locò, quod exoptarem, ut tu O Domine tanquam cœlestis medicus à meo ulcere sanares; timebam sanari; & ipsa vita intolerabilis mihi videbatur, si citò sanitas mihi redderetur. Tu proinde si animæ tuæ salutis te cura tangit, vehementissimum in corde desiderium excita, ut à peste usque ad eò fatali citò te liberum videoas, considera, in eo te statu versari, quo miseror reperiri in terra non valeat; qui non est alius, quam circumferre secum habitum illius vitij, quod suis turpitudinibüs tot hodie animas in infernum præcipitat, quod olim dæmones in eundem suo fastu superbia deturbavit: Exceptis parvulis paucie ex adultis propter carnis vitium salvantur; graviter scripsit S. Remigius.

Deinde dixit Christus Dominus illi langido ad piscinam, ut è lecto suo surgeret: *Surge; atque hic secundus est passus, quem facere debes, ut ad obtinendam sanitatem propius accedas; nempe surgendum à periculosa illa conversatione, à noxiorum illorum librorum lectione, ab otio quo totos dies transfigis, à sociorum illorum contubernio, qui*

linguam bis carnalem in ore recondunt, & usque adeò fœtidam, ut vel ipsum etiam aërem inficiat. Velle sanari, & non fugere hæc & similia alia concupiscentiæ incentiva, idem foret, ac velle sanitatem illætam, & non velle exuere vestes pestifera lue infectas. Luxuria est quædam pestis; & ideo contra illam adhiberi præsentius remedium non potest, quæm separatio. Illæ cantelæ, quæ aliis temporibūs crudelitatem saperent, communis pestilentiæ tempore sunt quædam necessitas. Hoc nisi fiat, deliciosum objectum nostros ad se sensus attrahit; nec aliud quidquam, quæm præsentis voluptatis illecebras cogitare nos patitur; quemadmodum ille, qui mensæ assidet diverso ferculorum genere copiosè instructæ, ad nihil aliud, quæm ciborum delicias animum advertit, & facile sui, quo jejunare statuerat, propositi obliviscitur; quod neutquam memoriâ excidisset, si mensæ frugali assedisset: *Qui amat periculum, peribit in illo.* Eccl. 3. v. 27.

Tertiò jussit Dominus languidum illum, leatum suum levare, & humeris suis impone-re: *Tolle grabatum tuum.* Grabatum hoc est corpus tuum, quod quidem animæ non ad capiendam in eo quietem, sed ad malorum suorum fomentum deservit; atque adeò Sanctæ mortificationis operibus coercendum est, si in votis sit sanitatem recuperare. Occasio

est

est Mater, quæ luxuriam parturit; intemperantia vero est nutrix, quæ maledictam hanc prolem propinato lacte educat & sustentat. Refert S. Augustinus, multos suo tempore non solum ex viris robustioribus, sed delicatoribus etiam puellis duos tresve dies jejunos exegisse; & hodie etiam diebus ab Ecclesiæ præscriptis vanis pretextibus à lege jejunij se passim eximunt; & siquidem aliquando huic se se præcepto subjiciunt, tantis suum jejunium gulæ cupediis permiscent, ut cum eodem S. Augustino dici queat: *Hoc non est suscipere abstinentiam; sed mutare luxuriam:* Istud profectò non est agere pœnitentiam, sed mutare voluptates; & irritare potius appetitum, quam affligere. Unde mirum non est, si olim tot candidæ columbae in Ecclesiæ vinea extiterint, quæ suo eandem nitore exornarent, quot hodie animalia immunda in ea reperiuntur, quæ eandem conspurcant ac vastant. Et perfecto, qua ratione ignis extinguitur, cui tot identidem ligna injiciuntur, quot sunt deliciæ, quas inter vita transigitur? Vis ut indomita concupiscentiæ bestia non recalcitret, & insatiabilem illius ventrem lectissimô constanter pabulô infarcis? Putásne, preciosum castitatis thesaurum custodire te posse absque eo, quod corpus aliquo asperitatis genere castiges, cum absque illius castigatione Apostolus cum omnibus suis sudoribus,

bus, cum omnibus suis peregrinationibus, cum omnibus suis prædicationibus, cum omnibus suis naufragiis, & cum omnibus Apostolatūs sui laboribus ne quidem salvare se posse confideret? *castigo corpus meum, & in servitutem redigo; ne cum aliis prædicaverim, ipse reprobus efficiar.* 1. Cor. 9. v. 26. Magna itaque est luxuriosorum hominum ignorantia; primò quidem, quia sibi persuadent, quod tam faciliter negotiō pervenire ad æternam salutem valeant, per hoc nempe solum, si semel in anno peccatorum suorum numerum ineant, atque eorum summam ad pedes confessarij provoluti frigida eidem mente exponant; deinde verò, quia se aliquando fore castos existimant, quin relaxationum suarum delicias, & effeminatevitæ commoda seponant! *Sapientia non invenitur in terra suaviter viventium.* Job. 28. v. 13. Ita Divina Sapientia nos docet. Quando herbas odoriferas aut nasci, aut crescere in fœtidis paludibus inveneris, tunc quoque sperare potes castitatem aliisque dona cœlestia reperiri in animo, qui totus quantus inquirendis deliciis non dicam tantum sensualibus, sed etiam sensilibus insudat. Statue igitur cum consilio confessarij adhibere jejunium aliquod, abstinentiam & corporis mortificationem, affigendò illud, aut aliquam saltē eidem commoditatem subtrahendò, ut hac ratione

pre-

preciosissimum istud puritatis lilyum quasi sepe includas, quod, nisi inter spinas inveniri non potest.

Lilium denique hujus languidi sanitatis complementum extitit, quod Dominus ei dixerit, ut ambularet: *Ambula.* Id ipsum quoque tuæ erit sanitatis complementum, facere progressum, & ulterius semper in via bona procedere. Ratio, ob quam ita facile à proposito desciscas, est ista; quia nempe, cum confiteris, vitare quidem peccata, non autem peragere opera bona ad evitandum relatum necessaria proponis, his operibus ad oppugnandos pravos habitus gratiam acquires magis singularem, DEI insuper protectionem magis specialem, qua contra illorum violentiam defendantis: id, quod sequentibus verbis S. Mater Ecclesia nobis insinuat: *Ut bonis operibus inharentes, tua semper mereamur protectione defendi.* Statue itaque piae cuidam congregationi adscribi, de sacro quodam libro tibi prospice, bonum confessarium elige; ad Potentissimum divinæ Matris patrocinium confuge, præstanto eidem diebus singulis aliquod obsequium, aut Illius Officium aut Rosarium recitando; ante omnia verò summopere tibi cordi sit, Sanctissima Sacramenta frequentare; nam, sicuti apes, eò quod melle se nutriant, longè diutiùs, quam reliqua insecta vitam suam protrahunt; ita,

Si sæpius isthoc cœlesti melle , Sacra nimurum
Communione animam pascas , illud obtine-
bis : ut vitam nunquam interruptam vivas ,
nunc quidem vitam gratiæ ; paulò pòst autem
gloriæ sempiternæ . Atque hæc remedia si
cautè ac diligenter adhibueris , integrum Sa-
nitatem recipies : Adeò ut gloriari de te quo-
que possit cœlestis Medicus verbis illis : *To-
sum hominem sanum feci.*

LECTIO IV. DE IMPEDIMENTO,

Quod affert saluti superbia.

Inter omnes febres periculosissima est febris maligna ; utpote quæ inimicus est naturæ occultus simul & formidabilis . Ita quoque inter vitia omnia , quæ sunt animæ febres , periculosissimum est superbia ; quia quò manus affert sua malignitate nocumentum , tanto magis est abscondita illi , qui eâdem est infectus . Cogitate , an ex mundanis reperire sit quenquam , qui conscientiæ sibi ducat , quòd superbiâ intumescat ? usque adeò se vano tumore ingurgitant , ut eodem se etiam veluti coronare præsumant ; unde jam dum illis Isaias Propheta maledixit : *Væ corona superbiæ : ebriis Ephraim c. 28. v.* Credunt , quòd hoc sit alere generosos Spiritus ; quòd sic

fit nobilium partes adimplere, quod fit sanguinem juxta, ac familiam honore afficere; nulli unquam cedere, se semper suaque sola super omnia extollere. Quapropter utilissima erit praesens lectio, si & hujus morbi malignitatem ob oculos ponet, & illo laborantibus opportunum remedium subministrabit.

Quid igitur est superbia, quam in praesentiarum condemnare aggredimur? est inordinatum propriæ excellentiæ desiderium, quo homo pluris se aestimat, quam revera est, & ita quoque aestimari ab aliis desiderat. Proinde homo superbus nihil magni facit, nisi se ipsum; nihil considerat praeter seipsum, & araneæ in morem in telæ suæ centro se collocat, ac omnes suas cogitationes, quasi totidem fila ad se solum dirigit. Quodsi quos habeat suæ potestati subjectos, eandem in illos quasi in jumenta exercet; illos, qui non sunt subditi, tractat veluti mancipia; cum consanguineis agit, ac si ne quidem unquam novisset; cum civibus, quasi forent extra dei: famulis pro jumentis utitur, inquit Philo, ingenuis pro mancipiis, cognatis pro alienis, civibus pro externis. L. de Char. verum vivacioribus adhuc coloribus superbii hominis conditionem Divina nobis Scriptura depingit, ubi Regis Nabuchodonosoris sensus exponit. Iz Aula Babylonis deambulabat: responditque Rex & ait: nonne haec est Babylon magna, quam ego

ædificavi in Domum Regni , in robore fortitudinis meæ , & in gloria decoris mei ? Dan. 4.v. 27.
 Isthæc superbi hujus Regis sua in Aula deambulatio , illam complacentiam denotat , quam
 quivis superbus habet de seipso : jactantiam
 illam de ingenij sui præstantia , de amœna
 cum aliis agendi dexteritate , de sua in lo-
 quendo facundia , de divitiis , de nobilitate ,
 imo & de vestium elegantia de quibus insolentijs , quæm pavo ob plumarum suarum pul-
 chritudinem intumescit ; *deambulabat in Au-
 la.* Deinde postquam adeò semetipsum ad-
 miratus fuerat Nabuchodonosor , alia insu-
 per illius animum admiratio subiit , nempe ,
 cur non & alij quoque pari ratione se Regem
 admirabundi suspicerent ; & ideò , quasi di-
 sputaret cum illis , absque eo , quod inter-
 rogatus fuisset , respondit : an non mea est
 grandis hæc civitas Babylonia ! an non talis
 est , cui similem nemo uspiam in toto Orbe
 reperiat ! Responditque Rex , & ait : nonne hæc
 est Babylon magna ? ita proflus homo super-
 bus haud quaquam contentus est eo , quod
 se ipsum æstimet ; vult præterea æstimari &
 admirationi esse aliis omnibus , illösque inter
 adversarios numerat , qui admirari se se , &
 magnificere detrectant . Similî modô omne
 illud , quantumcunque sit exiguum , quod
 de qualicunque prærogativæ genere possidet ,
 ipsi magnum videtur ; quemadmodum so-
 mnian-

mnianti accidit, qui, si parùm aliquid phlegmatis gutturi adhæreat, integro mellis favo demulciri, & si paucæ sudoris stillæ ipsum humectent, totus submergi aquarum fluctibus sibi videtur. Verùm hìc nondum insaniæ finis: Nabuchodonosor non solummodo verum amplificat, verùm de illo etiam gloriatur, quòd manifestò falsum esse novit, cùm civitatem Babyloniam se ædificâsse affirmet; quam tantummodo ampliorem reddiderat, utpote jam dudum ab alio, nimirum Belo extructam. Simili proflus ratione superbi factorum suorum narrationi non solum multa grandia, & splendida, sed aperta insuper mendacia immiscent, utpote qui hunc illumve à se devictum gloriabundi jaçtant, cùm tamen ipsi victoriam cesserint, atque adèò suum opprobrium, in suæ laudis materiam convertere nituntur. Denique, quod ultimum Nabuchodonosoris stultitiæ complementum addidit, fuit istud, quòd grande hoc opus, quod somniârat, suæ fortitudini, imò fortitudini suæ fortitudinis, & gloriæ suæ gloriæ adscriberet: *quam ego ædificavi in robore fortitudinis meæ, & in gloria decoris mei.* Ita quoque superbi; tametsi non eò usque perveniant, ut speculativè suorum se bonorum authores reputent, quasi omnia ipsorum metitis debita, & non tanquam eleemosyna à Supremo Domino forent concessa, tametsi,

inquam, ad errorem hunc speculativum non pertingant, (sic enim forent hæretici). tamen in hunc ipsum practicè impingunt, cùm se ita æstiment, ac si tales existerent, & ut tales etiam tractari ab aliis desiderent, unde, quamvis non verbis, saltem operibus dicunt, quod fortitudo suæ fortitudinis, hoc est, extraordinaria sua industria totum effecerit: *in robore fortitudinis meæ, & in gloria decoris mei.*

Sed enim, hoc totum potius superbi hominis phrenesis, quam grave Christianæ animæ damnum tibi videbitur; sed erras vehementer, si ita judicas.

DAMNUM,

Quod saluti affert superbia.

NE modo damni, quod animæ infert superbia, gravitatem satìs potest explicare. Ut aliquid saltem de illa dicamus, adverte, in hoc mundo malorum omnium summum esse peccatum; & bonorum omnium summum esse gratiam divinam. Jam verò superbia ad omnes peccati species nos disponit, & omnibus gratiæ speciebus se opponit, & ideo, quoniam alio majore nos afficere damno queat?

Igitur ad omnis generis scelera disponit. Duplici modo superbia cor nostrum potest inficere, nimirum usque adeò crescendo, ut tol-

tollat ex illo omnem subjectionem DEO debitam, & in hoc casu jam clarè patescit, quòd hominem in Dæmonem permittaret, forèque quemadmodum S. Thomas 2. 2. q. 162. a. 6. appellat, peccatorum omnium gravissimum. Aut potest etiam fieri, ut eò usque illius malitia non ascendet, uti ordinariè contingit; & in hoc casu etiamsi sit culpa tantummodo venialis, facilè tamen hominem in omnis generis flagitia præcipitat; illud enim evenire in praxi advertimus, quod fieri à serpente conspicimus; qui ubi in locum aliquem capite intravit, cum toto postmodum reliquo corpore subsequitur; ita prorsus, ubi superbiæ vitium hominis animum ingressum est, facilè, quidquid iniquitatis adhuc reliquum est, succedit: hanc certè ob rationem Ecclesiasticus, *initium*, inquit, *omnis peccati est superbia: qui tenuerit illam, adimplebitur maledictis.* c. 20 & sanè fateamur necessum est, hoc vitium esse majus, quam omnia alia, cùm DEUS in istius pœnam & correctionem permittat, ut homo superbiâ infectus in peccata alia labatur; secùs profectò haud quaquam DEUS boni medici partes impleret, qui ad curandum malum minus, malum majus permetteret. Illud autem veritati consonum esse ex duplice peccatorum specie desumi potest, quæ mundum universum inficiunt, & sunt hæresis atque luxuria. Ad luxuriam quod

attinet, satis sit dicere, quod intolerabili Anti-Christi superbiæ Propheta Daniel statim lasciviæ insolentiam subjungat: *DEUM Patrum suorum non reputabit: ecce! superbissimum!* & erit in concupiscentiis fœminarum: ecce luxuriosissimum! & quasi in profunda impuritatis mephyti sepultum; non enim tam impuritas in ipso, quam ipse in impurissimo hoc cœno immersus est totus, ut sic nobis connexio, & quasi conjunctio, detegeretur, quæ impuritatem inter & superbiā intercedit.

Id ipsum de altero illo majore peccato sentite, quod est hæresis. Circumferente paulisper oculos vestros per orbem Christianum, & tot, tamque diversas sectas, quæ serpentum instar mutuis se se invicem mortibus lacerant, per eundem dispersas contemplamini: jam scitote inquit S. Augustinus, quod, licet tam numerosa, & adeò diversimodè maculata sit venenata isthæc progenies, unam tamen eandemque Matrem agnoscat, scilicet superbiam. Diversis locis sunt diversæ hæreses; sed una mater superbia omnes genuit. Lib. de Past. A Simone Mago, qui primus fuerat hæresiarcha, usque ad Anti Christum, qui erit ultimus, perlustratis omnibus historiis, verius motivum non reperies, quod ad excogitandos tot impios errores eos impulit, quam superbam illam pertinaciam ac arrogantiam, qua contra Catholicam Ecclesiam insurrexerunt,

Et

Et quid multis? tanta sibi invicem Christiana fides & superbia contrarietate opponuntur, ut eodem simul in animo nequaquam stare posse videantur. Unde incarnata DEI sapientia Pharisæis dixerat, quod tribuendo sibi invicem humanam gloriam, eamque acceptando, incapaces se efficerent veræ fidei. Quomodo vos potestis credere, qui gloriam ab invicem accipitis, & gloriam, quæ à solo DEO est, non queritis? Joan. 5. Ex quibus verbis colligere licet, quodsi acceptare solummodo vanam gloriam introducendæ in animam fidei obstaculum quasi insuperabile opponit; quantum denique eidem impedimentum objectum sit, querere hunc honorem in omnibus, & paratum esse conculcare DEI legem, perdere animam, subire infernum, ut ne vel unica hujus fumi mica amittatur, quemadmodum quotidie tot nobiles faciunt, parati semper ad offerendum, & acceptandum Duello; quia secus si facerent, ut ajunt, honoris sui iacturam paterentur.

Ecce igitur! ad quale præcipitium perducere te valeat superbia: primò omnis generis fardibüs totam animam opplebit; & deinde, quemadmodum à stomacho noxiis humoribus scatente sæpenumero capitis vertigines proveniunt; ita à conscientia sceleribus plena ejusmodi in fide vacillatio orietur, qua in dubium trahi incipient ipsa fidei fundamenta,

& qua eò usque devenirī potest, ut cœlum si-
mul & infernus merissima fabula reputetur.
Hoc totum longè adhuc manifestius apparet,
si quis il am contrarietatem consideret,
qua superbia gratiæ opponitur. Scire enim
oportet, quod ex nobis metipsis ne tantum
quidem virium habeamus, ut vel unicum, quæ
nostræ salutis initium existat, ducere cogita-
tionem valeamus; sed necessarium omnino
sit, ut ad illam concipiendam suâ nos gratiâ
Divina Bonitas roboret, & confortet. Ju-
dica jam exinde, quâm necessaria futura sit
hæc ipsa gratia ad salutis nostræ opus com-
plendum, si illius assistentia ad formandam
mente etiam tenuem delineationem ita indis-
pensabiliter requiratur; si solis nostri arbitrij
viribûs cogitare bonum non valeamus, qua
tandem ratione his ipsis illud perficiemus, pec-
catum super omnia mala detestandô, &
DEUM super omnia bona amandô, quod ta-
men facere ad salvandam animam est summè
necessarium? Jam hoc gratiæ divinæ auxi-
lium ad consequendam vitam æternam adeò
necessarium aut negabit tibi divina justitia in
pœnam superbiæ, aut tam parcè concedet,
ut ad eidem cooperandum animum non in-
ducas, & pœnitendi gratia aut omnino dee-
rit, aut tibi in vita, veletiam morte tam lan-
guidè assistet, ut tua pigritia optatum exinde
reportare fructum non sciat. Bene proinde

intelligamus oportet hanc veritatem , gratiam nempe Christianam , gratiam esse humilitatis , non solum , si illius principium , quod est sancta crux , per quam Christus JESUS humiliando se usque ad mortem tam grande nobis donum promeritus est ; verum etiam si illius effectus spectemus , qui omnes tendunt ad humiliandum hominem , ut DEO gloria tribuatur , ad humiliandum intellectum , ut in obsequium fidei , se captiver , ad humiliandam voluntatem , ut virtutibus reliquis locus paretur . Quapropter si spiritus tuus coram DEO humilis non fuerit , nunquam cœlestibus hisce divinæ gratiæ lymphis irrigabitur , quæ ab excelsis superborum montibus in subiectas humilium valles deflouunt , easque dêmque omnis boni affluentia fœcundant . Quæ Sancti Augustini doctrina est .

Hæc ipsa contrarietas superbiam inter & gratiam magis adhuc ex eo elucescit , quod non modò donis cœlestibus aditum in animam præcludat , antequam illam subeant ; verum illa etiam expellat , postquam jam fuerant ingressa , ita , ut , qui paulò ante propter bonorum operum multitudinem , virtutumque varietatem ditissimus erat coram DEO , si inordinatæ sui ipsius æstimationi locum concedat , ad extremam statim pauperiem redactus , miserrimus efficiatur . Ille ego quondam opulentus , repente contritus sum . Job . 16 .

v. 13. Quemadmodum evenire columbæ
conspicimus, quæ, cùm ad solis radios ob-
suum candorem, & splendentem plumarum
suarum varietatem seipsum superbè circumspi-
cit, improvisò supervenientis accipitris un-
guibus in prædam cedit: *Gaudentem in ipsa*
gloria rapit. Plin. Lib. 10. c. 36. Considerate,
quidnam fuerit aliquando Græcia: celebre
illud sanctitatis, sapientiæ, & fidei theatrum,
in quo vel ipsa etiam deserta hominibus san-
ctis erant repleta! jam verò tota est mera insi-
delitas, mera ignorantia & impuritas; &
istud quidem non aliam profectò ob ratio-
nem, quām in pœnam superbiæ, propter
quam elegit DEUS potius tolerare populos il-
los spurcissima Machometis lege, quām su-
perbiâ contaminatos. Unde, si non omne
in te rationis lumen extinctum est, Divini
Spiritū consilium accipe, & executioni man-
da: *superbiam nunquam in tuo sensu, aut in tuo*
verbo dominari permittas. Noli unquam per-
mittere, ut vel interius in corde aut deforis
in operibus tuis tibi superbia dominetur, quia
ex maledicto hoc vitio omne semper, quod
unquam mundum affixit, tam culpæ, quām
pœnæ malum enatum est: *In ipsa enim initium*
sumpsit omnis perditio Tob. 4. in loco adeò lu-
brico, non aliis lapsum devitandi modus su-
perest, quām ut humi jaceas. *Qui sedet in*
terra, non habet, unde cadat.

RE MEDIUM

Quo superbia malo medeamur.

Verum, quodnam remedium inveniamus contra illud vitium, quod, quantumque primo intuitu videtur, ut longissime absit a paupertate nostra, tanto firmorem ob naturae nostrae corruptelam visceribus nostris sedem fixit, similique pauperes nos efficit & superbos, & follis lusorij instar, quanto magis omnibonovacuos, tanto magis tumidos. Hic, quia superbia foret omnium maxima, si quis propriis suis viribus, suâ industriâ suam se curare posse superbiam crederet, ea propter primum erit remedium ad DEUM recurrere, eundemque cum Davide humili animo rogare, ut impedit, ne unquam maledicta hæc pestis in anima nostra pedem figat; *Non veniat mihi pes superbiae.* Psal. 35. Dicitur superbia unicum solummodo pedem habere: *Pes superbiae:* Quia est monstrum; deinde, quia superbis in se uno omnem fiduciam collocat, & totus sibi met ipsi innititur; denique, quia sicut debili fulcro subnixus, facile in omne aliud vitium prolabitur, ut supra ostendimus: *Ibi ceciderunt, qui operantur iniquitatem.* Ecce, primum lapsum! Et si divino adjuti favore ex isto re-

sur-

surgunt, à malo postmodum in pejus recidunt: *Expulsi sunt, nec potuerunt stare.*

Secundum remedium est ipsam mali radicem tollere. Superbia partim intellectum inficit mundanorum, qui se magnificiunt; partim voluntatem, qua magnificeri, & ideo honorari ab aliis desiderant; atque ad imitationem superbissimi illius Simonis Magi ipsis quoque jaetitant: *Se esse aliquid magnum.* Act. 8. Superbiæ igitur malo ut medeatur, voluntatem simul & intellectum curemus necessum est. Jam, intellectus curatur, si commonestretur homini, quidnam sit ipse maximè coram DEO, & curia illius Cœlesti; & quidnam sit illa gloria, quam contra omnem iustitiam vendicare sibi contendit.

Mundi gloria nihil est aliud, quam fructus quidam vetitus, qui non nutrit hominem, sed venenô inficit. Supremus rerum Conditor DEUS fecit quandam veluti partitionem, & infinita benignitate hominibus omnium bonorum operum utilitatem concessit, omnem autem honorem sibi soli reservavit: *Gloria in Altissimis DEO, & in terra pax hominibus:* Atque adeò usurpare velle hanc gloriam soli DEO debitam, violatæ Divinæ Majestatis veluti crimen quoddam est, & quod proinde in gravissimum illius, qui tantum facinus attentat, damnum redundat: *Væ cum benedixerint vobis homines!* Luc. 6. *Væ illi, qui mun-*

mundanum honorem mendicat , & magni
 fieri ab hominibus quærerit ; quia hoc conse-
 qui , grande pro illo infortunium . Ad de-
 trimentum , quod hæc gloria secum affert ,
 ipsius vanitas accedit . Vana namque est illa
 quinque saltem ex capitibus , quæ non abs re-
 erit , si unum post alterum exponamus . Pri-
 mò igitur vana est in seipso , utpote , quæ ni-
 hil addere tibi potest , nihil demere ; Si ego
 glorifico meipsum , gloria mea nihil est . Jo. 8.
 Inquiebat Christus Dominus ad Judæos , quo
 indicare voluit ; si ego , in quantum sum ho-
 mo , operum meorum gloriam , locò illius ,
 quòd totam tribuerem DEO , mihi adscribe-
 rem , gloria mea nihil foret . Atque exinde
 jam conclude , quantò adhuc magis vana ex-
 titura sit illa gloria , ille applausus , quem alij
 homines procurare sibi adeò solicite contem-
 dunt . Secundò est vana isthæc gloria ex par-
 te illorum , qui eandem tibi attribuunt , qui ,
 si te non nisi quoad speciem externam agno-
 scunt , quam aliam tibi accipere laudem pos-
 sunt , quam qualis sepulchro dealbato tribue-
 retur , cuius quis titulos , & inscriptionem
 extolleret , quin interea ad putredinem inte-
 riùs stabulantem se reflecteret . Tertiò est va-
 na mundi gloria , si locum consideremus , in
 quo ea confertur , & est humilis hæc nostra
 terra . Vel obiter istam cum cœlo compara ;
 nonne deprehendes mundum hunc nostrum ,
 non

non nisi unius puncti magnitudinem adæquare? jam in hoc punto illam regionem invenias, in qua gloriam quæris, quæ profecto punto adhuc longè minor existet. Ex mille millionibus hominum, qui facilè totum globum terraqueum incolunt, vix centenos, qui te agnoscant, reperientur, & ex his centenis, vix decem numerari poterunt, qui revera ex corde te æstiment; Unde in angulo universitatem exiguo tanta aviditate hanc ipsam æstimationem quærere, quid tandem est aliud, quam infantis instar cicindelam prætervolantem insequendō seipsum perdere! Quartò vana est humana gloria ratione temporis, quo durat. Tota nostra vita cum æternitate collata brevior est, quam unicus arteriæ pulsus, quam unicus nictus oculi: & fieri jam queat, ut homo prudens ad consequendam hominum æstimationem momentaneam, manifesto se periculo exponat opprobrij sempiterni? Denique longè magis, quam ullo alio ex capite vanus est mundanus honor, si res illas spectemus, quas mundus laudare & extollere sollet. Æstimat te, si pulchro indutus vestitu incedis; Sed hic honor vestimento debetur & vermis, qui illad elaborârunt. Et deinde quantò nitidiùs, quam tu splendidiùsque suis plumis exornatus pavo ingreditur, quantò amoenius flos campi sua varietate aspicientium oculis blanditur? Æstimat te mundus propter

nobilitatem ; sed quodnam ad illam consequendam meritum contulisti ? & sanè , quantumcunque illa nobilitas bonum existat , Majorum tuorum est meritum . Laudat te propter divitias ; sed DEUS noverit , quantæ in illis accumulandis commissæ sint injustitiæ ; & DEUS quoque jam noverit ; quam longè difficiliorem hæ tibi cœli viam efficiant , quam paupertas reddidisset . Laudibūs te effert propter pulchritudinem ; sed æquè ita laudare ob candorem posset acervum stercorum nivibūs coopertum . Ante omnia autem considera , in quem paucos intrà dies illa finem desinat : Cùm moreretur homo , hæreditabit serpentes & bestias , & vermes . Eccl . 10 . c . 13 . Sepulchrum aperi , & rei hujus veritatem oculis perspicies .

Hac ratione honori larva detrahitur , qui , tametsi cor ex capitibus nihil sit , tamen stultorum oculis ut bonum summum apparet . Et hic quidem est minor titulus , qui superbi hominis fastum deprimat ; atque ideo , postquam jam consideravimus , quidnam sit humana gloria ; ad considerandum , quidnam sit homo , qui eam desiderat , te accinge . Si istud ex Propheta quæras respondebit , omnem hominem , id est , non modò abjectum rusticolam , qui ligone terram fodit , sed quemvis ex maximis Regibus , qui mundo dominantur , si homo est , esse nihilum debilitate , & impotentia , ignorantia & malitia

vestitum. *Universa vanitas, omnis homo vivens.* Psal. 30. Et hæc est illa pompa, quam cum quoad naturam tu quoque in Divinæ Majestatis conspectu appares. Quòd si autem vivis in peccato mortali constitutus, nihil es ipso nihilo pejus: divini honoris latro es, proditor infinitæ illius Majestatis, condemnatus ad ignem inferni, & ad reddendam in tormentis sempiternis, quam supremo cœli Monarchæ denegâsti, submissionem. Hæc est conditio, hic status, in quo te universa cœlestis Aula considerat; & in hoc statu multum à te peti videtur, si, ut sis humilis, ut superbiam frontem demittas, totamque DEO suam gloriam relinquas, à te exigatur? tantumne tibi erit animi, ut cum Immensa illa Majestate te compares, & ad defendendam superbiam tuam illa DFI verba usurpes: *gloriam meam alteri non dabo?* Isa. 42. Gloriam aliquam, quæ verè tua sit, monstra, & postmodum tibi causam adjudicabo.

Postquam hac via intellectum errorem suum dedocuimus, ad curandam voluntatem transeamus oportet, ab hoc quoque superbiam dispellendo. Et istud obtinebimus, si præter illa damna, quæ superiùs tanquam è superbia prognata retulimus, illi ob oculos ponamus damnorum omnium possibilium longè maximum, quod est æternūm damnari. Tollenda itaque est tandem aliquando isthæc in-

incantatio , quæ cor vestrum male fascinatum
 retinet : intelligere tandem aliquando oportet ; absque humilitate Christiano spes salutis non est : nisi efficiamini sicut parvuli , non
 intrabitis in regnum cœlorum . Matth . 18 . Obserua , quod Christus Dominus illis ipsiſ terminis , quibūs necessitatem pœnitentiæ atque baptismi declarat , necessitatem quoque humilitatis declaret : nisi pœnitentiam egeritis , simul omnes peribitis . Luc . 13 . nisi quis renatus fuerit ex aqua & Spiritu Sancto non potest introire in Regnum DEI . Jo . 3 . Quapropter , si una eadēnique lingua Verbi Incarnati iisdem prorsus loquendi formulis necessitatem unam sicut alteram , pœnitentiæ & baptismatis ex una , humilitatis ex parte altera nobis manifestat , dicamus necessum erit , æquè ad obtinendam æternam salutem Christianam humilitatem requiri , atque baptismus simul & pœnitentia requiratur . Atque istud quidem usque adeò est indubitatum , ut superbiā signum evidens reprobationis , humilitatem verò signum evidens prædestinationis Sancti esse pronuntient . Evidentissimum reproborum signum est superbia , inquit S . Gregorius , & contrà humilitas electorum . L . 34 Mor . c . 22 . Atque adeò infernus plenus esse superbis dici potest , quemadmodum Iaias Propheta nobis testatur , qui , ubi dixerat , in

fernū fauces suas sīnē termino aperuisse,
aperuit os suum absque ullo termino, protinus
subjungit: & descendēt fortēs ejus, & subli-
mes, gloriōsūque ejus ad eum. c. 14. certum igi-
tur est, superbiam vexillum esse Luciferi:
ipse est Rex super universos filios superbiae, & ideo,
quemadmodum ille omnium reproborum est
caput, ita hæc signum est omnium maximè
visibile æternæ reprobationis, simūlque im-
pedimentum, quod omnium fortissimè no-
stræ se se saluti opponit.

S. Lidwina à DEO mundo proposita est
tanquam miraculum patientiæ in lege gratiæ,
quemadmodum olim propositus erat mundo.
Sanctus Job tanquam patientiæ miraculum in
lege naturæ. Per triginta & octo annos pau-
pere in lectulo decumbebat tantis infirmitati-
būs afflita, ut viderentur ad eam excrucian-
dam morbi omnes maximè sibi invicem con-
trarij conspirasse; Illa nihilominus tanta ani-
mi generositate, lætitia tantâ toleravit, ut un-
dique ad istud prodigium videndum, & san-
ctorum illius orationum auxilium obtinen-
dum homines concurrent. Iter alios, qui
ad hanc Virginem confluxerant, fuit sacerdos
aliquis Canonicus, qui magnis precibūs San-
ctam obtestabatur, eam sibi à DEO gratiam
obtineret, ut maximum, quod in animo suo
reperiaretur, salutis æternæ impedimentum
aufficeretur. Fecit Virgo, quod rogata erat,

magna devotione : & ecce ! repente Canonicus profunda vocis raucedine laborare incipit, qui ad illud usque tempus voce utebatur adeò singulari, ut ipse solus (ut loqui solemus) chorum suo cantu dirigeret. Facile ex hac metamorphosi advertit ; quod, cum in voce sua adeò suavi nimium sibi complaceret, vana hac complacentia grande obtinendæ suæ saluti obstaculum poneret. Ex hac historia salutaria documenta deprome, & considera, quod si vanitas primo intuitu vix non innocens adeò impediat atque difficilem salutis viam huic sacerdoti reddiderit ; quantò magis difficilem effecturus sit fastus mundanus, & diabolica illa superbia, qua tantus mortalium numerus eò usque progreditur, ut de peccatis etiam glorientur, non timere excommunicationes sibi honori ducant, illosque, qui peccare pertimescant, tanquam simplices contemnant, & probrosis dicteriori lacestant ? Adeoque, si sapi, ad te ipsum mentis oculos reflecte, & interiora simul ac exteriora solerti oculò perlustra, & si quoddam in iis superbie vestigium reperias, sine mora exinde penitus extermina. Noli contemnere quemquam, quis enim scit, an non ille, qui modò peccator est, paulò post sicut bonus latro ex hac vita sanctus emigraturus sit ; tu vero si nunc bonus sis, tandem cum Juda exitu infelice vitam sis finitus. Cave, ne pauperes, atque famu-

los durius habeas. Pauperes personam Christi repræsentant; famuli verò forsitan in novissimo die judices tui, aut in cœlesti gloria longè te superiores futuri sunt. Noli stolidè de tua tibi nobilitate de ingenio, & multò minus de bonis operibus complacere. Modicum illud, quod habes tuum non est; & tametsi etiam tuum foret, adeò est exiguum, tótque malis commixtum, ut propterea crystas attollere, idem foret, ac si nigerrimus Ethyops pro miraculo albedinis se venditaret, eò quòd albicantes post labia dentes reconderet. Noli te ipsum encomiis ornare; nec prima ubivis subsellia prensare: noli nimium tuis viribus confidere; neque omnibus te gravioribus negotiis immisce, quia, quod hominum oculis altum & sublime appetet, abominabile est coram DEO. *Quod hominibus altum est, abominatione est ante DEUM.* Luc. 16. c. 15. uno verbo, omnem aliam culpam in animo tuo patientius tolerabit DEUS, quam superbiam, utpote contra quam offensivè & defensivè, ita ut dicam, tota fortitudine potentiae suæ præliatur: *DEUS superbis resistit.* Jacob. 4. Et hoc quidem usque adeò, ut majorem timendi causam habeat justus superbus, quam peccator humilis: *Vidisti hominem sapientem sibi videri? magis illo spem habebit insipiens.* Prov. 26. Et quoniam hæc primo intuitu peregrina tibi videbuntur, eandem ad coercendam superbiam methodum

usur-

usurpa, quam adhibendam esse ajunt, ut ferociens taurus mansuescat, quem ideo longo tempore sicui alligatum retinent. Alliga cornuum adeo superbum Sanctissimæ Crucis Domini Nostri JESU Christi; lege, & diu multumque, quæ Amabilissimus Servator sua in Passionem subiit, opprobria & humiliationes meditare, & hac ratione minus difficile tibi erit, cervicem submittere. Quod si autem statu*s* tui conditio exigat, ut nobiliore vestitu incedas, aliasque excellentiae prærogativas ostendas in publico, haec ipsa necessitas horrori tibi erit, facietque, ut humiliorem conditionem aliis invideas, eo animi sensu, quo sancta Regina Esther protegabatur, quod coronam suo capiti impositam cum aversione cordis, & ex mera necessitate portaret; unde ad DEUM ajebat: *Tu scis necessitatem meam, quod abominer signum superbiae, & gloriae meæ, quod est super caput meum in diebus ostentationis meæ.* Esther. 14.

LECTIO V.

DE IMPEDIMENTO,

Quod saluti affertur ab otio, & occupationibus superfluis.

Duo animalium genera olim in antiqua lege declarata fuerunt immunda: illa, quæ pedibus carebat; & illa, quæ nimium

multos habebant : quasi , ut aliqui meditatur , insinuare nobis D E U S voluisse t , duo hominum genera sibi placere non posse , illos nempe qui culpabiliter otio absque ulla honesta occupatione marcescunt ; & illos , qui nimirum laborare volentes , cor suum mille negotiis implicant . Utrumque igitur , magnum est salutis consequendae impedimentum , atque adeo de utroque necessarium est , ut hic aliquid dicamus , ostendendo damnum , quod infert animae , & methodum adhibendi remedium .

Quodnam majus multorum Christianorum est negotium , quam otio indulgere ? ambulare plateas , miscere sermones de inutilibus novis , prætereuntium mores & actiones , vestimenta & gressus carpere ; intrare templum , quia nescitur , qua via alia tempus fallatur ; illi se præ reliquis obligatum profiteri , qui magis inutiliter diem transfigendi modum suggesterit , quam tum lucratos se esse existimant , quando eandem absque eo , quod advertant , penitus deperdunt . E contrario videbis alios , qui tanto se se occupationum cumulato onerant , ut iisdem corporis vires attenuant , spiritum opprimant , & quandoque vitam abbrevient , quin interea suæ animae vel modicam quietem indulgeant . Jam , etiam si utrumque hoc vitium adeo sit frequens apud Christianos , quotusquisque tamen est , qui

dam-

damnum consideret, quod nostræ salutis negotium exinde patiatur?

DAMNUM,

Quod afferunt animæ hæc duo impedimenta.

Si de otio loquamur, Spiritus Sanctus paucis syllabis totum exprimit: *multam malitiam docuit otiositas.* Eccl. 33. v. 29. vita otiosa ad omne genus malitiæ homines informavit; ita, ut vocabulum *multam* idem significet, ac si dixisset, *omnem.* Fingite proin, dæmonem in hoc mundo malitiæ scholam aperuisse, cùmque videret, tot lectionibus uno eodemque tempore in hæc schola tradendis se non sufficere, otium tanquam magistrum secundarium substituisse, quo adjuvante intentum perficeret. In hac igitur schola omnia flagitia docentur, & addiscuntur sine labore, & addiscuntur à quolibet; quò enim quis est ineptior, eò aptior hìc discipulus agnoscitur ad faciendum profectum *multam malitiam* docuit otiositas. Hìc discitur peccare cogitationibüs; desiderare scilicet corde, quod mandari effectui opere non potest: *desideria occidunt pigrum: tota die concupiscit & desiderat.* Prov. 21. v. 25. Aliquando scelus facto non exequitur; eò quòd ad illius executionem quædam molestia requiratur; locò hujus au-

tem plena desideria suis habendas relaxat; ut sine ullo labore quaquaversum per diem totum discurrant. Atque ideo, si solæ cogitationes vanæ tantò animam malò afficiant, ut Propheta propterea totus cohorescat,
Væ! qui cogitatis inutile! Mich. 2. v. 1. judicate, quantum illatura sit malum integra prævorum desideriorum turma, quæ continuò otiorum corda peterrat? cogitationibus verba succedunt & murmurationes; otiosus enim quò magis est incurius in rebus propriis; eò curiosior est in pervestigandis factis alienis: & quò majorem sentit in operando difficultatem, eò majorem habet facilitatem in loquendo, utpote, quod absque labore absolvitur: unde totum illius negotium est aliorum famam arrodere, & cum hoc diem concludit: *hoc opus eorum, qui detrahunt mihi.*
Psalm. 108. Quòd si aliquando à murmurationibus cessent otiosi, ideo faciunt, ut sermones obscenos interserant, qui tandem Christiani hominis linguam Dœmoni consecrant, quæ tamen ex omnibus nostris membris primum extitit, quod supremo Numinis sacri Baptismatis sale dedicaretur, & quæ sèpissime Divinæ Eucharistiæ contactu honoratur. Nihilominus hanc tam male otiosi impendunt. Neque tamen hoc multum curant, quia has linguæ suæ spurcitas acutis, æquivocis que loquendi formulis cooperiunt, id est,

est, audientibus venenam in craterem melle
oppleto offerunt, illudque in sui obtendere
excusationem contendunt, quo longè adhuc
magis reos se reddunt. Quisquis præinde
inimicus est laboris, necesse est, ut sit amans
deliciarum, & quòd propterea non sit con-
tentus, nisi iisdem indiscriminatim sive licitæ
sint sive illicitæ, perfruatur; unde illud con-
tingit juxta antiquum proverbium, quòd
nempe nihil facere, secum trahat omne ma-
lum facere: *nihil agendo discunt homines male*
facere. Aqua, quæ stagnat, brevì compu-
trectat; aér, qui non movetur, brevì infici-
tur; otiosus exercitus brevì intestinas ad tur-
bas concitat: & quemadmodum otium
quinque iniquis civitatibus, teste Ezechiele
Propheta, omnia flagitia suggestit: ita eo-
dem modò Christianis suggerit, simùlque
eos usque adeò effeminatos efficit, ut ad pri-
mam virtutis difficultatem despondeant ani-
mum, ad primam tentationem arma abji-
ciant: & Leones timent non modò in sylvis,
ubi habitant, verùm etiam in plateis, ubi
nunquam reperiuntur: *Leo est foris: in medio*
platearum occidendum sum. Prov. 22. v. 13. Id
est, timent ficta pericula, & inanes umbras
horrescant. Si S. Mater Ecclesia jejunium
imperat, absque mora ad impetrandam di-
spensationem festinant; si confessarius pœ-
nitentiam injungit vel parùm austera, aut

acceptare renunt, aut peragere omittunt; uno verbo, eo in statu suam animam collocant, quem unicè hostis infernalis desiderat, ut stabilem in illa suam figere sedem valeat. *Invenit vacantem, & assumit septem alios Spiritus secum, nequiores se, & intrantes habitant ibi.*
Matth. 12.

Verùm si tot malorum ferax est otium, haud quaquam sanè steriles, aut pauciorum feraces erunt occupationes superfluæ. Hæ sunt illæ spinæ, quæ, uti æterna Veritas testatur, divinarum inspirationum sementem suffocant, quia ut ne aliquid boni fiat, aut omnino impediunt, aut saltem ut male fiat, efficiunt. Si adeunda est Congregatio, si audienda concio, si legendus liber spiritualis, si frequentanda Sacra Mysteria, nunquam ad ista tempus suppetit: unum negotium alteri succedit, nec ex uno se le extricandi modus reperitur, quin quis simul alteri implicetur; sicuti funis plurimis nodis illigatus, explicari nullatenus potest. Et hac tandem arte diabolus sua sub tyrannide illos continet, qui quidem illius aliquando effugere manus optarent, nullam autem ex illis elabendi viam inveniunt: illud ipsum namque cum istis veterator stygins facit, quod olim Israëlitis, quando de suo, ut supremo Numini in deserto sacrificarent, ex ægypto abitu tractabant, Rex Pharao fecerat; qui novis eosdem, & ma-

jo,

joribūs laboribūs ita oneravit, ut ne quidem bonum cogitandi, nedum opere ipso perficiendi tempus haberent. Similem omnino in modum temporales solicitudines, negotia, & occupationes tot sunt laquei, qui hos miseros fortissimo nexu terræ alligant, illorū, que cor, sicut hedera mille ramisculis arborem, complectentes omne exinde devotionis alimentum exsugunt, eoque tandem deducunt, ut sine tanquam mediō utantur, & mediis tanquam sine fruantur; atque adeò verissimum fiat illud Magni Augustini effatum, quo dixit: *utuntur DEO, fruuntur mundō.* L. 22. c. 25. de Civi. DEI.

Ubi autem occupationes superfluæ tot defectuum causa non existunt, nec ita sibi tempus omne vendicant, ut nihil omnino istius ad agendum bonum relinquant, tamēa hoc ipsum bonum non alitet peragitur, quām male, venatores, etiam quando dormiunt, non quiescere videntur, utpote qui aut feras diffugientes, aut alias appropriantes somniant, ita ut corpus quidem in lecto recumbat, phantasia verò per sylvarum avia, deviāque divagetur. Idem omnino ad tam varia distractis evenit: si Sacrosancto adstant Missæ Sacrificio, si sacræ Concioni interset, si quandam subinde orationem recitant, perpetuò vagatur animus distractus aut per hanc, quæ ad faciendum lucrum se offert occasionem, aut per

per illam quæ elabitur ; corpus equidem est in Ecclesia ; animus verò per plateas spatatur. Et creditis forsitan, DEUM vobis in hoc tumultu sanctis suis inspirationibus locutum? quando vos amicorum alicui felicem rei cuiusdam successum enarratis , nisi utraque vobis aure attendat, vel si tum colloquium cum alio incipiat , non vestram modò narrationem , sed vel ipsa etiam verba abrumpitis : & exspectare audetis, DEUM vobis loqui ad cor perseveraturum , si centum occupationibus referti ad omnia potius alia, quam ad ipsius vocem attendatis ? ubi auditus non est, non effundas sermonem. Eccl. 32. v. 3.

RE MEDIUM

Ad curandum utrumque hoc impedimentum.

PRo utroque hoc vitio otiositatis & occupationum superfluarum, remedium est, precibus à DEO impetrare lumen, quo illustrante illum , ad quem conditus atque in hoc mundo positus es , finem agnoscas , qui non est aliis, quam cum concessa tibi à DEO gratia , quasi in quibusdam nundinis negotiari : negotiamini , dum venio. Luc. 19. v. 13. Quan- nam igitur isthæc tandem sunt tenebræ , credere , te ideo hunc in mundum venisse , vel ut absque labore , languido in otio præsens tempus disperdas , vel ut fortunam tuam ac fa-

familiam mille artibus amplifices ? summè proinde necessarium est , supplicibūs votis DEO te commendes , ut cœlestilumine illustratus finem tuum intelligas notum fac mihi Domine finem meum. Psalm. 38. Et Beatum te ! si DEUS preces tuas axaudiat ; & vœ tibi ! si easdem rejiciat : intrà dies perpaucos post brevem fallacis otij somnum , vacuîs manibūs evigilabis : cùm dormierit , aperiet oculos , & nihil inveniet. Job. 27. v. 19. Si in alium finem , quàm ad animæ salutein multis occupationibūs vires consumperis , illi planè similis eris , qui in circulo ambulat ; nam absolutò totius vitæ curriculō , ne unum quidem pro æternitate fecisse passum te videbis in circuitu impij ambulant. Psalm. 11.

Alterum remedium est ad ponderandum temporis valorem seriò animum applicare ; Quis est , qui pretium temporis ponat ? Dicebat Seneca , & utpote gentilis , tam parùm intellegebat de natura , omnino nihil de gratia. Profectò , si conjuncta omnium , quotquot in mundo invenire est , oratorum facundia in eo desudaret , ut hujus thesauri , temporis nimirum pretium explicaret , quid aliud possent , quàm cum infantibus balbutire ? Imò etiam , si omnes Angelici Spiritus linguas suas cœlestes ad id negotij impenderent , ne isti quidem dicere omnia valerent ; cùm tempus , quod divina Bonitas nobis ad lucrandum

dum cœlum concedit , tantum valere dici
 possit , quantum valet ipse Paradysus . Quid
 amplius ? Si beati in bonorum suorum plen-
 tudine aliquod nobis bonum possent invide-
 re , non aliud certè , quām tempus invide-
 rent ; & , si dœmonibus statim post patratum
 suum peccatum indulcūt tuisset illius vel mo-
 mentum unicum , quo salutari dolore suam
 delere culpam potuissent , jam ne quidem
 unicum infernus dœmonem haberet . Jam
 verò quem in finem credis , DEUM tam ma-
 gnā incomparabilis hujus thesauri , tem-
 poris nimirū , partem tibi concessisse , præ-
 cipue postquam tot peccatis eum ad justam
 iracundiam provocāsti ? prima vice , qua Le-
 gi Divinæ rebellis contra Illius Majestatem im-
 pio ausu insurrexisti meritus fuisses , ut in ipso
 flagitio comprehensum in momento , ut olim
 rebellibus Angelis fecerat , in orci abyssum te
 præcipitaret . Verū enim verò , dedit ei
DEUS locum pœnitentiæ Job. 24. v. 23. Divina
 Bonitas non per pauca solummodo momen-
 ta , sed per longum complurium annorum
 decursum continuatum pœnitentiæ spatiū
 concessit . O ! quām insigne hoc tandem
 donum extitit ! at verò , quem in finem tibi
 concessum ? certè non in aliū , nisi ut de
 errore tuo agere pœnitentiam , eundem elue-
 relachrymis , & bonis resarcire operibūs pos-
 sis : Dedit ei locum pœnitentiæ . Ajunt Medi-
 ci ,

ci, illum, qui venenum biberit, à nulla re
 alia magis, quām à somno cavere sibi debere:
Qui venena hauserunt, somnō privandi. Galen.
L. de antid. Et tu, qui non solummodo stil-
 las aliquot, sed venenatum Babilonicæ me-
 retricis poculum totum exhausisti stertendo
 in otio, quod adeò saluti tuæ præjudicat, to-
 tum tempus transfigis? Et si scelerum tuorum
 summam aliquando confessario aperuisti non
 major amplius animum tuum illorum cura re-
 mordet, quām si nunquam à te commissa
 fuissent. Hoc profectò est in vanum accipe-
 re animam seu vitam suam, ut inquit Pro-
 pheta Psal. 23. Hoc est esse inutilem super
 terram (Psal. 13.) hoc est non tantummo-
 do esse stultum, sed omnino stultissimum:
Qui sectatur otium, stultissimus est. Prov. 12.
 Potestne major reperiri dementia, quām
 thesaurum, qui æstimari non potest, tam
 incuriō levique animo abjecere? An forsan
 isthanc commoditatem semper duraturam
 existimas? *Paululum dormies, paululum dor-
 mitabis, & veniet tibi pauperies, quasi vir ar-
 matus.* Prov. 6. Pars una vitæ profundè in
 utramque aurem dormiendō, nempe malè
 vivendō pessum datur; pars altera dormitan-
 dō, nempe nihil boni faciendō negligitur; &
 ecce! subitò nil tale exspectanti, velut homo
 armis invincibilibus obarmatus, mors super-
 venit, & omni te tempore spoliatum eò us-
 que

que paupertatis redigit, ut vel unicum illius
 momentum instar pauperis elemosynam
 mendicare necesse habeas, & ne hoc quidem
 obtinebis. Legimus de nobili quodam viro,
 qui multis annis Francisco Primo Franciae Re-
 gi fuerat à secretis, quod ad mortis dedu-
 cens confinia præteritam vitam amarissime
 planxerit, nihilque admittens solatij jam
 emortua pene voce identidem exclamârit:
 An possibile est, quod tantum temporis inven-
 nerim, ut expediendô Regis mei nomine lit-
 teras centum papyri scapos consumerem; &
 tantum otij non repererim, ut scribendô con-
 fessionem generalem vel medium folium im-
 plerem quo animæ meæ salutem magis in tu-
 to reponerem! In similia, & adhuc magis
 probrosa lamenta sub vitæ finem tibi quoque
 erumpendum erit, si tot annos nihil agendô
 transegeris & ne quidem exiguum indulti
 temporis partem cum in finem impenderis,
 ut animam tuam securo in statu colloces.
 Agedum igitur, expergiscere tandem ab hoc
 somno usque adeò noxio, & illud facito,
 quod facere viator assolet, qui, ubi è somno,
 cui sub amœna cujusdam arboris umbra indul-
 serat, exercefactus socios suos magnum
 interea viæ spatium emensos multum præces-
 sisse advertit, passus duplicat, eosdémque
 rursus assequitur anhelitu contendit. Tan-
 tum temporis jam perdidisti; nunc illud re-

cuperandi spatiū & copia p̄stō est : Non
quasi insipientes, sed ut sapientes, redimentes
tempus; quoniam dies mali sunt. Eccl. 5. v 16.
 Tempus quod ibi superest, incertum est, &
 semper erit breve; unde si sapi tam preciosæ
 mercis reliquias veluti è naufragio studiosè
 collige, & illud quod tibi supererit, noli de-
 nuo adeò leviter in profundum projicere Ut
 autem ad praxin veniamus, cum consilio Pa-
 tris Spiritualis tuas imposterum occupationes
 quas diebus singulis, singulis septimanis, men-
 fibus, annis singulis perficias, disponito.
 Statue e. g. quæ quotidie pia devotionis ope-
 ra peragenda e. g. recitare officium Sanctissi-
 mæ Virginis; adesse tremendo Missæ Sacri-
 cio; legere librum quendam spiritualem; da-
 re aliquid eleemosynæ; nunquam exire do-
 mo, quin Sanctissimum Sacramentum, aut
Aram Divinæ Matris visites? p̄stare obse-
 quiū quoddam SS. Patronis, p̄cipue ve-
 rò Angelo tuo custodi, & S. Josepho pro fe-
 lici mortis hora impetranda. Singulis septi-
 manis die festo semper aliquid consuetis tuis
 devotionibus adjungere: interesse concioni,
 recitare intra septimanam Rosarium, in ho-
 norem Passionis Dominicæ die Veneris, aut
 die Sabbati in honorem Preciosissimæ Matris
 ab aliquo cibo abstinere. Singulis mensibūs
 saltem semel sacræ Mensæ accumbere; & si
 fortè infelicissimo casu in grave peccatum pro-

lapsus essem, etiam ante illud tempus ad Sacrum tribunal festina; ex omnibus namque stultiis, quibus laborare peccator potest, summa est, credere infernum, & vel per momentum unicum in peccato vivere, hoc est, in extremo margine tam horrendi precipitij. Denique consultissimum est, quolibet anno computatis diligenter ab ultimo peracta ad praesens usque tempus commissis peccatis, confessione generali animam expiare, omnia que tum temporalia, tum spiritualia negotia ita exacte componere, ut mors, etsi etiam improvisò adveniat, paratum offendat. Beatum te! si cum Sancto Job dicere poteris: *Cunctis diebus, quibus nunc milito, expecto, donec veniat immutatio mea: vocabis me, & ego respondebo tibi.* Job. 14 v. 14.

Hoc totum, quod hactenus expendimus, mederi quoque poterit illi vitio, quo quis totus in superflua occupationes effunditur; inter otiosum enim, & nimium occupatum istud solum discrimen intercedit, quod unus sui temporis divitias stultè abjiciat; alter vero easdem in res nullius momenti, & ita loquendo ad struendas aranearum telas expendat. Occupationes puerorum vocantur *nugae*, majorum *nugae* vocantur *negotia*. Aug. l. 1. conf. c. 9. tu puerorum occupationes *nugas* vocas. Angeli coelestes etiam grandia tua negotia *nugas* appellant. Verum, qui superfluis immeritus ne-

negotiis vivit, præter istud remedium, tres insuper excessus consideret oportet, quæ in illius occupationibus reperi possunt, eosdemque ex animo tollat. Primus excessus est in harum ipsarum occupationum quantitate; secundus in qualitate; tertius in fine.

Primò igitur fieri potest, ut Propheta de tuis quoque negotiis dicere queat, quod sua multitudine numerum stellarum excedant: *Plures fecisti negotiationes tuas, quam stellæ sint cœli.* *Nahum.* 3. v. 16. necessarium proinde est, tuas occupationes ut diminuas, si divinæ gratiæ parare locum, atque per illam illuminari desideras: *qui minoratur actu, sapientiam percipiet.* *Eccl.* 3s. v. 25. Non dicit Spiritus Sanctus, ad hoc, ut vera sapientia quæ in DEI, & bonorum juxta, & malorum æternorum cognitione consistit, acquiratur, omne occupationum genus esse seponendum; sed dicit solummodo, quod minuendæ sint, *qui minoratur actu.* Decipitur profectò, qui existimat, quod status nobilium, & divitium à laborandi obligatione hominem eximat. Ipsum etiam cœlum Empyreum suum in res inferiores influxum præstat, quia decens non est, ut ulla in toto universo creatura penitus otiosa inveniatur; ex altera verò parte, quænam illa est aliquorum prudentia, qui, ultrà quam ipsorum vires patiuntur, se negotiis onerant? qua demum ratione sic mente

simul & corde levari ad cœlum possunt ? si
 fonti in varios rivulos diviso viam per plana
 aperias , quomodo desideras , ut in altum
 profiliat , siatque fons aquæ salientis in vitam
 aeternam ? Si ipsæ etiam occupationes Sancto-
 rum moderate sunt assumendæ , ut ne forsitan
 qui custodire alterum laborat , seipsum ne-
 gligat : posuerunt me custodem in vineis ; vi-
 neam meam non custodivi . Cant. I. v. 5. judica ,
 quòd cum moderamine assumere negotia
 temporalia oporteat . Si fortè Procuratorem
 tuum de molesta , quam in judicio habes , li-
 te cum ipso tractaturus accedas , tristaris , si
 aliis litigantium partibus ejusdem obsideri fo-
 res videas ; quia nempe times , ne , cùm tot
 simul causis attendat , ventilandi tuam , eun-
 dem & facultas & tempus destituat . O !
 quantò majorem tristandi causam habet ani-
 ma tua , cùm mentem tuam tot cogitationi-
 bus , tot negotiis occupatam considerat ? si
 videt , à te devotionis opera ad reliquarum
 occupationum finem reservari , nec ad eas nisi
 perfunctoriè peragendas tibi spatium suppe-
 tere ? quantum itineris conficere navis pote-
 rit , tanto pondere onerata ? sed forsitan ex-
 cusare errorem tuum contendis , tuásque oc-
 cupationes non esse malas asseverabis ? verūm
 istud non sufficit , si sunt nimiae . Multæ ex
 nostris infirmitatibus non ex corruptione , sed
 abundantia languinis oriuntur ; hæc námque
 fa-

facit, ut debita illius per venas ac membra circulatio, & necessarium cordis refrigerium impediatur. Observa proin, quænam ex occupationibus tuis sint minus necessariæ, & harum ipsarum partem, aut in cujusdam Socij, aut domestici, aut consanguinei humero transfer, sequere consilium, Moysi alias tam sapienti & legislatori & Dicitam magni populi ab Jethro suggestum : *Ultra vires tuas est hoc negotium ; solus illud sustinere non poteris : stulto labore consumeris.* Exod. 18. neque hora tibi supereat, quam quieti concedas, semper inter spinas hæsitas : araneæ instar temetipsum evisceras, & sicut illa, ad inanem telam pertexendam multos oculos aperis : præmium unius laboris, est labor aliis priore major; confecti unius laboris merces est timor, ne fortè quemdam alium non perficias : *stulto labore consumeris.*

Multò igitur adhuc vesanior esset alter excessus in qualitate occupationum. Multa sunt negotia, inquit S. Gregorius, quæ tractari absque peccato vix possunt : *Sunt pleraque negotia, quæ sine peccatis exhiberi aut vix, aut nullatenus possunt.* Hom. 22. in Evang. Atque ideo, quanta est stultitia, hujusmodi se se negotiis implicare? pejus profectò hoc foret, quam si ad lucrandum pileum ipsum caput discrimini objiceretur : Præcipue, cùm implicare se rei cum peccandi periculo conne-

æ; non rato sit se se impicare longæ catenæ multorum peccatorum. Qui negotium semel aggressus est, & veluti navim conscendit, ad præfixum portum prevenire omnibus modis contendit, & si media licita sufficientem efficaciam non habent, etiam illicita applicantur, & si viæ directæ ad desideratum non perducunt, etiam obliquæ eliguntur: Si ex lite reportari quæsita victoria non potest, eò usque protrahitor, donec adversarius ob pecuniæ defectum eandem prosequi desistat: si testimonia vera non suppetunt, falsa conquiruntur: si judex allatas rationes in favorem tuum non intelligat, donis & muneribus in partes tuas inflectitur; & quia uno oculo terra simul & cœlum eodem tempore aspici non possunt, oculus terræ affigitur, & cœlum non consideratur.

Denique ultimus occupationum excessus est in fine. Vera negotia sunt illa, quæ sunt sanctificata Domino: *Et erunt negotiationes ejus sanctificatae Domino. Is. 23. v. 13.* Id, quod tunc coartingit, ubi iisdem charitas & justitia tanquam scopus præfigitur. Quapropter, quemadmodum pictores omnia sua opera à capite incipiunt, atque ab hoc omnes totius imaginis mensuras, ac proportiones desumunt; ita tibi quoque faciendum: Ante omnia semper præ oculis anima & DEUS versetur: *Quarite primum regnum DEI, & justiam*

tiā ejus. Matt. 6. Et bene semper tua negotia succedent; quia si temporalia non obtinebis, æterna consequēris, meliusque tibi eveniet, quam Saulo, qui dum, ut voluntati Patris obediret, a finis quereret, non a finis, sed regnum invenit. Cogita semper, quod unum solummodo in hac vita negotium habeas, quod negotij nomen promeretur, quod est salvare animam. Huic te totum ita impendas necessum est, ut reliqua omnia tanquam nihilum reputes, quemadmodum in emolumētūm nostrūm Apostolus nos obtestatur: *Rogamus vos, ut operam detis, ut quietis sitis, & ut vestrum negotium agatis.* 1. Thes. 4. Beatum te, si istud negotium feliciter succedit! infelicissimum! si male tractetur, etiam si tuā interim industriā totius mundi Dominium aquireres! *Quid prodest homini, si mundum universum lucretur, animæ vero suæ detrimentum patiatur?* Luc. 8.

LECTIO VI.

DE IMPEDIMENTO,

Quod saluti animæ affert inordinatus amor voluptatum.

EX illiciis suavioribus, ex violentiis amabilioribus, ex catenis gravioribus, quæ cor humanum abripunt, sunt illæ, quas blan-

da eidem voluptas injicit. Quanta igitur veritatis efficacia requiritur, ut, noxium esse demonstretur, quod tantopere placet? Et tamen ita est: si dæmon toxicum suum absynthio per mixtum nobis offerret, utique qui biberent, non reperiret; at verò, cùm sub melle absconditum porrigat, infinitus prope modum stultorum illorum est numerus, qui ad illius poculum concurrunt; paucisque illis, quæ veneno supernatant, dulcedinis guttulis illecti, mortem ridente ore imbibunt. Explicemus igitur, quantum animæ nocumentum afferat isthæc delicias procurandi aviditas, & eidem remedium præscribamus.

Non loquor jam de monstrofa illa voluptatum sitî, quæ usque adeò mundum dementat, ut eas in sordidissimis etiam luxuriæ cloacis piscari non erubescat. Perversitas hæc est, quæ seipsum sati manifestat, & nemo non videt, quod, cùm peccatum luxuriæ sit illud, quod mentis nostræ oculos omnium maximè excæcat, nostrumque cor omnium arctissimè rebus præsentibus alligat, illud quoque sit, quod omnium frequentissimè animæ nostræ salutem impedit; unde verissimum esse apparet illud, quod jam alibi audivisti, S. Remigij effatum, nimirum exceptis parvulis, propter hoc vitium, paucos ad paradysi gloriam pertingere. Exceptis parvulis, propter eamnis vitium ex adultis pauci salvantur. Impedi-

dimentum, quod in præsenti lectione monstrandum tibi atque à te removendum suscepi, est tenor vitæ mundanorum, pro quibus lex illa adeò universalis non videtur esse promulgata : *homo natus ad laborem. Job. 5. v. 7* Postquam super mollissimas plumas dormiendo magnam diei partem consumperunt, quod reliquum est, conviviis, conversationibus, visitationibus, musicæ, lului, comœdiis, tripludiis, transcribunt, solicite semper, quidquid deliciatum varia anni tempora variè illis offerunt, conquirentes. Nihilominus hæc vita tot deliciis, tanto luxu, tanta vanitate, tot novis & semper studiosius excogitatis se recreandi inventionibus intertexta talis ipsis videtur, quâ innocentior in mundo duci non possit, illumque qui hanc condemnat, tanquam hominem sylvestrem & qui vellet, si posset, civitates in deserta commutare, exhibant. Sed enim, istorum verbis si veritas constet, Christum JESUM à vero aberrasse, Spiritum S. hallucinatum fuisse necesse est, qui sacris in Paginis nos omnino contrarium docet. Ita enim per os Hussæi Principis Divina ad nos veritas loquitur : *Infantes eorum exultant lusibus, tenent tympanum & cytharam, & gaudent ad sonitum organi; Ducunt in bonis dies suos & in puncto ad inferna descendunt. Job. 11. v. 21.* Recreat se lusibus, exultant in concentibus musicis, perpetuas inter lætitias

tempus prodigunt, & in iectu oculi in ignem
 æternum descendunt. Hunc ipsum in mo-
 dum per Isaiam inquit: Cythara & lyra, &
 tympanum & tibia, & vinum in conviviis ve-
 stris: propterea dilatavit infernus animam suam,
 & aperuit os suum absque ullo termino. Is. 5.
 Totum tempus solis animi relaxationibus tri-
 buitur, à lecto ad mensam, à mensa ad con-
 versationes, à conversationibus ad theatra
 transitur, inter lætitias ita concatenatas, ut
 veluti totidem annuli una alteri innecatur; &
 ideo infernus fauces suas, ad illos, qui tanto
 quotidie numero illuc decidunt, excipien-
 dos absque termino dilatavit. Parò modò
 per os Prophetæ Amos infelicem illorum,
 qui divitiis abundantes, nobilitate & hono-
 ribus insignes, aurô byssóque induti, super-
 bis in lectis dormiunt, selectioribus se deliciis
 pascunt, suavissimo quovis genere musicæ se
 recreant, conditionem nobis insinuat, vœ!
 qui opulenti estis in Sion, optimates, capita po-
 pulorum ingredientes pompatice domus Israël:
 qui dormitis in lectis eburneis: qui comeditis
 agnum de grege, & vitulos de medio armenti;
 qui canitis ad vocem Psalterij, bibentes vinum
 in phialis, & optimo unguento delibuti. Amos. 6.
 Et longè adhuc clariùs Incarnata Sapientia,
 vœ! vobis, inquit, O! divites hujus mun-
 di! qui in hac vita vestram consolationem ha-
 betis; vœ! vobis, qui omni voluptate vos

fa-

fatiatis; vœ! vobis, qui modò inter risus lætamini, vœ! vobis, qui magni estis in ore populi, & quorum splendidam sortem aliorum modò invidia infectatur: Veruntamen vœ vobis divitibus, qui habetis consolationem vestram: vœ! vobis, qui saturati estis: vœ! vobis, qui ridetis nunc: vœ! cùm benixerint vobis homines. *Luc. 6.* Dicunt illi quidem: quid denique malum est, lætitiis mentem exhilarare, omnem sese oblectandi occasionem conquirere, pretioso vestium ornatu splendescere, vitam inter læta otia exigere? sufficit, quod non aliud aut injustitiae, aut luxuriae peccatum consciiscamus: & tamen Christus Dominus apertissime asseverat, hanc vivendi rationem disponere ad damnationem æternam, quod terribilis illa & toties repetita particula vœ! vœ! significat; & in *Lege Antiqua*, quamvis multò imperfectiore, quam sit *Lex Christiana*, *Spiritus sanctus* ait, infernum ob similem vitæ tenorem, os, si nūmque suum aperuisse, ut locum concederet tot insanientibus, qui unico lætioris vitæ momento æternitatem sibi comparant tormentorum. Agedum autem, quem jam decipi credamus, an homines ejusmodi mundanos, an DEUM? illos mille vitiis excæcatos, an Incarnatam Sapientiam, quæ de cœlo descendit, ut viam salutis nos edoceret? Tu saltem, ô Lector, quemadmodum per

viam

viam incedens, si hujusmodi vox aures tuas perstringit; *siste, sistre*, quid periculi immineat, cognitus, inversa facie retrospicis; ad illud modò, quod audisti, considerandum, atque ad ponderanda illa damna te paululum converte, quæ ex hac tenus descripta vivendi methodo emergentia magis jam in specie exponam.

DAMNUM,

Quod affert saluti isthic inter delicias vivendi modus.

Considera, quòd Spiritus sanctus per Iobum non dicat, quòd ille, qui mundanis deliciis inhiat, in momento ad orcum præcipitetur, sed, quòd illuc descendat: *ad inferna descendunt pededentim nempe, & quasi per gradus procedendò*; illa namque molliter vivendi ratio dispositio quædam est ad omnis generis scelera, & non parùm opponitur cùm Professioni hominis Christiani, tum spei atque fiduciæ hominis prædestinati. Altè hæc duo vocabula animo tuo imprime; in paucis enim syllabis multa continent.

In primis homo Christianus vivere debet ex fide, juxta illud Apostoli ad Rom. 1. *Justus autem meus ex fide vivit.* Jam verò quæ dispositio excogitari queat fidei, quæ tota spirituallis est, magis contraria, quam vita quærendæ

dæ in sensibilibus hujus mundi bonis voluptati semper intenta? Observat Tertullianus, nullum ex antiquis Philosophis de sole ineptius locutum fuisse, quām Epicureum, cūm majorem non esse putaret quām aspicientium oculis appareret, amplissimūmque illud corpus, quod tot mil'lenis vicibus totum terrarum globum magnitudine sua exsuperat, ac si currūs cujusdam rotam mensurandam præ manibus haberet, ad pedes mensuraret: *Epicurus Solis orbem pedalem deprehendit.* Id ipsum cum quadam proportione dici potest de istis terrenarum voluptatum idololatris, & Epicureis potius hominibus, quām Christianis: tam vilem habent bonorum æternorum æstimationem, tam humilem de supremo Numinе, immensa ejusdem Potentia, infinita Bonitate ac Justitia ideam, ut miraculum videatur, si in hujusmodi infumato capite fides non vacilleret. Quemadmodum Christianus ex fide vivit, ita vivit quoque ex spe & charitate; verūm qualem in his mortalibus spem invenies, qui tanta cupiditate in mundi delicias se totos effundunt? si perpetuò vita præsente perfrii ipsis concederetur, prompta voluntate cœlesti paradylo renuntiarent; sicut fatuæ illæ tribus, quæ, ubi camporum cis Jordanem sitorum amœnitatem conspexerant, sua se protinus terræ promissæ portione abdicârunt. Id ipsum de charitate tenendum,

quæ

quæ non nisi difficillimè in animo deliciis de-
ditio succenditur , sicuti à ligno viridi difficul-
ter concipitur flamma. Præterea : Professio
hominis Christiani professio est militis ; atque
ideo , quænam alia dispositio magis eidem
contraria excogitari possit , quæ mundanæ
deliciæ , quæ istud suum solenne tenent , quod
fortissimi cujusque animum enervent ? pluri-
bus opus est , quæm præcisè oleum affunde-
re , ut justa gladio durities inducatur. Ex
Christianis aliqui eò deveniunt , ut ad illos ab-
sterrendos vel sola difficultatis umbra sufficiat.
Ad primam , quæ post peractam exhomolo-
gesin insurgit , tentationem à bono suo pro-
posito recedunt ; eorūque proposita corni-
bus limacum sunt simillima , quæ teste Ari-
stotele armorum ne quidem nomen prome-
rentur , utpote quæ ad quemvis tenuissimæ
cujusvis herbæ attractum se retrahunt. Quid
igitur prodest dicere : habere se opiparè , dor-
mire molliter , hilari animo lætis consortiis ,
tripudiis atque conviviis interesse , non est
peccatum ? dabo , peccatum non sit , certe
tamen tale quiddam est , quod ad hoc absque
dubio disponit , ut in gravissimorum scelerum
licentiam quis abeat , ut nulli amplius tenta-
tioni resistat , ut nihil amplius de DEO , de
rebus cœlestibus palato ejus arrideat , ut pe-
detentim in malorum profundum proruat ,
quemadmodum sapientissimo Regum Salo-

moni accidit , qui cùm ab initio illis , quibus perfrui licet posset , oblectare se deliciis constituisset , eò postmodum progressus tandem est , ut in stolidissimam idolatriam labetur . Igitur virili animo deliciis se Christianus expediat , convenit , inquit Tertullianus ; hæ namque virtutem nostram effeminatam , ad supportandum crucis onus , ad repellendos tentatoris assultus inhabilem efficiunt : discutienda sunt deliciae quarum mollitie fidei virtus effeminari potest L. de cult. fæm.

Hæc ipsa vitæ adeò deliciarum studiosæ mollities æquè contraria est nostræ prædestinationis spei , quam Professioni hominis Christiani . Ratio est manifesta ; tota námque prædestinationis nostræ spes similitudini , quam cum Christo JESU Prædestinotorum Capite habemus , tanquam fundamento incubit . Ita altiore afflatus spiritu credere nos docet Apostolus , cùm ad Romanos scribit : *Quos prædestinavit conformes fieri Imagini filij sui c. 8. v. 29.* Jam verò Christi vitam perpetuò tres isti socij comitabantur , paupertas scilicet , dolor , contemptus , atque per hanc viam ille ad gloriam eluctatus est : oportuit Christum pati , & ita intrare in gloriam suam . Quid igitur jam dicunt delicati isti , qui vel ad Iolum pœnitentiæ ac mortificationis nomen totis artubus contremiscunt ? an forsitan aliud ipsi Evangelium repererunt ? num in illorum

gratiam alius de cœlo redemptor descendit,
 cui coronandō se rosis conformare se queant?
 an forsitan nova iisdem ad cœlum via aperta
 est? ita, ut, cùm omnes illi, qui ad præsens
 usque momentum in illud ingressi sunt, per
 multas intrare tribulationes necesse habue-
 rint: *Per multas tribulationes oportet nos intra-
 re in Regnum DEI, Act. 14.* ipsi per continuas
 deliciarum illecebras illuc pervenire conceda-
 tur; cùmque pro aliis hucusque via, quæ ad
 æternam patriam perducit, arcta extiterit:
arcta est via, quæ dicit ad vitam; Matt. 7. ipsi
 spatiösior, quām ampla quædam platea pa-
 tescat. Brevi reflexione ad hanc rationem
 animum adverte, & non dubito, quin illius
 efficaciâ intellectus tuus sit convincendus.

Expertus id est Valisoleti nobili Hispaniæ
 civitate toparcha quidam genere non minùs
 quām divitiis nobilis, & deliciarum istarum
 studiosissimus. Multa hic, & præclara nar-
 rari audierat de insigni doctrina & sanctitate
 Patris Petri Fabri, quem inter primos, eös-
 que dilectissimos socios, in fundanda sua Re-
 ligione S. Ignatius numerat. Impulsus proin-
 de curiositate potius rei veritatem è proprio
 experimento noscendi, quām alio motivo,
 occasionem, qua solus cum solo colloqui
 posset, captavit, proque anima sua salubre
 ab illo documentum poposcit. Cui Vir san-
 ctus, profundiùs, atque Nobilis credebat,
 ipsius

ipſius animum introſpiciens hæc ſolummodo
verba loquebatur: *Christus pauper*, & ego di-
ves: *Christus jējunus*, & ego plenè ſatiatus: *Chri-
ſtus nudus*, & ego ſplendide veſtitus: *Christus in
tormentis*, & ego in deliciis; & hoc dictō con-
ticuit. Alter, quemadmodum veritates
iſtas negare non poterat, ita eadem non niſi
triviales reputavit, Fabrique famam verō eſſe
majorem intra ſemetipſum concludit. Pauci
interea dies abierant, cūm eo ipſo tempore,
quo pro more convivio accumbebat, verba
non ita pridem à Fabro audita denuo in men-
tem revocavit, atque tunc tandem nova luce
cœlitus immiſſa animum colluſtrante illorum
ſenſum penetravit, tamque clare latiſſimam
quæ ſuam inter & Sanctissimi Redemptoris vi-
tam intercederet, diſſimilitudinem, gravem
que quam ex hoc capite animæ ſuæ ſalus pate-
retur, difficultatem dignovit, ut in copioſiſ-
ſimas repente ſolutus lacrymas de mensa fur-
rexit, in privato quodam cubiculo diutiū
ſe ſe lacrymarum pane cibaturus, atque com-
modius conceptum ſuam vitam permutandi,
debitamque deinceps poenitentiam perfol-
vendi propositum firmaturus. (Bart. Ital. L.
I. c. 18.)

Similis divinæ colluſtrationis radius ad in-
telligendam ritę, quam legis veritatem, tibi
quoque neceſſarius fore, & tunc denique
caperes, tantò te majorem, ut inquit S.

Gregorius, timendi causam habere, quò feliciùs per tranquilla navigare tibi videris. *Admonemur mundi prospera metuere, & contra omnem sacerdotifelicitatem acriùs vigilare.* in Psalm. 50. Caperes, magnum esse supplicium post tot commissa crimina nullo à DEO suppicio castigari; hoc námque est illud, quod DEUS comminatur, ubi supremam in mortales iracundiam concepit: *Non visitabo super filias vestras, cùm fuerint fornicatæ.* Os. 4. Caperes, non flagellari in hac vita cum hominibus, esse manifesto se exponere periculo flagellationis æternæ in inferno subeundæ cum dæmonibus: *qui in labore hominum non sunt, in labore dæmonum erunt: & qui cum hominibus non flagellantur, cum dæmonibus flagellabuntur.* S. Bern. serm. 23. in Cantic. Caperes, recipere bonum in vita sua, esse socium se adjungere Epuloni in hoc mundo, cum evidenti discrimine, ne quis eidem quoque socius adjungatur in igne æterno; qui enim iisdem cum illo deliciis pascitur, non immerito timere potest, ne, quod illi dictum fuit, audire quoque & ipse debeat: *Fili, recordare, quia recepisti bona in vita tua.* Luc. 16. Uno verbo, caperes, Regnum cœlorum haud quaquam inertio otio, & deliciosè fallendi temporis studiō, sed generosa fortitudine, & magnanimâ violentiâ obtineri: *Regnum cœlorum vim patitur, & violenti rapiunt illud.* Matt.

22. v. 12. Omnes hasce veritates in momento intelligeres: at vero, cum densissimis carna- lis sapientiae immersus sis tenebris tantum ab- est, ut hujusmodi res obtenebrato intellectu assequaris, ut vel solùm audire illas tibi dis- pliceat, illumque in corde tuo condemnes, qui easdem in animae tuae emolumentum ob oculos tibi ponere laborat. *Verbum sapiens audivit luxuriosus, & displicebit ei. Eccl. 21. v.*

23. Absit proinde, mibi unquam amplius innocentia esse ejusmodi oblectamenta dicas; nam si immoderata sint, sive ratione tem- poris, quod illis impenditur, si nempe integra iis dies tribuatur? sive ratione affectus, quo iisdem animus affigitur, si nempe propterea poenitentiæ illum oblivio subeat, summe pro- fecto noxia sunt, magnumque jam in vita præsenti malum continent, & longè adhuc maius, imò omnium maximum minantur in futurum.

S. Theresia in libro, cui ex obedientia vitæ suæ historiam intulit, capite trigesimo secun- dō refert, quod, cum aliquando orationi va- caret, Divinissimus Sponsus locum sibi quem- dam in inferno ostenderit, in quem certissime præceps abiisset, si continuare quasdam con- versationes & amicitias perrexisset, quæ qui- dem ex se malæ non erant (ab his enim San-cta à primo suæ vitæ exordio ad ultimum us- que halitum toto corde constanter abhor- ruit)

ruit) sed vanæ , atque adeò periculosæ , ne
 illius animum perverterent , eoque sensim
 perducerent , ut à DEO defereretur . Jam
 verò libentissimè ego reseirem ex te , quisquis
 tam avidè delicias sectaris , an tua oblecta-
 menta , tua , quæ aliis defers , obsequia , tuæ
 conversationes , tuæ visitationes tanta cum
 innocentia transigantur , atque amicitiæ S.
 Theresiæ , nondum quidem in excelso perfe-
 ctionis gradu constitutæ , nullo tamen etiam
 in illud usque momentum , graviori scelere
 depravatæ ? & siquidem tantum tibi insit au-
 daciæ , ut tuas delicias cum illius oblectatio-
 nibus comparare sustineas , scire jam perve-
 lim , si illius amicitiæ cum certo æternæ da-
 mnationis periculo conjunctæ fuerunt , quo
 fundamento tuas ab eodem eximias pronun-
 tias ? Per salutem te tuam obtestor , ne diu-
 tiùs te decipi patiaris à perfida hac Dalila tua
 sensualitate . Si vitam vivere undequaque de-
 liciis affluentem , grande malum esse jam nunc
 tibi non appareat , apparebit post tempus mo-
 dicum : dum amantur vanæ , perpetrantur ma-
 la . Qui illud omne amplectitur , quod sim-
 pliciter est licitum , in eo jam est , ut etiam il-
 licita proximè exequatur : Sedit populus man-
 ducare , & bibere , & surrexerunt ludere . Exod.
 32. non finitur recreatio , quæ in apertam non
 desinat idolatriam . Quapropter firmissi-
 um , multum de tuis commoditatibus rese-
 can-

candi, atque pœnitentia, quæ Christianæ professioni adeò propria est, ut totam vitam nostram deberet componere, non penitus obliviscendi propositum concipe. Vita Christiani, inquit sancta Synodus Tridentina, est continuata pœnitentia. Non est prohibitum, fatigatum laboribūs animum relaxare; sed enim scire oportet, haud quaquam fas esse ob oculos positam mellis portionem ex amplis patinis, aut exundante dexteræ vola exsorbere; sed extremos solummodo digitos intingere, & ejusdem exinde dulcedinem guttatum delibare. Oblectamenta Christianorum debent esse eorundem statui contentaria: recreare se possunt, sed in Domino: recreare se possunt, sed suo tempore, non die tota: recreare se possunt, verūm ut majores ad sui mortificationem vires recipiant; quemadmodum arcus remittitur, ut majore postmodum vigore sagittam excutiat.

Denique Christus JESIIS mortuus est, ut populum formaret, qui per bonorum operum, non vero deliciarum vestigia ambularet: *Dedit semetipsum pro nobis, ut mundaret sibi populum acceptabilem seclatorem bonorum operum. Tit. 2. 14.* Neque ideo tantummodo in terram è cœlo descendit, ut noster Redemptor, verūm etiam ut & verbis & exemplis noster quoque Magister existeret, aperte declarans eum, qui se sua cum cruce sequi reculeret,

set, suorum fidelium nec nomen, nec præmium promereri: *Qui non accipit erucem suam, & sequitur me, non est me dignus.*, Matt. 10. v. 38.

RE MEDIUM

Ad tollendum hoc impedimentum.

VERUM ad extirpandum humano ex animo affectum, qui tam profundas à primis pueritiæ annis in eo radices egit, non potest, nisi magna fortitudo sufficere; atque, quod inde sequitur, ad hanc obtinendam humiliis & constans oratio requiritur. Suspira etiam tu sæpenumero cum Ecclesiastico ad Dominum DEUM tuum: *Aufer à me ventris concupiscentias; & animæ irreverenti, & infrunitæ, ne tradas me.* c. 23. v. 6. O! Domine! tolle ex animo meo hanc insatiabilem mundanarum deliciarum cupiditatem, & noli me immani carnis meæ tyrannidi subjicere. Maxima, quam Divina tibi in hoc mundo infligere Justitia potest, poena est, tradere manus carnalis cupiditatis tuæ; quæ irreverens vocatur, quia, ut suum ipsa intentum consequatur, omnia jura Divina juxta atque humana sùsque déque habet; vocatur *infrunita*, hoc est insatiabilis & absque frœno, quia id, quod illius desideria deberet satiare, atque extinguere, eadem excitat magis atque in-

inflammat. Crebris itaque suspiriis te Patri Cœlesti commenda , ut ab inimico tuo omnium maximo, qui tu ipse es, & propria tua voluntas, ac perversa isthæc ad delicias inclinatio, te liberet. Quod verò ad tuam cooperationem attinet , tria insuper remedia tibi suppeditabo, quorum ope, si ritè illa adhibueris, robur istud acquires.

Primum sit, mundanas delicias non à fronte, sed à tergo aspicere ; volo dicere : non considerare quidnam pro præsenti offerant, sed earundem finem, præcipue pro mortis articulo : Ne intuearis vinum, dum splenduerit in vitro color ejus ; ingreditur blandè, sed in novissimo mordebit ut Coluber. Prov. 23. v. 31. Bella & jucunda jam appareat mundanorum vita ex eo ; quia continuis illecebris eorum sensibus blanditur ; verùm quanto tempore duraturam existimas ? ecce ! post pauxillum temporis ad extrema deductus tremendas inter angustias jacebis , omnique jam dilapsa dulcedine nihil nisi acerbè pungentes aculei remanebunt, eò quòd inter vesanas ineptias, inter meras vanitates tempus perdideris, tantâ misericordiâ tibi à DEO eum in finem concessum , ut felicitatem tibi comparares sempernam. Vita præsens, tunc dices, ideo mihi tantummodo data fuit, ut illâ benè utendô futuram lucrarer ; & ego in quid eam impendi ? creatus sum, ut omnipotenti DEO

familiarer, & mihi soli haec tenus servivi. Positus sum in hoc mundo propter animam, & non propter corpus; & vixi haec tenus ac si immortalem non habuisset, quam salvare debarem; ac si tantummodo ad hoc natus fuisset, ut fœtido corpori deservirem.

Moyses, ut serpentem in Virgam stupendum illud tot prodigiorum instrumentum mutaret, aliud non egit, quam quod illius extremitatem, uti DEUS ipsi mandaverat, dexterâ prehenderit: *Extende manum tuam, & apprehende caudam ejus.* Exod. 4. v. 4. Hoc ipsum tu quoque fac; mundanarum deliciorum caudam prehende, & quæ modò, cùm tanquam finis à te amantur, venenatæ instar viperæ fatali toxico te inficiunt, generoso contemptu repudiatae, ad acquirendum omne bonum tibi deservient. Præcipue, si propinquæ mortis considerationi illud quoque adjunges, quod formidabilem ejusdem acerbitatem immensum adauget; si nempe severissimam illam rationem, quam post perbreuem temporis lapsum coram Divino Tribunali districtissimo Judici redditurus es, animo tuo seriò propones. Audi, quem in modum de grandi hoc negotio Rex Salomon nos admoneat, postquam propriò experimentò didicerat, quidnam prodesset tandem, in omnis generis delicias totum cor suum effundere: *Læsare juvenis, & in bono sit cor tuum: ambula in*

viis cordis tui, & in intuitu oculorum tuorum ;
 & scito, quod pro omnibus his adducet te Dominus in judicium. Eccles. 11. v. 9. O ! quam amara ironia ! perge litare genio, latare & exulta : da sensibus , quidquid desiderant : Concede omnem te oblectandi gratiam oculis tuis libertatem ; sed scias oportet, paulo post citandum te esse ad formidabile illud Tribunal , coram quo etiam insigni Sanctimoniam præfulgentes , vestiti cilicio , circumligati catenis , jejuniõ attriti omnibus artubus contremiscunt , atque exinde , quid te futurum sit , dijudica , qui totus deliciis circumflos.

Secundum remedium erit Sanctorum vitas perlegere. Quis explicare jam queat , quam magna ex iis emolumenta haustura sit anima tua ! saltēm duplicem exinde hanc utilitatem recipies , nimirum salubri in primis pudore suffundetur animus tuus , si illorum rigorem cum vita tuae mollitie conferas. Deinde è sua insuper pusillanimitate erigetur , quo fieri ut & ipse ad audendum quidpiam , Christiani , quod portas , nomine , atque illa , qua aliquando illorum in Paradiso socium te fore confidis , spe dignum assurgat. Sumus filii Sanctorum , inquietabat olim bonus Senex Tobias , atque etiam nos vitam illam sempiternam exspectamus , quam DEUS suis fidelibus præparavit : Filii Sanctorum sumus , & vitam illam exspectamus , quam DEUS daturus est his .

qui fidem suam nunquam mutant ab eo. Tob. 2.
 v. 18. Quām æquum proinde est, ut, si ad
 idem præmium alpiremus, per eandem cum
 ipsis viam ambulemus: quemadmodum ma-
 gis imbellium cervorum vulgus facere assolet,
 qui mare timentes transnatare; ubi quemdam
 robustioris corporis insilire in aquam, atque
 præte conspiciunt, absque difficultate eun-
 dem sequuntur. Istud tam splendidum San-
 ctorum exemplum reliquis Christianis ma-
 gnum addere animum deberet; sed enim iij
 explodunt illud, & heroica Sanctorum piet-
 atis facinora fuisse excessus opponunt. Ego
 verò nihil sacris in Paginis invenio, quod ve-
 stræ huic assertioni patrocinetur. Inter alios
 S. Paulus expressè dicit, pùòd corpus suum
 castigaverit, atque in servitutem redegerit, ut
 ne, cùm aliis, salutem prædicaret, ipse eâdem
 excideret: *Castigo corpus meum, & in servitu-*
tem redigo, ne forte, cùm aliis prædicaverim, ipse
reprobis efficiar. 1. Cor. 9. Nunquid igitur ma-
 gna coecitas est, persuadere sibi, nihil eorum,
 quæ Sancti aut fecerunt, aut passi sunt, ad
 consequendam salutem nobis esse necessa-
 rium? &, si Apostolo ad hoc, ut ad gloriam
 eligeretur, sufficere non videbatur vita inter
 persecutiones, inter captivitates & naufragia
 transacta, nisi alias insuper voluntarias poen-
 tentias adjungeret, quo fundamento nobis
 sufficere vitam mollem & effeminateam, at-
 que

que inter omnis generis delicias exactam existemus.

Cum lectione vitarum Sanctorum conjungi debet lectio Passionis Dominicæ: Magna profectò Christianorum inordinatio in eo est, quòd, cùm Verbum Incarnatum in se suscepit omne genus malorum, quorum capax erat DEUS, ut nobis procuraret omne genus bonorum, quorum capax erat homo, nihilominus tamen illi, tametsi hæc omnia firmissima fide profiteantur, ne tantum quidem otij inventiant, quo Divinæ Passionis historiam oculis perlustrant, cùm tamen satis supérque temporis reperiant, quo inania nova perlegant, quæ per plateas circumferuntur. Alioquin, si sacratissimæ Passionis Lectioni frequenter temporis aliquid tribuerent, quomo-
do possibile foret, ut ob vitam professioni, quâ Redemptorem suum sequi profitentur, adeò contrariam non erubescerent? *Arca DEI, & Israël, & Juda habitant in papillionibus, & Dominus meus Joab super faciem terræ manet, & ego ingrediar domum meam, ut comedam & bibam? non faciam rem hanc.* 2. Reg. 11. dicebat olim Urias, & absque dubio dicturus esset quilibet, si frequenter vitæ tenorem, & acerbissimæ Christi Domini mortis historiam suis oculis proponeret, qui tanta perpeti tormenta dignatus est, non modò ut ab æterno nos interitu vindicaret; verum etiam, sicut diximus;

mus, ut sanctissimō nos suō exemplō instrueret.

Tertium ex hoc vitæ genere, Christianæ mortificationi nimium repugnante sese extricandi remedium est, incipere seipsum in rebus parvis vincere. Quid denique magni est, aliquoties conversationis cujusdam solatiō, quadam curiositate, delicatori quodam feculō se privare? S. Franciscus Borgia adhuc dum Gandiae Dux. cùm Imperatorem Carolum Quintum ad venationum delicias comitaretur, ad jucundissimum earundem spectaculum, quando nempe falcones in eo jam erant, ut præcipiti volatu in prædam irruerent, suos oculos cludebat, & generosam hanc de se ipso victoriam in sacrificium supremo Numini immolabat. Simile sacrificium cœlo offerebat Theodosius Junior Imperator, quando assistere spectaculis coactus, eadem in suæ virtutis triumphum convertebat, suos oculos ibi dejiciendō, ubi conferta populi multitudo ob mirabilem rei exhibitæ elegantiam ad faciebant majores applausus voces elevabat. P. Vincentius Caraffa è Societate IESU, ad convivium invitatus, suos quoque Patronos, uti solebat dicere, secum invitabat, & unicuique illorum suam portionem seponebat, atque in illorum honorem præcipuam, meritorēque appositorum ferculorum partem intactam relinquebat. Hæc & similia exempla non

non in eremo tantummodo, sed spectantibus
 Imperatoriæ Aulæ Proceribūs, publicisque in
 conviviis, & ab hominibus non è trivio solūm
 atque ex infima plebe oriundis, sed delicatis,
 & generis profapiâ insignibus exhibita eò te
 pertrahant, ut à minimis incipiens ulteriores
 semper in virtute progressus facias. Expe-
 perientiâ Magistrâ disces, quòd, sicuti canes
 venatici etiamnum teneri ab initio aprioccisi
 pellem pertimescunt, postmodum verò, ubi
 adoleverint, inter sylvarum deserta etiam vi-
 vum provocant, audacibusque in eundem
 dentibus insiliunt; ita & tu, ubi primùm viam
 spiritus ingressus fueris, in demittendo ocnlo
 difficultatem sis habiturus, postquam verò
 majora virtus tua incrementa acceperit, quò
 majores vita Christiana difficultates opposue-
 rit, eò generosiore animo iis obviam sis pro-
 cessurus, ut gloriosum de iisdem triumphum
 referas. At verò sine his principiis nunquam
 solidum in virtute progressum facies: *Sapien-*
tia non invenitur in terra suaviter viventium.
Job. 38. v. 13. virtus inter delicias non reperi-
 tur; sicuti herbæ odoriferæ in solo nimium
 pingui non crescunt. Imò non modò virtu-
 tem non acquires; sed ne quidem temptationi-
 bus & peccatis resistes: *Si præfes animæ tuæ*
concupiscentias ejus, faciet te in gaudium inimicis
tuis. *Eccl. 18. v. 31.* Si illud continuò respi-
 cere, & fixissimè contemplari volueris, quod
 sen-

sensibus tuis blanditur ; si illud tanquam ope-
randi regulam assumpseris , quod carni tuæ
arridet , non multum temporis abibit , cùm
inimici tui tuo in interitu exultabunt , & ubi
corpus tuum delicate habueris , illius loco ,
quòd rationi subjectum & obsequens visurus
sis , recalcitrare , & molestiores identidem
excitare turbas senties : qui delicate nutrit ser-
vum suum , sentiet eum contumacem . Prov . 29.
v. 22. Uno verbo , quemadmodum canis
nullibi majus quam inter flores fugientium
ferarum vestigia amittendi periculum subit ;
ita anima tua nullibi præsentius , quam in me-
diis mundanarum deliciarum illecebris à fine
suo aberrandi diserimen incurrit . Crede tan-
tum firmissime , quòd , cùm in Evangelio In-
carnati Verbi Sapientia , omnibus fidelibus ad
acquirendam cœlestem gloriam necessarium
esse quotidie suis humeris crucem imponere ,
tam aperte declaravit : Dicebat ad omnes : si
quis vult post me venire , tollat crucem suam quo-
tidie omnino pro indubitate tenendum sit ,
non aliam tibi animam tuam salvandi viam su-
peresse , quam viam mortificationis , secùs
profectò , eandem nobis ostendere Amabilis-
simus Servator nullatenus omisisset , qui tan-
to cum amore se nobis præbere Ducem digna-
tus est ,

LECTIO VII.

DE IMPEDIMENTO,

*Quod affert saluti inordinatus amor
divitiarum.*

Dllas avaritiæ species distinguit S. Thomas, unam contrariam justitiæ, & est alterius auferre suum; aliam contrariam liberalitati, & est, nimis tenaciter retinere proprium. Jam, nemo ignorat primam avaritiæ speciem saluti esse oppositam: *Fures regnum DEI non possidebunt. 1. Cor. 6. v. 10.* At vero, quantum ad alteram attinet, pauci hoc sciunt, & multò minus intelligere volunt, tametsi id ipsis aperte demonstretur. Et tamen, quidnam manifestius in S. Evangelio? nihil magis in Phariseis reprehendebat Christus Dominus, quam superbiam, & avaritiam; sed quidnam ille avaritiam suis in sermonibus reprehendebat? certè non illam, quæ ad alienum injustas manus extendit, sed illam, quæ suum cum nimia tenacitate possidet, illud nimis ardenter desiderat, & nimia solicitudine conquirit. Ob id ipsum omnes fideles suis in Apostolis instructurus ad eosdem ajebat: *Vide et cavete ab omni avaritia. Luc. 12. v. 15.* Attendite diligenter, & cum singulari solicitudine vigilate, ut ab omni avaritiæ genere

ves

vos defendatis, id est, non ab illa tantum, quæ cum injustitia conjuncta est, sed illa quoque, quæ nimium tenaciter bonis propriis animum affigit: *ab omni avaritia.* Denique à quo alio vitio Dulcissimus Redemptor occasionem sumpsit admirandi, nobisque detegendi vim illam longè maximam, quam ad præcludendam nobis Paradysi januam habent bona temporalia, nisi ab immoderato affectu, quo juvenis ille cæterà tam innocens suas in possessiones ferebatur? *quād difficile, qui pecunias habent, in Regnum DEI introibunt!* Marc. 10. v. 23. quād difficile est, ut illi, qui & multas fortunas possident, & vicissim à fortunis multum possidentur, vitam sempiternam consequantur! Jam verò, etiam si hæc sola Medi ci nostri Cœlestis verba abundantissimè sufficiant, ut ex iis hujus mali gravitatem dignoscere, meritóque nobis esse suspecti possemus, an non nos quoque morbo tam periculosò laboremus, nihilominus nihil abs re facturum me puto, si hoc ipsum magis minutum explicavero.

DAMNUM,

Quod afferit saluti nostræ hoc impedimentum.

Duæ propositiones ex praxi manifestæ, ad explicandum grande hoc damnum mihi viam facient; una est, quod raro secunda

da hæc species avaritiæ absque prima inveniatur : altera est , quod adhuc rariùs secunda hæc avaritiæ species cum aliis vitiis non sit conjuncta : seu clariorib[us] terminis ; quod immoderatus bonorum temporalium amor facillimè ad committendas multas injusticias impellat , & siquidem istud non eveniet , certò facile in omnis generis sceleravos præcipitabit.

Has veritates ut intelligamus , primò justam de hujus passionis violentia , & immanni , quam in cor hominis semel possessum exercet , tyrannide ideam animō concipiamus . Docet S. Thomas , hoc vitium inter vitia merè spiritualia , & vitia merè carnalia esse medium ; adeoque hujus affectūs & diabolici , & carnaлиis malitiam participat , similisque est globo è tormento bellico excusso , qui suam ad inferendas strages vim ac fortitudinem ab igne simul , & suo pondere accipit . Deinde occasiones exercendi actus hujus vitij sunt multò frequentiores , quam sint occasiones exercendi actus aliarum passionum ; atque adeò habitum longè robustiorem efformant . Nonne videmus , quod multi sint , quemadmodum eos Propheta vocat , *involuti argento?* Soph. 1. v. 11. perpetua ipsorum occupatio est , cum pecuniis negotiari , aut vendendo , aut emendo , aut dando illas ad usuram , aut accumulando ? atque hoc ita quidem , ut , cùm

reliqui inordinati affectus deficiente ætate &
 ipsi deficiant, hic paria cum ætate incremen-
 ta suscipiat; unde contingit, ut ille, cuius
 animum fatalis isthæc tenacitas semel occupa-
 verit, similis evadat pyramidibus, quæ, quod
 altius in aëra assurgunt, eò acutiora in acumi-
 na desinunt. Accedit, quod alia vitia homi-
 ni bonum tantummodo particulare promit-
 tant, avaritia vero omne genus bonorum pol-
 liceatur; unde ingenerat amorem divitiarum
 tanquam boni cuiusdam universalis, quod
 omnia reliqua virtualiter in se contineat, vi-
 résque habeat ad eadem procuranda sufficien-
 tissimas, atque adeò primum est, ut quis in
 easdem correspondente affectu, & qui omnes
 alias cupiditates excedat, afficiatur. Deni-
 que, quod ultimum malo complementum
 adjicit, est illud, quod nimicum istud vitium
 ordinariè humano in animo occulte delite-
 scat, qui sub larva prudentiæ, quæ docet re-
 movere discrimina incurrendi paupertatem;
 sub schemate charitatis, quæ exigat, ut Fi-
 liis, Domui, atque Familiæ in futurum pro-
 videatur; sub prætextu necessitatis sui gra-
 dus conservandi se se abscondit; unde, quem-
 admodum serpentes, qui quoad colorem ter-
 ræ sunt similiores, difficilius pro serpentibus
 agnoscantur; ita hæc passio, tanto non le-
 vium in speciem rationum apparatu vestita
 difficilius pro passione habetur. Ex quibus
 omnibus

omnibus planè manifestum efficitur , amo-
rem divitiarum , acquirendi , retinendi , non
perdendi , famem plùs quàm caninam exis-
tere , atque adeò , quis facilè tam effici-
re hu-
jusmodi appetitui temperantiae fines queat
præfigere , ita , ut alicubi justitiæ limites non
transgrediantur ? ita enim æternæ Veritatis
Oraculum : *qui aurum diligit non justificabitur.*
Eccl. 3. v. 5. Et profectò , quis persuadere
sibi possit , rem facilem esse , vivere sub affe-
ctu usque adeò violenti tyrannide , suî quo-
bonis esse contentum , absque eo , quòd quis
hinc inde in justitiæ leges impingat , atque
alios impia fraude circumveniat ? absque eo ,
quòd certis quibusdam vehementer allicien-
tibûs utatur opportunitatibûs , in quibus non
valeat homo injustitiæ convinci ? quomodo
possibile sit , ut animus insatiabili divitias col-
ligendi cupidine exæstuet , & nihilominus in
suis negotiis præscriptam à justitiæ legibus
mensuram observet ? ut velit non modò co-
piosis , sed exigui quoque intra temporis de-
cursum affluere divitiis , & tamen non per
viam aliam , nisi directam , quæ naturaliter
loquendô semper est longior , incedat ? mi-
racula sunt isthæc , atque ideo raro inter ho-
mines reperiuntur : *Qui post aurum non abit ,*
fecit mirabilia in vita sua. Ecel. 31. v. 9. Nihil
magni est , rivulum exiguum suos intra termi-
nos ita continere , ne eosdem supergressus

vicina camporum jugera devastet ; at vero, quænam ars, quænam vires rapidissimo torrenti littoribus coercendo sufficient, qui ex alto rupis vertice descendens, tumido, minacique alveo per plana ducurrit ? Quifestinat ditari, non erit innocens. Prov. 28. v. 20.

Nihilominus verum esse concedamus, reperiri magnum pecuniarum amorem, quem iniquitia non comitetur ; demus, sanctum Hieronymum per auxes in dixisse : *omnis dives iniquus, aut iniqui heres* ; ita ut invenire sit quenquam, qui aut multa corradat ipse, aut multa corrasa ab aliis suis in ædibus reperiatur, quin quidnam exinde iniquitatis contraxerit : qua ratione animus, qui bonorum terrenorum aviditate abripitur, ab aliis se se vitiiis defendet ? si hoc ita facile foret, haud quam certè Apostolus cupiditatem malorum omnium radicem appellâisset : *radix omnium malorum est cupiditas*. I. Tim. 6. Sanctissimum, quo mundi Servator nobis præluxit exemplum, & gratia, quam amarissima sua morte nobis promeruit, tota ad hoc solum ordinatur, ut vivere nos doceat in humili pietate erga DEUM, in amore justitiae erga proximum, in sobrietate erga nos ipsos : Erudiens nos, ut sobrie, justè, & piè vivamus in hoc sæculo. Tit. 2. v. 12. Atque benevolâ hæc Verbi Incarnati intentio suum ut finem consequetur, bonorum temporalium contemptum tan-

tanquam fundamentum illi supposuit; & ideo
 in omnibus suis documentis primum, con-
 cionum suarum omnium prima fuit hoc: *Bea-*
ti pauperes. *Luc. 6. v. 20.* primaque commina-
 tio, quam in S. Evangelio legere est, fuit il-
 la, quam hujus mundi divitibus intentavit:
Verumtamen va vobis divitibus: nempe, ut
 nos edoceret, quod, quemadmodum divi-
 tiarum contemptus solidissimum esset Evan-
 gelicæ doctrinæ fundamentum; ita immodi-
 ca earundem cupiditas aries existeret, qui
 excelsam hanc fabricam è fundamentis erue-
 ret, suoque impetu subrutam solo penitus
 adæquaret. Quapropter ecce! id! quod
 dici cum veritate potest: immoderatus bo-
 norum terrenorum amor, maximus est Chri-
 stianæ professionis inimicus, & si fideles ab
 Apostolo filij lucis nominantur, avaritiæ sce-
 lere laborantes ad hanc ipsam oppositionem
 denotandam à Regio *Psalte tenebrofi* hujus
 terræ nuncupantur: *Repleti sunt, qui obcu-*
rati sunt terra. *Psalms. 73.* Prima Christiani
 hominis cogitatio debet esse de animæ salute,
 quemadmodum suavissimus Redemptor nos
 admonet: *Querite primum Regnum DEI,* &
justitiam ejus. *Matt. 6. v. 33.* at verò, ubi ava-
 ritia animum subit, prima cogitatio ad accu-
 mulandas fortunas convertitur: occurrentia
 per annum festa nihil pensi habentur, aut so-
 lummodo ut occasiones majoris lucri consi-

derantur, propter nundinas, & quia diebus
 festis à pauperibus facilius obtinent, ut sibi
 absque mercede laborent, ita, ut diebus istis
 solennioribus, quas S. Mater Ecclesia à suis
 fidelibus, considerandis beneficiis divinis,
 reddendis Divino Numini gratiis, frequen-
 tando sacra Mysteria consecrari desiderat istud
 hominum genus, longius quam unquam alias
 absit à bonorum operum exercitio, copiosio-
 ribus, quam unquam alias mundanis nego-
 riis occupetur. Age, de rei istius veritate
 experientiam consule, & vide, an negare eam
 possis, immo ipsam etiam fidem interrogas. Cre-
 disne, Christum Dominum unquam falsum
 dixisse? Jam vero ille ipse clarissimis terminis
 asseveravit, neminem posse uno eodemque
 tempore duobus hisce Dominis servire, &
 DEO, & amori pecuniarum: Non potestis DEO
 servire & Mamona. Matt. 6. v. 24. An autem
 affirmare jam sustinebis & te solum illud esse-
 turum existimas; quod, ut à mortalium
 quopiam fiat, impossibile esse æterna Veritas
 pronuntiavit? Et quid pluribus opus? in an-
 tiqua jam Lege, in qua tamen in præmium
 promissæ erant, tantum nihilominus Regum
 sapientissimo Salomoni timorem incusserunt
 divitiae, ut Divinam Majestatem hisce preci-
 bus supplex obtestaretur: absit, O! Domi-
 ne! superfluas mihi divitias largiatis; ne ani-
 mus meus iisdem repletus ad negandam tibi
 obe-

obedientiam inducatur, audeatque dicere: non agnosco alium dominum, nisi me ipsum: Divitias ne dederis mihi, ne forte satratus illiciar ad negandum, & dicam: quis est Dominus? Prover. 30. v. 9.

Neque minus roboris habet avaritia isthæc ad avertendum nos à nostris proximis, quam habeat ad hoc, ut à DEO nos separet. Volunt aliqui, divitias in Lingua Latina suum nomen à dividendo traxisse: *divitiæ à dividendo*; nulla enim est ex omnibus humaniani-
mi passionibus, quæ, tantarum in orbe rui-
narum causa existat, tantaque concitet dissi-
dia, atque maledicta hæc augendarum opum
cupiditas, utpote ratione cuius omnia litibūs
implentur, & non modò cum extraneis, sed
aliquando cum illis etiam, quos arctissimo
sanguinis nexu tanquam fratres natura nobis
conjunxit, acerrimè juxta & scandalosè disce-
ptatur. Atque adeò non pauci, postquam
in uno eodemque unius ejusdemque Parentis
sinu formati sunt, postquam unum idemque
lace ex eodem materno pectore suserunt, post-
quam diurno tempore in una eademque
domo conjunctis animis habitârunt, tandem,
ubi ad dividendam hæreditatem devenitur,
ipsorum quoque sèpenumero animi dividun-
tur, & in eum usque diem continuata volun-
tarum conjunctio in odium & inimicitiam
commutatur. Spiritus Christianorum totus

est spiritus benevolentiae & charitatis : exigit, ut omnibus , quantum quidem per vires nostras licet, benefaciamus ; exigit, ut omnes sincero amore diligamus sicuti nos ipos , & eo affectu prolequamur, quo Christus Dominus nos est amplexatus ; at verò spiritus avaritiae cò nos impellit, ut omnia mentis nostræ cogitata in nos solos convertamus , id unicè curantes, ut nos lucrum reportemus, quidquid sit, an alij ad extremam pauperiem devolvantur. Qui mercator est, vellet, omnia simul negotia suas manus transirent ; qui generis nobilitate eminet , optaret, pauperculi fame emorerentur, quò altiori pretio suos ipse redditus posset dividere ; atque, ut mensa sua delicioto ferculorum apparatu turgetat, ut preciosa mobilia domestici parietes , operata cubicula exhibeant, ut ipsi omni bonorum abundantia circumfluant ; in ultimis curis reponunt expungere contracta debita , satisfacere pii legatis, numerare mercedem operariis , minimè solliciti, si interea miseri super terram sua in indigentia , defunctorum manes in horrendis purgatorijs flammis patientur. Væ ! famulo illi, qui poculum difregerit ! haud quaquam se amplius capit animus , dum lingua plùs quam infernalis centum blasphemias uno halitu evomat. Quòdsi autem filij in omnem profligatae vitae licentiam se effundant, si famuli injustis praxibus utantur,

tur, dummodo Pater, aut Paterfamilias indemnis servetur, nihil mali reputatur. Si die tota de anima ne quidem unica habeatur cogitatio; si tempus ad audiendum Sacrum non supereret; si ne quidem spatium ad recitandas quasdam precatiunculas sub vesperum suppetat, nulla exinde cura mentis quietem turbat. Verum si vicinus quatuor digitorum particulam de illorum confinibus suo adjicere fundo attenteret, enimverò hoc tantum est, ut supportari non oporteat; confessim intendantur lites, & armis etiam, si opus fuerit, inimica defensio præparatur. Justò longior existeret, qui fatales avaritiæ effe&tus omnes pro merito vellet describere; omnia ferè hujus mundi peccata recensere necessarium foret, utpote quæ omnia eam tanquam suam parentem aut nutricem respiciunt! unde si ab Huseo Principe rationem quandam universalem petatis, cur peccatores in terra reperiantur: *Quare impij vivunt? sinè mora respondebit, istud ex eo provenire, quia divitiæ sunt in mundo: Sublevati sunt, conformati que divitiis: Job. 21. v. 7.* commoditates, quas divitiæ subministrant, latissimam ipsis ad quævis scelera viam aperiunt. Conclude proinde, immodicum hunc affectum maximam esse totius mundi Christiani inordinationem, quam omnia vitiorum genera aut parturiunt, aut comitantur; ita, ut si illa-

aliquando hominis animum subintret, omnis
ex eo salutem animæ procurandi cura exclu-
datur. Hoc ipissimum est, quod Spiritus
sanctus clarissimis terminis per os Sapientis
enuntiat: *Nihil iniquius, quam amare pecu-
niam; hic enim animam suam venalem habet.*
Eccles. 10. v. 10. Pecuniatum namque cupidi-
tas in homine amorem erga animam suam us-
que adeò extinguit, ut pro nihilo eandem di-
vendere dœmoni non dubitet. Alij pecca-
tores animam suam diabolo oppignorant, at-
que adeò facilius est, ut aliquando iterum il-
lius eandem è manibus vindicent; avari au-
tem eam ipsam nundinatori stygio divendunt
penitus, & sèpissime contingit, ut per totam
suam vitam nunquam amplius eandem redi-
mant. Si illorum quispiam iniquum contra-
etum ineat, quis unquam amplius de restitu-
tione cogitat? tamdiu confessarij mutuantur,
donec ex illis reperiatur quispiam, qui illo-
rum ad gustum sententiam proferat, hicque
solus tanquam verax & sincerus dilaudatur,
reliqui autem omnes tanquam scrupulosi con-
temnuntur. Quòdsi tamen negari obligatio
non potest, pollicentur quidem restituere de-
bitum, sed nunquam restituunt, totumque
restitutionis negotium hæredibus relinquunt;
aut, si ipsimet aliquando suæ obligationi fa-
ciant satis, eo ferè modo, quod debent, re-
stituunt, quo mare, quod, postquam insi-
gnis

gnis magnitudinis navim absorpsit, nihil littori, præter paucas tabulas semilaceras restituit. Hoc solo & unico, *non possum*, omnes simul & semel obligationes extinguuntur, absque eo, quod advertatur, quod, cum frequenter iustè possessa restituant pauperes, quam divites, restitutio sæpius ob avaritiam, quam impotentiam omittatur.

REMEDIUM

Ad tollendum hoc impedimentum.

Primum contra hoc vitium adeò pertinax remedium in eo consistit, ut instanter Divinæ bonitati te commendes, & profunda animi demissione tu quoque cum Rege Davide ad cœlum suspires: *Inclina cor meum DEUS in testimonia tua, & non in avaritiam.* Psalm. 118. O! Domine DEUS meus! mutare digneris affectum meum, eumque, qui ad præsens usque momentum ad pecunias, ad divitias vitiōsè propendebat, ad sanctissimæ Legis tuæ amorem inclinate. Quando hic coronatus Propheta Divinorum mandatorum observantiam avaritiæ opponit, non modò significare nobis intendit, ab avaritia non raro totius legis transgressionem suam trahere originem, sed insuper monitos nos cupit, quod, quantum nostrâ intersit illam plenè observare, tantum nostrâ intersit ardentibus

votis DEUM obtestari , ut à maligna hac cupiditate liberos nos præster . Tam tenaciter suo scopulo adhæret spongia marina , ut , nisi in partes disrumpatur , ab eodem separari non possit ; quòd si autem pauxillam olei ipsi affundatur , sua sponte se solvit & separat . Si divitiarum amor Christiani hominis animum aliquando plenè possedit , sua à possessione non nisi solius mortis immissa falce dejici amplius potest : at verò si Divinæ Clementiæ complaceat hujusmodi animo parùm aliquid efficacioris gratiæ inspergere , tum ecce ! tota repente rerum facies mutatur & illud haberi pro lucro incipitur , quod ab initio detrimentum videbatur .

Alterum remedium est divitias contemnere , ita , ut nihil unquam invidiæ admittamus erga illos , qui opibüs abundant , sed benevolo potiùs iisdem animo compatiamur ; ut nullatenus eorum felicitatem extollentes , juxta ignorantis mundi consuetudinem beatos appellemus : *Beatum dixerunt populum , cui haec sunt . Psalm . 14.* verùm ut eosdem tanquam in propinquiore amittendæ salutis discrimine versantes intueamur , cùm non immerito timeriqueat , ne exiguum illud boni , quod faciunt , temporali hac prosperitate Divina iis Liberalitas compenset , atque adeò quondam coram supremo Tribunali audire necesse habeant horrendum illud : *Recordare , quia*

quia receperisti bona in vita tua *Luc. 16.* Magnanimus isthic bonorum terrenorum contemptus fuit primum illud lac, quo ab Apostolis ab initio recens nata Ecclesia nutriebatur; unde primi fideles non modò nihil tanquam proprium possidebant, verùm etiam venditorum bonorum pretium ante Apostolorum pedes deponebant, ut hac ratione indicarent, à veris Christianis pecunias & opes generosissimam proculcari pedibus, non verò quemadmodum filij tenebrarum & cœcutientes mundi affectus solent, tanquam summum bonum adorari debere: *afferebant pretia eorum, quæ vendebant, & ponebant ante pedes Apostolorum.*

Act. 3. v. 5. Itaque totum malum, quod divitiae in te continent, non in earum possessione solum, sed in amore positum est; multi enim ex intimis DEI amicis multas opes possederunt, nemo autem illorum aut aestimavit unquam, aut amore dignas judicavit. Aliud est venenum asservare in cista; aliud, illud in corde recondere: omnes pharmacopolæ suis in officinis habent rerum venenatarum species, quas eum in finem asservant, ut diversa postmodum ex iis remedia conficiant; verum vae! illis, si vel unica immixta sanguini corundem per venas circuiret. Necessarium proinde est, ex his duobus alterutrum eligere, aut relinquere divitias ut DEO servias, quod est optimum; aut siquidem illas retine-

re volueris, easdem tam parvi æstimare, ut nunquam sive propter earum augmentum, si-
ve jacturam, et si mundum lucrari universum
valeres, ad offendendum DEUM tuum te in-
duci patiaris. Qui hōc modō dives est, il-
lum haud quaquam tangit Divina maledictio;
quemadmodum enim non omnes pauperes,
sed tantummodo pauperes spiritu beati pro-
nuntiantur; hoc est illi, qui ex amore DEI
pro nihilo æstiment bona temporalia posside-
re; ita terrifica illa Redemptoris nostri male-
dictio haudquaquam ad omnes divites in ge-
nere pertinet, sed ad illos solummodo, qui
illius loco, quōd divitias in animæ suæ emo-
lumentum usurpent, eandem divitarum man-
cipium efficiunt. *Nolite diligere mundum,*
neque ea, quæ in mundo sunt. 1. Joan. 2. v. 15.
Hoc est mandatum, quod à Domino accepi-
mus, nimirum, ut inordinatum ad bona tem-
poralia affectum exuamus, non verò, ut ni-
hil eorum possideamus. Verum est, haud-
quaquam ita facile esse, ut prima fronte vide-
tur, inter istos se se terminos continere; at-
que infastus illius juvenis, cuius supra me-
minimus, exitus jure merito non mediocri
perstringere timore deberet illos, qui multis
divitiis affluunt, etiam si sine culpa illas possi-
deant, observat ille in eam usque diem ra-
rō pietatis exemplō integrè DEI Legem, uti
ex eo colligere licet, quōd Christus Domi-

nus eum oculo amorem tam tenerum spirante respexerit: *JEsus autem intuitus eum, dilexit eum. Marc. 10.* & tamen S. Chrysostomus damnatum esse existimat, eò quòd divinæ vocationi, quæ ad omnia amore DEI relinquenda eum dirigebat, non correspondebat. Istud saltem indubitatum est, divitiarum, quas etiam sine peccato possidebat, multitudinem Salvatori nostro motivum extitisse pronuntiandi terribilem illam sententiam: *Facilius est, camelum perforamen acūs transire, quam divitem intrare in regnum DEI. ib. v. 25.*

Verùm quid factu opus erit, inquies, ut generoso contemptu bona præsentia abjiciamus, quæ mundus pene universus tantopere desiderat & aestimat? optimus, meō quidem judiciō, eò pertingendi modus est, aliud, illudque preciosius bonum animo proponere. Quandoquidem, sicuti homines, ubi semel frumentum invenerunt, facillimè glandes, quibūs tanquam cibō electō in eam usque diem se nutriverant, reliquerunt; ita pariter hominis animus, oblato bono meliore, facilī negotiō bona minora contemnit. Jam verò bona maxima & omnium preciosissima sunt bona gratiæ & gloriæ. Tota sphæra perfectionum naturæ, nimirum scientiæ, pulchritudinis, divitiarum, sanitatis, etiam si in immensum dilataretur, nihil aliud foret, quam punctum unicum, si cum minima per-

fectione gratiæ conferretur. Interroga ex
 Matheseos peritis quempiam, an superficies
 in infinitum multiplicata ad efformandum cor-
 pus sufficiat? respondebit protinus, quod
 non. Ita omnia, si pretium omne possibile,
 quod in natura humana simul atque Angelica
 sagacissimus quisque intellectus deprehende-
 rit, in infinitum multiplicetur, ne unius qui-
 dem gradus gratiæ divinæ pretium poterit
 adæquare. Gratia est donum, quo majus
 DEUS elargiri mortalibus non potest; est re-
 flexus Lucis Increatæ, quæ DEUS est, ra-
 dius; est vera hominem inter, & Divinam Ma-
 jestatem amicitia; est participatio quædam
 Divinitatis, vi cuius, quod in DEO est per es-
 sentiam, tanquam accidens nostram animam
 exornat. Quodsi autem tanta est excellentia
 gratiæ, quæ tamen bonum tantummodo est
 vitæ hujus mortalis; de excellentia gloriæ
 quid dicendum erit, quæ est bonum summum
 & infinitum vitæ immortalis? hoc solum di-
 camus, quandoquidem illa omnes nostras
 cogitationes immensum transcendit: Gloria
 Paradysi tantum bonum est, quantum est ipse
 DEUS, qui contemplandō seipsum ab æterno
 & infinitè Beatus extitit; & ubi revelata facie
 ad illius aspectum admissa fuerit anima, hanc
 ipsam pariter in æternum & infinitè beatam ef-
 ficiet. Hujusmodi sunt bona illa, quæ Chri-
 stiana fides nobis aperit, & promittit; & ni-
 hi-

hilominus bonis temporalibus toto affectu in-
 hiamus, quæ tamen vilissimam tantum bono-
 rum creatorum partem conficiunt? illorum
 in gratiam juriis & litibus contendimus, il-
 lorum causâ insana solicitudine animi juxta &
 corporis vires enervamus, ex illorum cupiditi-
 ne æternam animæ nostræ salutem in dubio
 collocamus? Imperatorum Japoniæ Primo-
 geniti ita educantur, ut crebra ipsis admoni-
 tione inculcetur, ne suis unquam pedibus
 terram contingant, si mens esset, in illius
 imperij throno tanta majestate præfulgente
 quondam residere; & Christiani, qui in DEI
 filios assumpti educantur cum spe obtinendi
 sedem perpetuam in Throno Divino, atque
 regnandi cum DEO in æternum inter omnes
 possibles felicitates in Paradyso; non modò
 affectuum suorum pedibus terram contin-
 guunt; sed oculorum tenus in eandem se se im-
 mergunt; & bonorum suorum temporalium
 cœco amore abrepti, toti in terram abeunt!
 si terram amas, terra es, ut Magnum inquit
 Africanæ Ecclesiæ Lumen S. Augustinus. Imò
 eò deveniunt, ut non una duntaxat, sed tri-
 bus omnino vicibus terra efficiantur, quemadmodum eos Hieremias Propheta appellat,
 cum dicit: *Terra, terra, terra audi sermonem Domini. c. 22. v. 29.* & hoc quidem propter insatiabilem cupiditatem, vi cujus hoc ferè solum
 curant in vita sua, ut miserabiles hujus mun-

di divitias acquirant & possideant, earumque jacturam non incurvant. Erige igitur, & de novo inflamma & fidem & spem tuam, atque ubi virtutum istarum ductu mundus aliud adeo divitiis abundans, & tanta refertus beatitudine tibi monstratus fuerit, difficile non erit, totum illud, quod vides, totumque illud, quod possidere in hac lacrymarum valle potes, instar stercoris contemnere. Inenarrabile, quod credimus; immensum est, quod speramus; non debet ergo vulgare esse, quod vivimus. (Sixtus 3. in Bibliot. P. P.) Relinquamus rerum istarum aestimationem infidelibus, quorum infelix, & densissimis errorum tenebris oppressus ad agnoscenda majora erigere se se animus non potest; nos vero Christianæ fidei lumine illustrati, discamus tandem aliquando terram, uti promeretur, pedibus proculcare: *Intra in lutum, & calca.* Nah. 3.

v. 14.

Ultimum contra avaritiam remedium est, ut, postquam divitias generoso piisque contemptu despeximus, easdem nobis in perpetuum conservare studeamus, efficiendo nimicum, ut ad augendi supremi Numinis gloriam deserviant. Hoc est illud, quod Christus Dominus expressè suo in Evangelio nos docet, in quo, ubi dixerat, ut ne terrenis opibus cor apponeremus, utpote quæ ex se ipsis defectuose sunt, multisque pereundi

di-

discriminibus subjectæ , & si non ab alio , certe ab universali illo latrone , nimis morte , auferendæ : Nolite thesaurizare vobis thesauros in terra , ubi ærugo , & tinea demolitur ; & ubi fures effodiunt , & furantur . Matt. 9. c. 19. statim subjungit , ut easdem in cœlo depone re studeamus , ubi in omnem æternitatem indemnes conservantur : modum insuper addit , quo istud dare effectui valeamus , si nempe pauperum manibus consignemus : Vendite , quæ possidetis , & date eleemosynam : facite vobis sacculos , qui non veterascunt ; thesaurum non deficientem in cœlis . Luc. 12. v. 33. Unum ex maximis beneficiis , quæ æterni Patris Filius è cœlo in terram descendens nobis contulit , fuit hoc , quòd infamem illum , quem vitium his ipsis bonis terrenis inuaserat , characterem eradicâvit , cùm secretum quoddam nobis aperuerit ita præsentes divitias usurpandi , ut ex veneno fiat remedium , & ex acerrimis salutis nostræ hostibus efficacissima evadant nostræ prædestinationis instrumenta ; quando scilicet eas expendimus in DEI cultum mediante virtute religionis , vel in subsidium pauperum mediante eleemosyna . Et loquendô de hac posteriore , quæ divitibus debet esse familiarissima , considera , rem nullam existere , quam tanto cum rigore DEUS à divitibus exigat , atque charitatem erga egenos ; & similiter nihil esse , quòd iisdem

DEUS cum majore libertate remuneretur,
 quam hanc ipsam charitatem. Et quantum
 quidem ad primum attinet, non invenietis in
 toto Evangelio, quod Christus Dominus in
 ulla alia materia significantius suam mentem
 aperuerit, velle se huic ipsi liberalitatis, at-
 que justitiae suae effectus commensurare; mi-
 sericordibus promittendo misericordiam;
 crudelibus vero severitatem intentando. *Quid
 potuit nobis majus Christus edicere? quomodo ma-
 gis potuit misericordiae nostrae opera provocare?*
inquit S. Cyprianus L. de oper. & Eleem. Non
 solum aperte se declarat Benignissimus Serva-
 tor, quod illud, quod in pauperes elargimur,
 tanquam personae suae propriæ oblatum velit
 acceptare, constituens illos tanquam Lega-
 tos repræsentantes suam Majestatem & tan-
 quam creditores omnium obligationum, qui-
 bus ei obstringimur; sed eò insuper progredi-
 tur, ut totum genus humanum propter de-
 licium istud fundamentale, crudelitatem sci-
 licet erga indigentes vocet in judicium; ita,
 cum in hoc ipso judicio nullam de blasphe-
 miis, nullam de perjuriis, nullam de homi-
 cidiis, nullam de adulteriis & furtis faciat
 mentionem, sed de eo solummodo, quod
 suis in distribuenda eleemosyna partibus de-
 fuerint, clare intelligerent, Christiani istuc
 defectum errorum esse coram oculis DEI non
 minus, quam omnia reliqua sclera execra-
 bi-

bilem. Et profectò si sententiæ contra divitiam epulonem pronuntiatæ motiva attentò animò considerares, videres vel unicam, vel saltem primariam fuisse ipsius damnationis causam, quòd seipsum omnis generis deliciis saginârit, è contrario autem in pauperculum crudelitatem exercuerit. Certè, si sancto Evangelio negare fidem non velimus, fateamur oportet, quòd multi absque numero ad æterna supplicia abeant præcipites, quia debita in egenos charitaté non utuntur; cùm ex ipsius supremi Judicis ore sciamus, quòd istud delictum in tremendo illo extremi Judicij die reproborum multitudini palmam exprobraurus sit, atque in eosdem ob hanc potius, quam ullam aliam culpam æternæ damnationis sententiam fulminaturus. Quapropter, si non omne in te extinctum est rationis lumen, si non plùs amare divitias, quàm æternam animæ tuæ salutem velis, solicite tibi quo ad hanc partem provide. Attende diligenter, ad quam summam ascendant elemosynæ tuæ ad anni initium; præcipue verò illis annis, quibus ob sterilitatem terræ majorē pauperes penuria premuntur; & vide, an illud, quod in indigos distribuis, & horum necessitati, & reddituum tuorum temporalium, quos Divina tibi Liberalitas concessit, multitudini sit proportionatum. Confilium quoque boni confessarij exquire, ut eò certior ex-

itas, te bene & perfectè hoc præceptum adimplere, cujus observatio tanti tua interest, quanti interest benignam olim coram Divino Tribunali sententiam obtainere. Imò, satage etiam, ut obligationum tuarum terminos excedas, ut fortunatissimum eleemosynariorum referri in numerum merearis, quibus genus omne bonorum est promissum.

Profectò DEUS extremo cum rigore à divitibus exigit, ut piò subsidiò pauperi subveniant; sed tanta quoque cum liberalitate se illud, quod in eorum gratiam expenderint iisdem redditum promittit, ut determinare sit planè difficile, cuinam ex utrisque, an scilicet huic liberalitati, an verò illi rigori primæ debeat. Tota sacra Scriptura hujusmodi promissis plena est, cùm identidem in ea Dominus DEUS omnipotenti Verbo suo certos esse jubeat, quòd benignos & liberales in egenos ab omni malo liberaturus, & omnibus vicissim bonis sit repleturus. Imprimis enim eosdem libertos fore à paupertate pollicetur: *Tota die miseretur, & commodat, & semen illius in benedictione erit Psalm 36.* Filij illorum, qui continuò cum rerum penuria colluctantibus misericordiâ ducti compatiuntur, eorumque indigentiam oblata stipe sublevant. copiosa benedictione à Rege cœlorum replebuntur. Præsens semper in persecutionibus, quibus fortè exagitabuntur, au-

xilium spondet. *Eleemosyna super scutum Potentis, & super lanceam adversus inimicum tuum pugnabit.* Eccl. 29. v. 16. Promittit insuper, quod eos velit liberare à morte: *Eleemosyna à morte liberat.* Tob. 4. Et, postquam mortui fuerint, liberaturum se illos in divino judicio pollicetur: *Beatus, qui intelligit super egenum & pauperem, in die mala liberabit eum Dominus.* Psalm. 40. Atque ut omnia paucis complectar, nulla est miseria sive in hac vita, sive in futura, contra quam eleemosyna non sit remedium longè potentissimum: *Conclude eleemosynam in sinu pauperis, & hæc pro te excorabit ab omni malo.* Eccl. 29. v. 15. Simili prorsus ratione eleemosynam facientibus promittit omne bonum; & primò quidem illis spondet bona temporalia, gravissimis verbis contestans, cum, qui pauperum necessitatem sublevet, nunquam eò deventurum, ut sublevari ab aliis necesse habeat, sicuti vicissim ille, qui pauperes contemnit auxilium ipsius implorantes, eò redigetur, ut ad aliorum recurrere misericordiam, illorumque adjuvari auxilio compellatur: *Qui dat pauperi, non indigebit: qui despiciet deprecantem, sustinebit penuriam.* Prov. 28. v. 27. Promittit quoque bona spiritualia gratiæ: *Quis equitur misericordiam, inveniet vitam, justitiam & gloriam.* Prov. 21. v. 21. Et quod adhuc plus est; horum ipsorum bonorum etiam perseverantiam

pollicetur, quæ est gratia omnium gratiarum maxima, beneficium maximum omnium beneficiorum: *Eleemosyna gratiam hominis quæ pupillam conservabit.* Eccl. 17. v. 10. Promittit præteritorum peccatorum veniam, & præservationem à futuris: *Eleemosyna ab omni peccato liberat.* Tob. 4. Promittit denique in fine vitam æternam in Paradylo: *Eleemosyna est, quæ facit invenire misericordiam, & vitam æternam.* Tob. 4. Cogita itaque, obsecro, an in terra reperire sit stultitiam, quæ similis existat illi, qua avari divites insaniunt, qui, cùm pauxillō pecuniaæ omne genus bonorum temporalium juxta & æternorum possent sibi comparare, eligunt potius esse crudeles in se metipso, ut ne misericordes in pauperes existant. Dicunt, assertare se suas divitias pro suis necessitatibus; sed enim, quænam major necessitas, quām ab omnibus tum hujus, tum alterius mundi malis se liberare, atque æternum in cœlo pœnum lucrari? Nobilis quidam, eò quòd S. Therese domum quandam ad fundandum Monasterium donâisset, motiens deinde post duos menses, cùm confiteri non posset, perfectam à DEO contritionem, & quidem si ipsius vita, quam eðusque vixerat, spectetur planè prodigiosam in pœnum & compensationem accepit, atque ad gloriam emigravit sempiternam. (*L. Foundationum c. 15.*) Militum aliquis, eò quòd S.

Fran-

Francisco eleemosynam dedisset, admonitus ab eodem fuit, ut sine mora conscientiae arbitrum quæreret, atque peractâ exhomologesi ad iter æternitatis se præpararet, quod post brevem temporis lapsum repentina morte sublatus esset ingressurus, uti revera etiam juxta S. Bonaventuræ testimonium evenit. Edic jam, ad quamnam necessitatem majorem his aliisque, quos afferre in medium possem, servire ipsorum divitiæ voluissent? hac profectò ratione preciosum efficiebant illud, quod antea ne quidem hilum valuerat, simûlque in thesaurum perpetuum in cœlo permutârunt illud, quo paucos intra dies eos in hac terra haud dubiè mors spoliâset. Agendum paulò altius hæc omnia mentis tuæ oculis considera, & non dubito, quin manifesta eorundem veritate convictus salubriora tandem statuas: *Mitte panem tuum super transientes aquas; quia post tempora invenies illum.*
Eccl. 11. v. 1. Non multum temporis præteribit, cùm tu quoque confiteberis, illud solummodo & fuisse, & esse tuum, quod in subsidium pauperum expendisti: *hæc habeo, quæcumque dedi, & totum illud, quod adhuc reliquum, ammissum à te esse in æternum.*

LECTIO VIII.

DE IMPEDIMENTO,

Quod affert saluti dure cum proximo agendi ratio.

Inter omnes Legislatores humanos ne quidem unicus reperitur, qui amorem proximi præceperit. Solus DEUS extitit, qui amabilissimam hanc legem diligendi omnes homines homini præscripsit, & hoc quidem tanta cum energia, ut hanc dilectionem ipsi Sacrificio prætulerit: *Diligere proximum, sicut seipsum, magis est omnibus holocaustibus & sacrificiis. Marc. 12. v. 23.* Et ratio hujus erat; quia homo corruptæ suæ naturæ pondere ad seipsum inclinatus, tantummodo seipsum diligit, parum interea solitus, an etiam alij diligentur; cum tamen DEIIS, qui pro suæ Bonitatis excessu, summo homines tanquam suas creaturas affectu prosequitur, in iis amandis non velit esse solus; sed exigat insuper, ut quilibet tanquam frater diligatur ab omnibus, atque ut totus mundus secum in eo conspiret, quod unicuique bene velit. Hæc lex amoris, lex ignis, sed cœlestis; *Ignea Lex Deut. 33. v. 2.* primis Christianis tanto erat in pretio, ut per hanc solam ab infidelibus se se distinguerent; unde omnes simul cor unum

unum esse videbantur: Cor unum. Act. 4. v. 32.
 cui minutissima quævis divisio lethalis accidit.
 Nos autem ea vivimus tempora, de quibus
 lamentari cum Propheta debemus: quomo-
 do obscuratum est hoc aurum charitatis! &
 quomodo suum splendorem mutavit commu-
 nitas fidelium! quomodo obscuratum est aurum;
mutatus est color optimus! Thren. 4. v. 1. Pro-
 ximus tanquam extraneus, non verò ut fra-
 ter respicitur; & ubi commodum proprium,
 atque naturalis propensio sua cum face non
 præcedit, omnium corda tum erga seipsa,
 tum erga alios intolerabili duritie congelata
 remanent, atque impietatis indicium mani-
 festum ostendunt, quemadmodum Spiritus
 sanctus nos admonet: *viscera impiorum crude-
 lia.* Prov. 12. v. 10. Haud quaquam proinde
 factum me abs te existimo, si vindicare vos
 ab hoc errore adeò funesto allaborem, osten-
 dendo vobis & illius damna, & remedium.

Tria præcepta posuit DEUS, & in quolibet ex histribus mandavit, ut proximum di-
 ligamus, & hujus ipsius amoris semper am-
 pliorem mensuram assignavit. Prima Lex,
 fuit lex naturæ omnium cordibus inscripta,
 & in hac pro charitatis mensura statuebatur,
 ut ita tractemus proximum, uti tractari ab
 aliis nos ipsi desideramus: *Omnia, quæcum-
 que vultis, ut faciant vobis homines, & vos fa-
 cite illis,* Matt. 7. v. 12. Secunda Lex, fuit
 scri-

scripta Lex Moysis; & in ista positum erat pro mensura charitatis, diligere proximum, sicut seipsum: *Diliges proximum tuum sicut te ipsum.* Matt. 22. v. 40. Tertia Lex est Lex gratiae à Christo Domino promulgata, & in hac lege accrevit mensura charitatis absque mensura; cùm Verbum Incarnatum illi pro regula ipsummet suum amorem præposuerit: *Man- datum novum do vobis, ut diligatis invicem si- cut & ego dilexi vos.* Joa. 13. v. 34. Quam obrem, si usque adeò cordi est DEO amor pro- ximi; si semper magis hujus amoris fines dila- tavit; & si in novo testamento ad ultimum us- que terminum, atque ad usque non plus ultra eosdem extenderit, quantò, creditis, odiò tam communem inter Christianos duritiem abominabitur? Istud profectò non est, ha- bere in se spiritum JESU Christi, qui totus suavitas est, & dulcedo, *Spiritus meus super mel dulcis:* Prov. 24. v. 27. sed est habere spiri- tum infidelium: *Spiritus Ægypti in visceribus ejus.* Isa. 29 v 3.

Atque ut magis ad singularia veniamus, erga tria potissimum, ut ego quidem existimo, hominum genera Christiani suam hanc duri- tiem apertius ostendunt; nimicum erga infe- riores; erga pauperes; erga illos, à quibus offenduntur.

Primò itaque duri sunt erga inferiores, & præcipue quidem erga famulos suos; atque ne-

necessarium est, ut divinum illud Sapientis
 monitum ipsis in mentem revocetur, ne scili-
 cer tanquam Leo furore percitus suis in ædi-
 bus commoretur: *noli esse in domo tua quasi*
Leo, evertens domesticos tuos. Eccl. 4. v. 35. Age
 jam, circa hoc punctum temetipsum examina
 paululum, tuamque, quam in tractandis fa-
 mulis tuis tenes, methodum observa. S.
 Martinus adhucdum Catechumenus servum
 suum ut fratrem humanissimè habuit. S. Ca-
 rolus Borromæus, quando suam Diœcesin
 visitabat, ut famuli sui quietius dormirent,
 ad illos sub auroram excitandos ipsus se offe-
 rebat; & si forte contingeret, ut eorum sta-
 tiones ante tempus transiret, lanceo suspen-
 sique pede ambulabat, ne facto tumultu
 quietem interturbaret. Imò etiam famuli
 Naamani Idololatræ eundem suum Patrem
 appellabant, eò quod ab eo non ut servi, sed
 ut filij haberentur: *Pater, et si rem grandem*
dixisset tibi Propheta, certè facere debueras. 4.
 Reg. 5. v. 13. Atque ideo, quam turpe, quam
 indecens jam foret, si tu, qui Christiano no-
 mine gloriaris, nobilitatis tuæ gloriam in eo
 positam esse putas, quod & verbis & factis
 operarios tuos, famulorumque tuorum gre-
 ges torqueas, in eosdemque majore, quam
 in canes, aut equos rabie desævias? Equis, si
 cursu fatigatos vides, quiescendi tempus de-
 signas; eorundem sanitati adhibitis opportu-
 nè

nè remediis, emisso è venis noxio, aut superabundante sanguine solerter invigilas; ut conquisitis herbis refrigerentur, & non nisi moderato labore onerentur, sollicitè præcaves; O! quot famuli viverent contentissimi, si parilenitate, sicum simili compassione à suis Dominis tractarentur! Centurio ille, de quo S. Evangelium meminit tanto amore servum suum ægrotantem complectebatur, ut in persona propria Redemptorem adierit & submississimis precibus, venire, & reddere illum sanitati dignaretur, rogaverit; & ait sacer Textus, quod tanti eundem, atque preciosum thesaurum æstimârit: *Erat illi pretiosus.* *Luc. 7. v. 2.* Jam verò hodierno tempore inversa est alea, & ex Dominis non pauci confessim illos suo è famulitio dimittunt, quos aliqua tentari ægritudine advertunt; & ubi antiqui Christiani ægrotos etiam extra-neos conquirebant, ut suas eosdem in ædes introducerent, iisque Christiana charitate inservirent; hodierni Christiani etiam domesticos ejiciunt. Ubi est charitas! ubi compassio! opprobria, injuriæ, dura castigatio; &, cùm Dominus DEUS in antiqua Lege dure haberi vel ipsa mancipia prohibuerit: *ne affligas eum per potentiam:* *mei enim servi sunt.* *Lev. 25.* tûne male tractare Christianum audebis, quem facile in ultimo judicij die te superiorum conspicies, & mutata scenâ, assomptis-

ptisque vestimentis propriis tu inferior, ille
verò & Princeps & Rex existet.

Major adhuc est crudelitas, quæ in pau-
res exercetur, sive compassionem suimi, sive
manus parcitatem attendamus. Et profectò,
hic est spiritus mundi proprius, nemini, præ-
terquam sibi soli compati, nihil, nisi interesse
proprium cordi habere. Ita divites illi tam
acerbè à Propheta reprehensi, ad istud tan-
tummodo curas convertebant, ut superbis
conviviis, mollibus lectis, vinis preciosis,
omnique unguentorum deliciarumque gene-
re suum corpus delicate molliterque habere-
tur; & propterea nullatenus unquam pau-
perculo compatiebantur: *Ingredientes pompa-
ticè domum Israël, qui dormitis in lectis eburneis,
& bibitis vinum in phyalis, affluentis deliciis,
& nihil patiebantur super contritione Joseph.
Amos 6. v. 6.* Quòd si videant, audiántve
alienæ paupertatis miserias, impia illa, quæ
olim fratricida Cainus effutierat, verba illo-
rum quoque ex ore sonant: *Nunquid custos
fratris mei ego sum?* Gen. 4. v. 9. Si nihil ha-
bent, nihil habeant per me licet; si rerum
penuriam patiuntur, patientur per me licet;
quis me ad ferendum ipsis auxilium obliget?
nunquid panem domesticis subtraham, ut ex-
traneos sustentem? *Tollam panes meos, quon-
dam crudissimus Nabal ajebat, tollam panes
meos, & carnes, & pecora;* & dabo viris, quos

neſcio, unde ſint? 1. Reg. 25. 11. Ita hodie dum non pauci non modò superbō superciliō; ve- rūm etiam cum indignatione miferos alpi- ciunt, ac ſi diversi generis homines exiſte- rent, aliōque forent, quām ipsi, ex limo concreti: *Sicut abominatio eſt superbō humili- tas; ſic execratio divitis pauper.* Eccl. 13. c. 24. Leo cœterā ferocissimum animal, oblatō pa- bulō ſatiatus rabiem deponit, pacatusque in- cedit; iſti verò, quantò copioſius bonis tem- poralibūs infarti ſunt, eò truculentius fe- ciunt; nempe, quò remotiores à periculo in has miferias labendi ſe ſe existimant, tantò minùs ad illis compatiendum inducunt ani- mum, quos in eadē jam recidiffe conſpi- ciunt.

Quodſi proinde tam durus eſt animus, quomodo poſſibile ſit, ut non manus quoque ſit tenacissima. Dicit Aristoteles, pinguo- res minùs eſſe fœcundos, eò quòd omnem cibum in alimentum proprium convertant; id iſum frequenter hic quoque contingit, ut di- tiores minùs eleemosynæ in pauperes diſtri- buant, quām illi, qui mediocris ſint fortunæ; quia omnia in proprium augmentum conver- tunt, ac ſi ſoli propriè hanc terram incole- rent; quemadmodum iſis Prophetæ in fa- ciem exprobrat: *Nunquid habitatis vos ſoli in medio terra?* Isa. 5. v. 4. An mundum in ve- ſtri tantummodo gratiam conditum eſſe arbi- tra-

tramini? Atque ideo , quis sufficienter jam queat comprehendere , quantum isthæc du-
ties Christianæ Professionis fundamento contrarietur? & tamen in hac sola tota tem-
porum nostrorum perversitas non termina-
tur , in quibus , qui adeò durus , immitisque
est in pauperes , à quibus nihil unquam mali
sustinuit ; quam durus erga illos existet , à
quibus qualicunque demum injuria fuerit la-
cessitus !

Si Christianam communitatem lustrare oculō volueritis , ejusmodi delicatis homini-
bus plenam deprehendetis , qui minimam
quamvis injuriam gravissimè sentiunt , conce-
ptamque iracundiam quam diutissimè conser-
vant , & ob levissimum quodvis damnum su-
perabundantem satisfactionem depositunt .
Memoriae proditum est de infantulo quodam ,
quem natum fuisse sine ossibus ajunt , & adeò
tenerum , ut butyri instar mollis existeret ;
unde continuò , ne moreretur , in cubiculo ,
ubi continuus calor , retineri debebat ; quan-
quam adhibitis etiam hisce industriis vitam ha-
beret florum , qui nascuntur sub auroram , sub
vesperum autem rursum denascuntur . Ita
prorsus se habent multi è Christianis , qui li-
cet hæredes sint & nominis , & exemplorum
Sanctorum illorum Martyrum qui crudelita-
tem tormentorum & immanem carnificum
suorum ferociam virili patientiâ fatigâunt ;

nihilominus ab illorum factis omnino degeneres, propter unicum verbulum, propter levem etiam jocum, propter unicum, qui fortè fortuitò proximi ore excidit, non nihil pungentem terminum, repente injuriosa erga offendentem erumpunt in dictoria, atque confessim vindictam meditantur. Non loquimur hic de illo hominum genere, qui præstare obedientiam mundo, & negare eandem Evangelio sibi gloriæ ducunt; sed de illis jam loquimur, qui veros se esse Christianos profidentur; atque inter hos etiam quam paucos invenire est, qui, postquam nihil se velle reddere mali offendentibus affirmarentur, non licere sibi arbitrentur, semper oblata quavis occasione pro libitu eosdem reprehendere, gaudere eorundem infortuniis, atque ad istorum aspectum semetiplos consolari dicendò, quod sui loco justam Divina Nemesis ab illis vindictam poposcerit? & verò, dummodo illa iracundiæ flamma, quæ tam subito facilèque illorum in cordibus exardescit, brevi iterum & ardere, & emittere fumum desisteret: sed enim, non raro evenire contrarium videmus; cum tempus quod eorum mederi indignatione deberet, eandem magis exasperet, iraque vertatur in odium, quod ira quædam est inveterata. Divina Clementia vestrum animum custodiat, ut ne unquam simili passione arrodatur, eò quod, sicut ille, cui unquam cro-

codillus suos dentes infixit, forte nunquam sanitatem recuperabit: *Quod dentibus laceravit, nunquam sanatur,* (Plin.) Isthaec aversio semper cum iis vivet & non morietur, ne quidem quando ipsi mortui fuerint; quia eandem filiis suis & consanguineis pro haereditate relinquunt: ita, ut etiam ipsi cum indurato corde in alterum mundum sint migraturi: *Descenderunt in profundum quasi lapis.* Exod. 15.

DAMNUM,

Quod affert saluti isthac durities.

DAMNUM istud manifestè apparebit, si irrefragabilem quandam Evangelij veritatem exponamus; quæ non est alia, quam quòd mensura nostræ misericordiæ erga proximum, futura sit mensura misericordiæ DEI erga nos ipfos. In omnibus aliis virtutibus se nobis DEUS tanquam ideam proponit, & gravissimis verbis nobis inculcat: *Estat sancti, quia ego sanctus sum.* Lev. 19. v. 2. Et Incarna- ta Sapientia magno quoque verborum ponde- re nos adhortatur Matt. 11. v. 19. *discite a me, quia mitis sum, & humilis corde.* At verò ubi de misericordia agitur, invertitur hic ordo, ut ait S. Petrus Chrysologus, nōsque ipsoS DEUS vult esse quasi prototypon, nostræque misericordiæ suam conformare; *Ordo inver- tur, ut DEUS facta nostra imitetur.* Quapro-

pter mi Christiane , pergit dicere Vir sanctus ,
 tu ipse tibi mensura positus es Divinæ in te mi-
 sericordiæ : Homo , tu tibi Misericordiæ factus
 es mensura ; & quantam desideras , ut in te
DEUS misericordiam operetur , tantâtu mo-
 dò pietate in proximos utâre , & esto securus :
Quantum quæris Misericordiæ , fac tantum ; in
 te est indulgentiæ jus ; tu tibi remissionis auctores
 constitutus Dubitas forsitan , an non per ni-
 miam hæc dicta esse auxilium credere quis pos-
 sit ? sed mentem adverte , & facile sacri Evan-
 gelij Codex omne tibi dubium eximet : **D**imit-
 zite , & dimittemini ; date , & dabitur vobis ;
 eâdem quippe mensurâ , qua mensura fueritis , reme-
 tieretur vobis . *Luc. 6. v. 38.* Quibûsnam termi-
 nis magis significantibus verba sua Divina ro-
 borare amabilissimus Redemptor potuisset ?
 quibûsnam vocibus magis expressis istam no-
 bis manifestare veritatem valuisset ? Ignoscite ,
 inquit Divinus Magister , veniam date perse-
 quentibus vos ; & vicissim ego vestra vobis de-
 bita condonabo ; extendite manus ad suble-
 vandam proximi miseriam , atque ad averten-
 dam vestram ego meas extendam , & certi esto-
 te , Divinam meam Providentiam firmissime
 statuisse in gubernandis hominibus eum in
 modum procedere , quem illi inter semetipos
 observârint . Quapropter quid facere **DEUM**
 existimatis , quando permittit , ut aliqua vos
 quispiam injuria lacerent ? summum vobis be-
 ne

neficium confert; quia suæ gratiæ clavim
vestris manibus offert, & dicit: accipe tantum
de meo, quantum dare vis de tuo, & remissio
debiti à te concessa tuo proximo, sit remissio
debitorum tibi facta à tuo Domino. Et tu in-
terea in lamenta crumpis, in iras & furores
exsurgis, & acceptæ injuriæ gravitatem exag-
geras, illius loco, quod ad tuam ignorantiam
animum reflectas, dicásque: *Quare con-
tristatus incedo, dum affligit me inimicus?* Psalm.
48. Cur mœstus ingredior propter injurias,
quibus affectus sum, aut adhucdum afficior
ab adversario meo? si bono pacatōque animo
condonavero, nunquid securus sum, quod
mea mihi peccata DĒUS sit dimissurus? Ita
planè est; & tamen illius loco, quod optatis-
simam hanc occasionem arripias, atque Di-
vinæ Misericordiæ æratium ingrediaris, pre-
ciosissimósque exinde thesauros depromas,
insanâ phrenesi, clavem, quæ ad hos tibi ja-
nuam aperiret, abjicis. Verùm ne hic qui-
dem tuæ dementiæ finis; sed insuper dum
Divinæ tibimet pietatis portam obseras alte-
ram illam districtæ justitiæ aperis, & provo-
cato exinde scelerum tuorum Judice, illorum
debitorum memoriam renovas, quæ haud
dubie, si tua insania abfuisset, perpetuò in ob-
livionis profundo jacuissent! Jam verò, an
inimicorum aliquis tibi majus inferre damnum
valeret, cùm totus internus tuam in perni-
ciem

ciem emissos tam magno te afficere malo non
 posset? Quid juvat, si tuas plagas obliges di-
 cendō, nihil te malitio adversario optare, sed
 ei tantummodo loqui non velle? bene ha-
 bet: ecce! DEUS tibi paria rependit, non
 loqui vult amplius ad cor tuum, nec tuis pre-
 cibus respondere: DEUS constituit tibi regulam
 in debitore tuo; quod facies, ipse faciet: ponde-
 rosè ait S. Augustinus, serm. 15. de Verbis Do-
 mini. Sed enim, ingratus est, reponis mi-
 hi, infamis, & haudquaquam talis, qui ve-
 niam plenam mereatur; verū & tu quoque
 à DEO ingratus diceris, indignusque, cui
 plenam debitorum remissionem largiatur. Si
 ignosco illi, si amicis eundem oculis intuear,
 perget ille inimicos nutritre spiritus, & impa-
 cta de novo injuria vulnus vulneri superad-
 det. Ita pariter dicet Dominus: si veniam
 ei concedo, si beneficia confero, mea bonita-
 te, meis beneficiis tanquam mali incentivo
 ad relapsum abutetur. Est intolerabilis, non
 possum amplius, non possum. Id ipsum
 DEUS quoque dicet, & jure quidem longè
 æquiore, atque ob rationes infinites gravio-
 res: Non poterat ultra portare Dominus. In-
 terim commendabiste DEO tuo, & ille suas
 aures occludet, ut tua suspiria non audiat:
 confiteberis, sed confessio tua ad confirma-
 da tua peccata, non verò abolenda defervet;
 absolveris à sacerdote, qui cordis tui arcana
 non

non introspicit; haudquaquam autem supremus te pariter Judex absolvet: *Qui vindicari vult, à Domino inveniet vindictam, & peccatum illius servans servabit.* Eccl. 28. v. 11. Ut quid igitur tot replicas? ut quid tot rationes? ut quid tot difficultates? vultisne DEI misericordiam? si non velitis, exaudiemini. Quodsi autem anhelô eandem animô suspireris, proximo vestro cordis penetralia panditore, matrisque instar cum illo agite, quæ filiorum suorum defectus abscondit, excusat, iisdemque animum addit, factas molestias obliviscitur, bonum pro malo rependit: *Te judicent facit DEUS in condonatione tuorum criminum;* si præter veniam datam, etium eum pro amico habebis, eodem modo DEUS erga te officietur: Ita vobis sacrosanctæ Evangelij doctrinæ subnixus S. Joannes Chrysostomus promittit.

Postquam hanc Divinæ Misericordiæ regulam applicâstis vestræ misericordiæ erga illos, qui vos offendunt, eandem jam applicate vestræ misericordiæ erga egenos, quandoquidem DEUS eandem utriusque habeat rationem: *Noli avertere faciem tuam ab ullo paupere, ut non avertatur à te facies Domini.* Tob. 4. v. 7. Spiritus sanctus est, qui hic loquitur: non præcipit, ut omni pauperi eleemosynam porrigit; fieri namque potest, ut vestra vobis fortuna non permittat, ut toties manum vestram aperiatis; sed jubet, ut eorum miseriis

benevolo affectu compatiamini, ut benigno eosdem oculo aspiciatis, ut saltem verbis promptum ad ferendas suppicias animum sp̄rantibūs, eis solatium aspergatis, & DEUS hanc vobis charitatem compensabit, sed cum fœnore ipsius immensæ libertati conveniente; cùm ibi esse avaritia non queat, ubi egestas esse non potest: *Qui miseretur pauperis, beatus erit.* Prov. 4. v. 21.

Denique hanc ipsam regulam cuilibet proximo applicate, quem si benignè habueritis, benignè vos quoque benignissimum Numen habebit. *Nolite judicare, & non judicabimini, nolite condemnare, & non condemnabimini.* Luc. 6. v. 36. apertè vobis dicit Judex vester Divinus. Sicuti ē contrario, si erga proximum vestrum rigore utemini, nihil quoque ab ipso hoc Judice, nisi rigorem exspectate; ab æterno quippe Decretorum Divinorum adamanti incisum est, illum absque misericordia judicatumiri, qui micericors in proximos non extiterit: *Judicium sine misericordia ei, qui non fecerit misericordiam.* Jas. 2. v. 13.

REMEDIUM

Ad tollendam hanc duritiem.

Primum hic remedium, sicuti alibi, est devota Oratio, qua supplices ad DEUM recurratis, ut cor vestrum emolliat, debitāmque

que erga proximos charitatem ciinstillet. Nullum est tam clarum æternæ Prædestinationis signum , quām isthæc teneritudo charitatis. Omnes prædestinati à Propheta filij olei nuncupantur : *Filij olei* , *Zach. 4. v. 14.* nempe propter illam compassionem , propter illam benevolentiam , propter illam benignitatem , quam in seipsis conservant , & suo tempore erga aliorum miseras communstant. E contrario illa cordis durities tum in verbis , tum in vultu ostensa , & mundi affeclis adeò propria , character quidam est oppidò manifestus æternæ reprobationis : *Cor durum habebit male in novissimo. Eccl. 3. c. 27.* Vos proinde , si in votis vobis est , vestram salutem in tuto reponere , instanter ad Divinam Clementiam suspirate , ut amoto corde saxeō , cor vobis carneum largiatur , illaque teneritudine vestra mitescere viscera faciat , quæ ipsius electos à reprobis distinguit : *Induite vos , sicuti electi DEI , sancti & dilecti viscera misericordiae , benignitatem , humilitatem ; supportantes invicem & donantes invicem , & donantes vobis , si quis adversus aliquem habet querelam. Colos. 3. v. 12.*

Secundum remedium est , proximi insistere pedibus , ut solemus dicere : *Intellige , quæ sunt proximitui , ex te ipso. Eccl. 31. v. 18.* Considera itaque , quod , sicut tu modò Dominus es , & illi famuli ; tu dives , & illi pauperculi ; ita vicissim fieri potuisset , ut illi divitiis abun-

darent, te interim cum paupertate luctante; ut illi hunc ipsum, quem tu modò tenes, dignitatis gradum occuparent, te interim ad abjectam famulorum conditionem depresso; & siquidem ita contigisset, qua ratione, obsecro, tractari ab aliis desiderares? an elatô superciliô, & reprehensionibûs, an dira tyrannde ac repulsa; an verò omni genere beneficentiae & charitatis? Quam igitur ob rationem non tu quoque exinde cum proximo agendi methodum arripis, quam tamen non modò Christiana fides, sed vel ipsa etiam natura te docet?

Tertium remedium erit, quod sequitur. Omnibus nobis in sacro Baptismate donum omnino insigne Divina Bonitas largitur, cùm animæ nostræ habitus trium virtutum Theologicarum infundat, fidei, spei, charitatis: vi quorum dein has ipsas virtutes Divinas valeamus exercere: verùm potior Christianorum pars hæc talenta otiosa retinet, & quandoque subtanto vitiorum cumulo sepelit, ut in medio tam grandis thesauri paupertate marcescat: *Thesaurus invisus, quæ utilitas?* Eccl. 41. v. 17. Assuesce jam tam grande hoc capitale ritè impendere, & præcipue quidem in finem illum, quem in præsentiarum intento digitô monstramus, quique non est aliis, quam bene tractare proximum; quod ut fiat, primò fidem applica. Fides te docebit in pro-

ximis tuis, & quidem in pauperibus longè vivacissimè Christum JESUM intueri. Duo hominum genera amabilissimus Redemptor reliquit, qui suam in mundo personam repræsentarent, superiores nimirum, & pauperes. De superioribus dixit: *Qui vos audit, me audit, & qui vos spernit me spernit.* *Luc. 10. v. 16.* Similimodò de pauperibus suam mentem aperuit, atque edixit, tam bonum illud, quam malum, quo egeni afficiuntur, haud quaquam in istis subsistere, sed in propriam suam personam redundare. *Quod uni ex minimis meis fecistis, mihi fecistis.* *Matth. 25. v. 40.* Jam, ut DEUM in superioribus agnoscamus, sufficit fides communis; at verò, ut DEUM in pauperibus intueamur, fides selecta requiritur, quæ è transverso illos centones penetret, quibus involuti ingrediuntur, atque sub iisdem latenter Numinis Majestatem exhibeat: *Beatus qui intelligit super egenum & pauperem.* *Psal. 40.* Hæc fides effecit, ut Robertus Franciæ Rex, quocunque sive equo, sive curru vectus proficiseretur, mille semper pauperibus stipatus, eosdem suam custodiam appellaret. Hæc fides in caula fuit, quòd Johannes Alexandriæ Patriarcha mendicos, suos Dominos nuncupârit. Hæc fides eò deduxit S. Margarittam, & S. Hedwigam, hanc Poloniæ, illam Scotiæ Reginam, ut prostratae in genua illis inservirent, pedum fordes ab.

lue-

Iuerent, & putidis eorundem vulneribus heroicum osculum infigerent. Hæc fides S. Paulinum, S. Seraphionem, S. Petrum Telenarium eò permovit, ut seipso in mancipia divenderent, quò per se totos, & modò omnī possibilī proximorum necessitatibus succurrent: & hæc fides, quia usque adeò defecit nostris temporibūs, ideo plerumque pauperes finē subsidiō, finē solatio destituuntur.

Secundò applica spem. Aut renuntiemus S. Baptismo necessum est, & fidem divinis promissionibus deægemus, aut extremam nostram dementiam fateamur oportet, quòd, cùm proximis misericordiam exhibendō adeò facilī negotiō æternam consequi salutem possemus, hoc ipsum tamen exequi negligamus, nostri potiùs, quàm aliorum inimici. Finge parumper animō, Divinam Bonitatem nitidam & cui nihil adhucdum inscriptum sit, chartam de cœlo tibi porrigere, ac dicere: scribe & nota in hoc folio, quidquid à me boni desideras, sive deinde animam illud, sive corpus concernat, & fidem meam divinam oppignerō, quòd concessurus sim certissimè quantumcunque in illa petieris, dummodo animæ tuæ saluti non aduersetur: quid boni, amabo, cœlesti huic folio inscripturus es? Ecce autem! nullósne pauperes & nudos tua in regione agnoscis? nullos famelicos, infirmos, captivos, ignorantes, ingratos

præ oculis habes ; omnes isti sunt quædam
 charta , cui inscribere debes bonum illud ,
 quod impetrare à DEO desideras , sublevandō
 indigentiam , compatiendō eorundem misē-
 riis ; illos visitandō atque instruendō , tuam
 pro ipsis fidem oppignerandō , gressus , ver-
 ba , & quidquid ex opibus superfluum est in il-
 lorū emolumēta convertendo : & tu fatali
 sopore ligatus noxias hīc moras necis , atque
 occasionem ad colligendos tibi thesauros per-
 petuos adeò opportunam transire absque
 fructu permittis ? Putásne , te quidquam da-
 mni passurum , aut redigendum ad incitas , si
 pauxillum terræ expendis , ut totum cœlum
 acquiras ? nimiūmne tibi videtur , pauculos
 nummos erogare , ut regnum tibi sempiter-
 num compares ? an non satis compensatum
 esse arbitraris panis tui frustulum possessione
 bonorum omnium , quæ vel ipse DEUS possi-
 det ? num te magni quidpiam præstare paupe-
 ri existimas ; cùm dare eidem eleemosynam
 propriè nihil sit aliud , quām dare illam tibi
 metipsi ? Audi consilium S. Petri Chrysologi
 planè divinum , qui ita dicit : *Da pauperi ter-
 ram , ut accipias cœlum ? da nummum , ut acci-
 piyas regnum ; da micam , ut accipias totum ; da
 pauperi , ut dos tibi.* Serm. 8. Agedum igitur
 ambabus , ut dicere solemus , manibus tam
 salubre consilium prehende ; omni studiō sa-
 tage , ut tantum benevolentiae atque auxiliij
 pro-

proximo tuo exhibeas, quantum tui tibi conditio statūs permittit; afflīte iis, atque eorundem operam tuō subsidio suffulci, qui proximorum tuorum promovere commoda permissiones sacras, aut alia pietatis exercitia contendunt; & si aliter non potes, saltem ē longinquo tuis orationibūs illos adjuva, quibus ferre auxilium præsentibus non potes, & si aliquando supremum ad Tribunal vocatus fueris; Divināque Justitia debitorum tuorum solutionem exposcerit, illa exhibe, quæ pauperibus distribuisti, & salvus eris: *Esto misericors, & eris tu velut filius Altissimi obediens, & miserebitur tui magis, quam Mater.* Eccl. 4. v. 11. Nisi Scriptura Divina intereat, tua perire causa non potest.

Ultimō tandem charitatem applica. Ex omnibus tuis propositis ad salvandam animam primum sit oportet, amare DEUM super omnia bona, æstimare super omnia bona Divinam ipsius amicitiam; summōque studiō sanctissimam ipsius Legem observare, ut ipsi placeas. Ex omnibus mandatis Divinis hoc est primum, vita & meritum omnium reliquorum, & si huic quispiam obedientiam non præstet, melius foret, si non esset & nunquam fuisset in hoc mundo: Maximum ac primum mandatum; *Diligos Dominum DEUM tuum.* Firma igitur tibi voluntas est DEUM amandi; atque si ita est, hoc ipso etiam

etiam fixum ratumque amare proximum; duo namque isthac præcepta separari se nunquam patiuntur; duo ramisunt, sed qui ex una eademque radice assurgunt; sunt duo rivi, sed qui ex uno eodemque fonte descendunt: duo sunt actus, sed qui procedunt ex uno eodemque habitu, ex uno eodemque motivo charitatis, quæ amat DEUM propter seipsum, & amat proximum ex amore DEI. *Hoc mandatum habemus à DEO, ut, qui diligit DEUM, diligat & fratrem suum.* 1. Joa. 4. Fidelis sponsa non suum tantummodo sponsum diligit, sed pariter illud diligit, quod ad ipsum pertinet; amat ipsius famulos, amat ipsius bona, & vel ad solum imaginis ipsius aspectum amore languescit. Ita omnino anima, si fidelis est in amando DEO suo, amat cum ipso omnia, quæ ipsius sunt, & speciali affectu teneritudine in proximum afficitur, qui eum considerat non solum tanquam opus Divinorum ipsius manuum, sed insuper etiam tanquam expressam sui Creatoris imaginem, tanquam insignem gloriosi lui Redemptoris prædam, tanquam speculum animatum, ex quo Divinæ Majestati gloria per omnia sæcula datur succrescat.

Quare, ut totum id, quod hactenus in hoc ultimo remedio diximus, ad praxin deducamus: quandocumque tibi juvandi proximum tuum occasio offertur, apprehende illam tanquam

quam thesaurum , atque in fratrem tuum in-
 tuens , ecce ! dic tibi met ipsi , ecce ! Vicarium
 Christi Domini , Locum tenentem Ipsius Ma-
 jestatis , Ejusdem Actorem , Personam , cui
 cessit DEUS omnes obligationes , quibus me
 obstrictum sibi habet Divina Justitia propter
 mea peccata ; & omnes obligationes , qui-
 bus obstringor Divinæ Misericordiæ propter
 infinita beneficia quæ aut hucusque jam præ-
 stit , aut præstanda mihi in perpetuum desi-
 gnavit . Deinde ut altius adhuc succensi ar-
 doris flamma exardescat , in mentem revoca
 magnifica DEI promissa ad illum spectantia ,
 qui fratres suos dilexerit ; siquidem bonum
 non est , nec in terra , nec in cœlo , nec in
 tempore , nec in æternitate , quod DEUS
 misericordibus non promiserit . Præ omni-
 bus autem operationes tuas in commodum
 aliorum ponendas Divini amoris exercitiō ani-
 ma ; gaude ex animo , quod DEO tuo ser-
 viendi in proximo , placendi tuo Creatori ,
 ipsius in misericordiam propensissimo genio
 opere misericordiæ obviandi , Divinūmque
 ejusdem gustum oblectandi nactus sis occa-
 sionem : hac ratione nihil parvum , nihil vile
 in actionibus tuis apparebit , cùm iisdem pre-
 cium additurus sis , immensum his tribus vir-
 tutibus , fide scilicet , spe , & charitate , quæ
 uniunt nos DEO , sanctam efficiunt animam
 nostram , atque in hac terra ad vitam illam
 lon-

longè fortunatissimam nos disponunt , quæ nunquam mortem videbit in cœlo , ubi omnes nos invicem amaturi sumus sine fine , ubi omnes erimus cor unum & anima una in omnia sœcula.

LECTIO IX. DE IMPEDIMENTO,

Quod affert saluti exiguus DEI timor.

Navis onere simul , & velô instructa sit , necessum est ; hōc quidem , ut eō promptius suo in itinere promoveatur ; illō verō , ne ventorum impetu subversa aquarum procellis hauriatur . Ita omnino se res habet cum anima nostra : spe opus habet , ut progrediatur ; spes namque initium est fortitudinis ad Christianè vivendum adeò necessariæ ; at non minus timore instructa sit oportet ; utpote qui solus tantis in discriminibus reddere securam possit : *Qui caret laqueos , securus erit Prov. 11. v. 15.* Quam igitur p̄æpostoram dicam illorum navigandi artem , qui peccatis immersi cùm sint , sola spei anchora confisi emersi-
ros se confidunt , nulla timoris Domini habita ratione ? ignorant profectò , quod Sancti omnes adeò probè intellexerunt , mali nimis-
rum hoc esse inventum dœmonis , qui venato-
rum fraudes imitatur , tutaque illis omnia

tam diu promittit, dum veluti feras subdolè circumventos in mortem inducat: immittit securitatem, ut immittat perditionem. Quid mirum igitur, tam multos naufragari quotidie, nunc quidem incurrendō culpam; paucis post autem, nisi timere Dominum didicent, pœnam sempiternam? Atque ideo, si impedimenti hujus, nimis inquam præfidentiæ mala detegamus, quò aptis in tempore remediis ei occurramus, operæ nos precium facturos existimo.

Duæ autem hic timoris species distingui possunt. Alius enim timor est, qui ex spe nascitur, dum culpa ex metu pœnæ devitatur; alius, quem charitas generat, cum culpa propter seipsum, & pœna non nisi culpæ intuitu odio habetur. Primus timor incipientium, secundus perfectorum est proprius. Mihi hic propositum non est de hoc secundo, sed de primo illo, immo de eo potius timore loqui, qui mixtus quodammodo ex utroque, magis tamen ad primum accedit, & initialis appellatur.

Hoc jam positô, qui orbis, qualis hodie est, Christiani faciem penitus nonnihil mentis suæ oculis intuetur, secumque perpendit, quām exiguum & pene nullum reperire sit timorem Domini, quī fieri poterit, ut, nisi ratione omni, aut fide sit destitutus, toto animo non cohoreat, cum tantam ubique liber-

berrimè peccandi licentiam videat, ac si DEO ad punienda crimina nec facultas, nec brachium suppeteret? nunquid iis se vivere temporibus sibi videbitur, quæ jam dudum detestatus est Hussæus Princeps? dum ita conqueritur: *Quasi nihil posset facere Omnipotens, æstimabant eum.* Job. 22. v. 17 Probrum! heu! Regi Scenico, quanto plus honoris exhibetur, quam cœli terræque Domino Immortali! & quantò minore libertate vilissimum quemvis servulum offendere sustineret quispiam, quam qua hodie DEUS Dominantium Dominus impetratur! Hoc saltem certissimum est, si vilissimus quispiam in hoc orbe homuncio offendatur, non eo eum ex capite offendi, quia bonus est; solus DEUS tam præfratâ audaciâ offenditur, quia ex infinita sua Bonitate veniam largitur; & ideo tantum eorum invenire est numerum, qui modis eundem adeò indignis tractare non subverentur, quia Optimum, & si injuriis afficitur, ad dannam veniam proptissimum sibi imaginantur. Quid curat pars major mortalium etiam Christianorum, faventemne sibi suis in negotiis DEUM habeant, an adversantem? & quæ tandem in plerisque magni timoris indicia notantur, si gravissimis DEUM injuriis ad justam iracundiam provocârint? ridetur, ut prius, pacatè, quietèque somnus capitur, ut prius, & nihil, quam antea minus genio indulgetur.

Crudeles illos Josephi ægyptiaci fratres imitantur homines hujusmodi, qui (ut Gen. 37. legere est) instigante invidia demissō in puteum ut inibi fame periret, innocentī fraterculō, in ejusdem puto confedēre, &, quasi nihil mali fecissent, jucundis se se epulis refecerunt. Astero ego, falsam isthanc securitatem, temerariam hanc jucunditatem causam si non unicam, certè esse præcipuam, ob quam tanta Christianorum multitudo inferorum flammis adjudicetur: id quod pluribus, clariūsque demonstratum eo.

DAMNUM,

Quod oritur ex tali timoris Domini defectu.

Damna, quibūs pessima hæc securitas animas afficit, ad duo præcipue capita reducuntur, qui peccator est, nisi timorem Domini didicerit, peccata non deseret. Qui justus est, absque timore sua in justitia non perseverabit. An plura dici valeant, & quæ fortius ad hujus vitij detestationem te permovereant, quam si dicatur, illud æternæ tuæ salutis & principio, & progressui, & complemēto è diametro opponi?

Igitur incauta hæc securitas salutis principio adversatur; quippe, qui peccator est, si nè isthoc timore peccator esse non desinet: Spiritu S. aperiè pronuntiante: *Qui sinè timo-*

re

re est, non poterit justificari. Eccl. 1. v. 28. id,
 quod & ratio manifesta confirmat; agite enim,
 quo ex fonte hunc scaturire timoris defectum
 existimatis? si S. Thomæ credimus (2. 2. Q.
 126. a. 1.) ex superbia simul, & stultitia na-
 scitur. Prima enim male securos, nihilque
 sibi metuentes usque adeò excœcat, ut infer-
 num hand quaquam pro se esse paratum existi-
 ment; estimant semetipso in corde suo tan-
 quam rem nescio, cuius tandem precij, at-
 que adeò persuadere sibi nullatenus possunt,
 DEUM ad personæ suæ dignitatem nihil at-
 tendere, &, tametsi intentata severitate in
 alios utatur, in se quoque admissos excessus
 æquali rigore vindicare: quisque felicissimum
 illum se fore autumat, cui soli ex profigata
 acie superstitione recurrere domum, & nunciare
 stragem licebit: *Tanquam qui evaserit in die*
belli. Eccl. 40. Et etiam si jam quasi penitus
 in stygij illius Leonis faucibus hæreant, quie-
 tè inibi, & absque ullo timoris motu moran-
 tur, quasi certi existerent, inde se absque ul-
 lo damno evaluros: *Quomodo si eruat Pastor de*
ore Leonis duo crura, aut extrellum auriculæ.
Amos 3. v. 12. Jam verò, quænam dispositio
 reperiri queat gratiæ divinæ magis contraria,
 sine qua tamen impossibile est salutis nostræ
 opus inchoare? Qui præsumit, inquit Tertul-
 lianus, superbiter: *præsumptio inverecundia por-*
tio est. (*de cultu fœm.*) Et hi montes superbè

capita attollentes, fœcundandos se credant à cœlesti liquore illius gratiæ, quæ non nisi humiles se se demittentium valles irrigare consuevit? non sunt, mihi credite, non sunt isti, quos benevolô DEUS oculô respicit; audite enim, *Ad quem respiciam, nisi ad pauperculum, & trementem sermones meos?* *Iſ. 66. v. 2.*

Sed dementia quoque impedit, quod minus ad conversionem dispositi sint hujusmodi peccatores adeò temerarij. Stupidi sunt illorum populorum instar, de quibus ait Aristoteles (*3. Eth. 7.*) quod propter suam stultitiam nihil, ne quidem cadentia de coelo fulmina pertimescant: *propter stultitiam nihil timent.* Ita isti imperterritô animô omnibus Divinæ Justitiæ fulminibus temere obviam procedunt; Divina illa, quæ abyssus sunt inscrutabilis, iudicia non metuunt; ad terrificâ, quæ in dies Divinam Justitiam exposcere à peccatoribus conspicunt, supplicia immoti penitus, ac si innocentissimi forent, subsistunt; atque hæc omnia ob defectum sensûs & considerationis: *Sunt impij, ait Dominus per os Regis sapientissimi, sunt impij, quia ita securi sunt, quasi justorum facta habeant, sed & hoc vanissimum esse iudicio.* *Eccl. 18. v. 14.* Qua igitur ratione à via sua mala converti ad Dominum poterunt insensati hujusmodi, cùm Divina Clementia ad convertendos peccatores alio communiter mediô uti non soleat, quam ut salubri hor-

tote illorum corda concutiat , propinquæ
 mortis horam terribilem , rigorem Divini
 Judicij , pœnarum infernalium æternitatem ,
 aliásque hujusmodi veritates ob oculos po-
 nendō , quæ solæ hactenus induratos antea
 pœnitentium omnium animos ad saniora con-
 filia , ad salutis temitam reduxerunt ? *Timore*
vocamur , ait S. Bernardus , *amore justificamur* .
 Vidistīne aliquando , quid fieri soleat , si Prin-
 ceps alius solenni cum pompa quoddam
 templum ingreditur ? Priusquam ille ex Aula
 sua moveat , præcurrat , qui illo ipso in tem-
 plo preciosum subsellium præparet ; atque
 hoc indicium est , ex quo brevi venturum
 Principem omnes concludunt ; secūs si acci-
 dat , si prius ejusmodi famulus templum non
 subeat , nemo quisquam è populo invenitur ,
 qui venturum Principem sibi persuadeat . *Ec-*
ce ! hoc ipsum in casu nostro contingit , timor
præcedit amorem justitiae , ut Dominum ser-
vus : Timor præcedit , sequitur justificatio : ver-
ba sunt Doctoris Mellifui . Pro indubitato
 proinde habeto , haud quaquam prius cordi
 peccatoris solem oriturum justitiae , quam ti-
 moris aurora præcesserit . Ita S. Augustinus
 in iis observat , qui suo tempore abjurata ido-
 latria ad fidem Christianam transferunt , ra-
 rissime , imò nunquam contigisse , ut alio mo-
 tivo , quam DEI timore moverentur : Rarissi-
 me accidit , imò vero nunquam , ut quisquam

veniat volens fieri Christianus, qui non sit aliquo
DEI timore perculsus. (tr. 9. in Epist. Joan.) ut
 adeò jure meritissimo timor & gratia duo ge-
 melli queant appellari: *Timor Domini cum fi-
 delibus in vulva concreatus est.* Prov. 28. Quod si
 tamen credere præsumpleris, incipere abs-
 que timore te posse æternæ tuæ salutis opus;
 quo tandem fundamentō persuadere tibi po-
 teris, te perseverantem futurum, atque illud
 ipsum salutis opus timore destitutum ad per-
 fectionem deducturum? plurimum certè &
 fides repugnat & ratio. Quod si enim timor
 Domini fundamentum est totius spiritualis
 ædificij: *Initium Sapientiæ timor Domini.* Eccl.
 1. v. 16. manifestum profectò est, sine illo ex-
 celsæ hujus fabricæ non solùm prima poni
 fundamenta, sed promoveri quoque, & ne-
 cessaria ad perseverantiam solidari firmitudine
 non posse. Atque inde est, quòd, postquam
 sapiens timorem initium sapientiæ vocavit,
 eundem paulò pòst coronam appellebat: *Coro-
 na sapientiæ timor Domini.* Eccl. 22. timor quip-
 pe ad oīnnia utilis est, dat principium virtuti-
 bus, iisdem perseverantiam & perfectionem
 contribuit. Unde merito dixit Doctor Mel-
 lificus: *In veritate didici nihil aquè efficax ad
 gratiam promerendam, retinendam, recuperan-
 dam, quam si in omni tempore inveniaris coram
 DEO, non altum sapere, sed timere.* (Serm. 54.
 in Cant.) Manifesta hìc insuper est ratio; si-
 qui-

quidem qui timet, periculis se subtrahit: *Qui timet, cavit, ne iterum peccet.* (Aug. tr. 9. in Epist. Joa.) Et è contrario, qui vacuum hoc timore animum circumfert, in medio discriminum ambulat, & in omne genus peccatorum prolabendi periculo se exponit: *Qui præsumit, minus veretur, minus præcavet, plus periclitatur.* (Tertul. de cultu fœm. c. v.) Videntis hoc clare in quadam civitate, quando terræ motu quassatur, & quando terra prius commota rursum quiescit. Quamdiu horrendum inter mugitum fluctuans terra mœnibus juxta & hominibus interitum comminatur, nihil nisi orantium gemitus, nihil nisi supplicium vota, nihil nisi pœnitentium singultus & suspiria audiuntur; damnantur visitationes, cessant convivia & lusus, vitatur suspecta conversatio, otiosa ambulatio in studium pietatis mutatur: quamprimum vero horrifica terræ fluctuatio subsidet, quamprimum terroris plena periculi facies evanescit ex oculis, mutato repente animo, abjectis pietatis officiis ad priores perversæ naturæ delicias denuo reditur. Simili prorsus ratione res se habet in anima, dum sancto quopiam amittendæ suæ salutis metu percellitur, abstracta subito à mundanis deliciis, tota in eo est, ut ad bonorum operum exercitia incumbat, & toto affectu ad DEUM confugiat, juxta exemplum S. illius Regis, qui pro sui timoris mensura

toto corde le D^EO commendavit : Josaphat autem timore perterritus, totum se contulit ad rogandum Dominum. 2. Paral. 20. Mirandum igitur non est, tanto inimicum internalem studiō allaborare, ut salutarem hunc timorem ex peccatorum cordibus expellat: quod & feliciter nimirū ei successit, cūm primam nostram Parentem primō in Paradyso tentaret: protinus enim, ut suprà dictum est, timorem pœnæ ipsi à suo Creatore intentatæ ex animo sustulit: *nequaquam moriemini*: verum non est: D^EUS summè bonus est: ob rem tantillam haud quaquam vos damnabit; atque ita subtractō fundamentō facilē eam negotiō prostravit. Hæc igitur præcipua ars est, qua ille adhibita Christianos ad lapsum inclinat, ab ipsis cordibus timorem elevat, eadēmque ad nimiam præfidentiam accedit: *nequaquam moriemini*. Quis unquam Paradyſi gloriam ingrediatur, si Christiani eō non pertingant? plenus misericordiarum est D^EUS; si ad peccata hominum vellet respicere, jam diu mundus non amplius existeret: aut omnes salvabuntur, aut nullus. Et has, similēsque ineptias, quas insani peccatores tanquam subtilissimæ scientiæ arcana suspiciunt, iisdem persuadet alastor Stygius, ut credant, salutem consequi opus esse nullius laboris, nullius solitudinis, ut pote quæ suo tempore ipsa sit ultrò obventura.

ra. At vero, quod malum nimium quantum adaugeret, istud est, quod, quantum hostis infernalis sanctum in illis timorem imminuit, tanto majora timori mundano augmenta adjiciat, illi, inquam, timori, qui solum bonorum carnalium, & mundanarum voluptatum jacturam tanquam suum objecum respicit; atque adeo ejusmodi hominum quispiam multo plus metuit, ne suæ, quæ in judicio ventilatur, causæ, quam ne animæ suæ jacturam patiatur; plus timet, si Nobilis est, ne punctum honoris, quam ne Paradyfi gloriam amittat; plus timet, si juvenis est, obtutum illius, quam sibi delegit, minus benevolum, quam tremendas DEI Omnipotentis minas peccatoribus intentatas pavescat, quod ipsissimum olim in Paradyso Protoparentem nostrum fecisse in competto est, qui patrato crimine factus DEI inimicus & totius humani generis parricida, non ob aliud timebat magis, quam quod se nudum videret.

REMEDIUM

Ad tollendum istud impedimentum.

Primum remedium est illud universale contra mala nostra omnia, nimirum humili, constantique animo mediante oratione ad DEI Bonitatem confugere, atque ad S. Da-

Davidis exemplum salutarem hunc timorem
 instantissimis votis flagitare: *Confige timore tuo
 carnes meas, à mandatis enim tuis timui.* Psal.
 118. Geminis in verbis hisce pulcherrimis
 contentas veritates nota, quas cœca pecca-
 torum insania tam parūm considerat. Pri-
 ma est, quòd piissimus David, quòd facilius
 DEUM in sua vota inflectat, tanquam moti-
 vum suum timorem adducat: *à mandatis tuis
 timui;* nempe, ut intelligent omnes, timo-
 rem Domini rem non esse nullius momenti,
 nullius considerationis; multò minùs passio-
 nem existere (ut ita dicam) muliebrem, vi-
 rōque indignam; sed potiùs donum Divinissi-
 mi illius Spiritus, quod mille benedictioni-
 būs animam replet, eāmque ad gratiæ Divi-
 næ, cœlestiūmque inspirationum influxus
 aptiorem efficit. Decet proinde, ut quis-
 que meliore, quo fieri potest, modo ad tam
 grande donum recipiendum se præparet, ita,
 ut ipse timor, timoris à DEO augmentum
 promereatur. Altera veritas est, quòd oport-
 eat nullo unquam hujus timoris gradu nos
 esse contentos, sed conari continuò, ut no-
 va identidem incrementa accipiat, atque in
 dies purior perfecciórque evadat: *Confige ti-
 more tuo carnes meas, à mandatis tuis timui.*
 Non igitur tantummodo ad incipientes perti-
 net, timere Dominum, cùm ipsimet etiam
 Sancti, quòd clariorem rerum æternarum co-
 gni-

gnitionem acquirunt, eò majore circa felicem rerum suarum successum solicitudine angantur: *Homo sapiens in omnibus metuit.* Eccl. 8. v. 27. Homo sapiens nihil non timet, neque unquam in tuto versari se credit, donec in Paradysi limine pedem posuerit. Atque hæc ipsa etiam est ratio, ob quam Amabilissimus Redemptor noster suos instruens discipulos, iteratò ipsis Justitiae Divinæ timorem inculcavit: *Timete eum, qui, postquam occiderit; habet potestatem mittere in gehennam: ita dico vobis, hunc timete.* Luc. 12. v. 5. ac si nunquam ea, qua par est, ratione timeri valeret.

Secundum remedium h̄ic quoque est, ut in omnibus aliis, id agere præprimis ut mali radix innotescat. Fatalis isthæc peccatorum temeritas duplici plerumque ex ignorantia oritur, qua sit, ut insani isti, quidnam revera sit DEI misericordia, quidve justitia, ignorant. Primam ignorantiam jam olim acriter Apostolus ipsis exprobavit, ubi dixit: *Ignoras, quoniam Benignitas DEI ad pœnitentiam te adducit?* ad Rom. 24. Alteram Ipsemet Servator Noster in ultimo suo sermone post cœnam clarioribūs adhuc terminis expressit, dicens: *Pater juste, mundus te non cognovit.* Joan. 17 v. 25. Utramque jam istam ignorantiam h̄ic accuratiūs exenteremus oportet, quò taciliūs necessarium ad utriusque correctionem remedium inveniamus.

Prl,

Prima igitur peccatorum ignorantia versatur circa DEI misericordiam, circa quam in primis non sciunt, quidnam propriè sit misericordia Divina; deinde & numerum effectuum ipsius, & denique finem propter quem operari consuevit, ignorant.

Illi, quorum lingua semper DEI misericordiam prædicat, quippe ex illius consideratione amplam sibi eandem liberiùs offendendi fingunt licentiam, planè, quid rei sit Divina misericordia, ignorant. Quippe ita eandem mente concipiunt, ut ad quamvis scelerum enormitatem penitus immobilis appareat; atque adeo, sicuti parùm moveri credunt, si infernalis monstri peccati scilicet malitia impetratur; ita parùm quoque illam urgere existimant, ut statuta eidem pœna infligatur. Hi sunt præposteri malevolorum hominum conceptus longius à DEI cogitationibus, quam cœlum à terra distantes. Profectò tametsi DEUS in omnibus suis perfectionibus sit summe admirabilis, in nulla tamen ex omnibus magis videtur admirandus, quam in sua patientia. Propter hanc videtur quasi semet ipsum obstupecere, cum dicit: *Ego Dominus, & non mutor: & vos non estis consumpti.* Mach. 3. v. 6. An possibile sit, ut Dominus existam Majestatis, & debitissimis suppliciis necdum vestra scelera castigârim? Alios ornare beneficium, sublevare misericordum calamitates,

Ma-

Magnatum gloria est , & excelsæ illorum conditionis effectus reputatur ; at verò pacatō animō illius sufferre insolentiam , qui eorumdem voluntati nefariè reluctatur , virtus esse videtur , quæ cum sublimi adeò dignitatis fastigio componi vix possit . Miratur etiamnum hodie mundus universus , dum cogitat , Philippum Secundum Hispaniæ Regem , postquam medium noctis partem iusomnis exegisset , prolixissimis ad Summum Pontificem propria manu exarandis litteris occupatus , ipsisque his litteris Secretarius ex incuria scriptorij pulveris loco atramentum infudisset , ne minimō quidem commoti animi indicō ostensō aliud nihil dixisse , quām ut novum folium portigeret , quod ad scribendas de novo litteras deserviret . Judica jam , quanto adhuc majore admiratione dignum hoc factum existeret , si hoc ipsum ex instituto , & datâ operâ , si frequentiùs , & quidem probè gnatus , exinde Majestatem Regiam summi pere offendit iri , famulus fecisset , & tamen omnes istæ circumstantiæ , tametsi in infinitum augerentur , ne quidem umbra forent illius injuriæ , quæ supremæ Majestati per peccatum irrogatur ; & stupendæ illius patientiæ , qua hoc ipsum peccatum à DEO toleratur . Omnia sanè attributa Divina ad vindicandam illatam injuriam videntur insurgere , ut adeò necessarium omnino sit , ut misericordia ne-

tandem cedere cogatur, quasi omnibus juxta Prophetæ testimonium viribus obnittatur: Corroboravit misericordiam suam. Psal. 112. atque non modò mirabilis patientiæ, sed excellæ etiam fortitudinis præbeat exemplum: patientiæ quidem erga nos, qui impio ausu in Ipsius Majestatis Thronum involamus; fortitudinis verò erga seipsum, qua nostros excessus absque ultione supportat: Dominus patiens, & magnus fortitudine. Nah. 13. Patiens profectò, & ultrà, quām credi potest fortis, cùm offensam vel unicam absque vindicta patrati permittit; quantam igitur illam futuram esse patientiam atque fortitudinem credamus, qua peccata ferè innumera, à vilissimis ingratissimisque terræ vermiculis in ipsius conspectu impudentiâ intolerabili toties repetita sine vindicta supportat, & eo quidem ipso tempore, quo vel unico nutu insolentem peccantium audaciam atrocissimis quibuslibet pœnis posset reprimere. Judicare proinde te velim, an altius etiamnum peccantium ignorantia queat ascendere, qui pro nihilo reputant veniam suis sceleribus imperitam; pro nihilo miserationem, qua profunda eosdem è miseriariom abyssō creptos in felicitatis statum DEI Clementia reposuit.

Crescit deinde hæc ignorantia ex eo, quia, quot denique vicibus DEUS ipsis sit veniam con-

concessurus, ignorant. Evidem infinita est
 Bonitas illa, qua DEUS ad impertiendam
 veniam movetur, hanc tamen non nisi finitis
 concedere vicibus decrevit: *Omnia in mensu-
 ra, & numero, & pondere disposuisti. Sap. 11.
 v. 21.* Supremus ille cœli terræque Domi-
 nus, qui viæ ventorum ponit mensuram, im-
 mensumque pelagus suis terminis circumscri-
 bit, pravis quoque concupiscentiæ nostræ
 motibus, nostræ peccandi licentiæ suos ter-
 minos figit; nam ad nos quoque illud perti-
 net: *hucusque venies, non procedes amplius, &
 hic confringes tumentes fluctus tuos. Job. 38.* In-
 dubitatum hoc est, ait S. Augustinus, & sa-
 tis manifestò S. Scripturæ testimonio compro-
 batum: *Certum esse peccatorum modum atque
 mensuram DEI ipsius testimonio comprobatur.*
 (1. de vita Chr.) Cogita itaque, an vel mi-
 cam adhuc habeant sanæ rationis illi Christia-
 ni, qui novis in dies peccata peccatis accu-
 mulant unicè huic spei innitentes, quod DEI
 misericordia sit absque termino. Evidem
 verissimum est; Misericordia Domini finem
 non habet; finem tamen habent ejusdem mi-
 serationes; & cui tandem revelatum de cœ-
 lo, quantum adhucdum supersit, dum illa-
 rum numerus compleatur? quo impleto ille
 ipse DEUS, qui tanta hucusque patientia tuam
 impudentiam sustinuit, tolerare amplius non
 volet, ut alias ipsem testatur: *Super tribus*

sceleribus Damasci & super quatuor non conver-
 tam eum. Amos. 1. v. 3. Interea vesani pecca-
 tores absque ulla solicitudine pergunt in fru-
 sta discindere preciosissimam innocentiae sto-
 lam, rametsi JESU Christi sanguine lotam,
 spe freti certissima, protinus se aliam, quan-
 docunque libuerit, novamque habituros.
 Novis identidem novisque maculis suam ani-
 mam conspurcant, eò quod ope sacramen-
 torum nullo easdem se posse eluere negotio
 confidant. In assurgentes tumultuantis pe-
 lagi procellas lætabundi infilivunt, quia offe-
 rendam sibi tabulam credunt, qua apprehen-
 sa, queant incolumes secura ad littora enata-
 re. Verum enim verò, si suæ interea mali-
 tiæ mensura impleatur, quid ipsis futurum
 tum putas? Vide, ut tacitè, lentèque ho-
 rologium procedat, atque pacatè, dum ho-
 ræ elapsæ terminum attingat, suas rotas cir-
 cumagat. Ast ubi ultimum labentis horæ
 punctum designat, tota repente machina
 præcipiti in motu est, omnesque rotæ pen-
 dente retinaculo celerrimo impetu volvuntur.
 Ita suo tempore facturus est Dominus: Ta-
 cui, inquit per Isaiam, semper filui, patiens
 fui, ut parturiens loquar. Is. 42. v. 14. Id
 ipsum de gratiis quoque Divinis ad tuam con-
 versionem adeò necessariis teneto. Verissi-
 mum omnino est, quod illæ suo in fonte, DEI
 nimicorum bonitate, & JESU Christi meritis
 abs-

absque termino sint, ac infinitæ; sed ubi in rivos se se diffundunt, finitæ sunt, pondus habent, & numerum. *Omnia in numero, pondere, & mensura dispositi.* Quemadmodum avaritia, ita quoque prodigalitas cadere in DEUM non potest. Atque adeò dona illa sua adeò preciosa, quæ largiri nobis intendit, exactissimè numerat; & quia cœcus non est, sed ipsa Sapientia infinita, illa ipsa munera accuratè ponderat; & quia denique inconsideratus non est, sed summè attentus in omnibus, eadem quoque non nisi mensurata distribuit; atque istorum omnium tandem ignorantia cœcos peccatores in omnia scelera, & ipsam quoque damnationem æternam præcipitat.

Demum ultima circa DEI misericordiam ignorantia, circa ipsius finem versatur, ex quo ad dandam nobis veniam, & destruendum peccatum movetur: *Ignoras, quia Benignitas DEI ad pœnitentiam te adducit.* Peccatum unicus est, & supremus DEI inimicus; neque aliam rem ullam Bonitas DEI odio persequitur, nisi peccatum; & quidem peccatum præcipue, tum etiam cum, qui illius reum se fecit. Fixum propterea, ratumque habet suprema illa Majestas, aut peccatum delere in peccatore, aut peccatorem in peccato; unde in omnem, quo sanctissimum hoc suum Decretum exequatur, occasionem

solerter invigilat. Quippe, si ad destruendum peccatum in peccatore de cœlo descendit tanquam Redemptor; ad destruendos in peccato peccatores postmodum descenderet ut Iudex; & sicuti summè admirandum se exhibuit in conferendis nobis beneficiis; ita quoque in nobis castigandis se stupendum demonstrabit. Finis itaque, propter quem te DEUS exspectat, nequaquam est iste, ut peccati unius terminus sit initium alterius, verum ut continuatam hucusque perfidiam, tanto majore posthac fidelitate compenses. Ita tertia vice, an se amaret, Petrum interrogavit: Petre amas me? quia tertia ab illo vice paulò ante fuerat negatus, ut hac ratione tam ipsi Petro, quam aliis peccatoribus omnibus fieret manifestum, hoc suâ se patientiâ, sua longanimitate intendisse, ut admissum peccatum dignofetvore, eoque altiore charitate compensarent. Quare, cum bonus sit DEUS, ut eum timere addiscas, desiderat; DEUS enim bonus non foret, nisi odiô malos infestaretur; Bonus cum sit, intelligere te cupit, tanto graviorem tuam culpam extitisse, cum pro favoribus, non nisi peccata perfidus reddidisti; Bonus cum sit istud præcipue cures, desiderat, ut sua in Bonitate, suo in odio ipsum imiteris, quo iniquitatum genus omne abominatur; unde ex hoc quoque capite cum timeas oportet, quia supportat, quia

veniam concedit. Atque hic felicissimus ille fructus est, quem exinde Sancti in cœlo hauriunt; unde, ut S. Joannes audivit, plenō chorō conclamat: *Quis non timebit te Domine, quia solus pius es?* Apoc. 15. v. 4. Quis profundissima submissione tuam Majestatem non reveatur, O! Domine, quis sceleratō te impetere opprobriō non formidabit, quia tam bonus! Hic fructus est, quem Sancti in hoc quoque mundo inde recipiunt: *Quia Dominus patiens est, ajebat Judith.* in hoc ipso pœnitamus. Judith. 8. Quod tantā patientiā in prælens usque momentum nos sustinuerit, motivo nobis sit, quo fortiter ad eum tenerimē amandum, & multò adhuc magis ad timendum impellamur, ne novis excessibūs ipsius longanimitatem exacerbemus, eumque mutatā in furorem patientiā dudum properita incutere supplicia cogamus; tradere siquidem veniam impertinentem, plus est quam tradere.

Primæ huic peccatorum ignorantiae circa DEI misericordiam, altera illa circa ejusdem justitiam respondet. Nesciunt, quid sit Divina Justitia; hujus effectus ignorant; finem, quem suis sibi in operationibus præfixit, non intelligunt.

Itaque, quid rei sit Divina Justitia, mundus ignorat: *Pater juste, mundus te non cognovit;* Unde peccatores in tremenda illa judicij

hora ab immensa hujus Justitiæ multitudine
 hucusque tamdiu absconditæ superfusi , sum-
 mo horrore concutientur ; Revelabitur quasi
 aqua judicium , & Justitia , quasi torrens fortis .
Amos. 5. v. 14. Nunc equidem justitia ut
 odium creaturæ concipitur , atque adeò com-
 poni vix posse cum Bonitate Divina putatur .
 Omnia reliqua DEI attributa ut amabilia ap-
 prehenduntur , & amaturi DEUM peccatores
 videntur , qui se meritis afficere suppliciis aut
 non posset , aut si etiam posset , non vellet .
 Istæ sunt tenebræ , in quibus sepulti jacent
 peccatores miseri , & maximum pietatis est
 opus , eosdem in lucem educere . Divinus
 ille Rigor , odium non est creaturarum ; sed
 amor est boni , & omnis honestatis ; ferè si-
 cut in musico ille impetus , quo cordam disso-
 nam , postquam aliquoties frustra remisit , at-
 que intendit , in partes disrumpit , amor est
 harmoniæ , cui iracundiæ motus videtur . Re-
 pugnat infinitæ DEI sanctitati , non summō
 odiō , persequi iniquitatem , repugnat ipsius
 Sapientiæ summam peccati inordinationem
 permittere , quin intentato suppicio ad ordi-
 nem creaturam exorbitantem reducat ; atque
 ideo , cùm peccator minis contemptis , insu-
 perhabitis beneficiis in culpa perseveret , ap-
 properat , ut dictum est , Dominus destru-
 turus in peccato peccatorem , quandoqui-
 dem in seipso peccator nolit destrui peccatum .

Sum-

Summo igitur æquè, ac reliquæ perfectiones,
 amore dignissima est DEI Justitia, quæ si ipsi
 Lucifero, quanquam extremo eandem suis
 in cruciatibus odiō execretur, videnda ut in
 se est exhiberetur, majori repente in eandem,
 quam semetipsum amore ardenteret. gravissi-
 másque etiam, quas ab ea sibi paratas perpe-
 titur, pœnas promptissimè approbaret. Ve-
 rum proinde est, eandem Justitiam non equi-
 dem nobis, sed tamen DEO esse utilissimam,
 quippe quæ suam ei gloriam procurat, abla-
 tum à peccatoribus honorem restituit, rés-
 que Creatoris rebūs creaturarum omnibūs in-
 finitis gradibūs magis æstimabiles potentissi-
 mè defendit. Quin imò & hoc certissimum,
 eandem nobis quoque prodeesse plurimūm, si
 non per viam scelerum abeuntibus, saltem
 studia pietatis sectantibūs; ita enim Laetan-
 tius: Bonorum salutem custodit, qui malos pu-
 nit. L. de ira DEI c. 17. Væ, peccatoribus!
 si nunquam DEI ostensio suæ justitiæ rigore
 illos percelleret! qua enim ratione alias suos
 errores agnoscerent, ut emendarent? Pefti-
 lente flagellato, stultus sapientior erit. Prov. 12.
 v. 25. Quænam igitur insanía est, fingere
 DEUM ex parte duntaxat bonum existere;
 bonum scilicet, solùm bene faciendō, non
 verò bonum mala puniendō? genus istud bo-
 nitatis in Rege apicularum vix tolerandum vi-
 detur, quem solum absque aculeo affirmant;

Supremum autem Regum omnium Regem,
Potentissimum exercituum Dominum inter-
mem incedere, aut juvenum quorundam in
morem gladium ornamenti solummodo gra-
tiâ ex latere suspensum gestare, quantum de-
deceret, nemo est, qui non dispiciat,

Porro ex eo etiam capite peccatorum igno-
rancia augetur, quia, licet Divinæ severita-
tis effectus agnoscant, iisdem tamen poenas
spirituales, quæ tamen sunt illius effectus
præcipui non accenserent. Si DEUS quandam
civitatem pestifera lue inficit, communis
omnium gemitus insonat: *DEUS nos castigat;*
quod si autem justo suô judicio permittat, ut
integra Provincia infami illa Luxuriæ peste
corripiatur, ne unum quidem reperies, qui
morbum hunc animæ, illo, qui corpus pro-
sternit, infinites pestilentiore aliter appre-
hendat, quam ut malum levis momenti, ut
passionem juvenilem, quam ut excessum ad
vitam præsentem vivendam tantum non ne-
cessarium. Et tamen, cum peccatum actuale
maximum ex omnibus, quod nobis accide-
re potest, malum existat, quodnam denique
gravius ex cogitari supplicium queat, quam si
Divina justitia permittat, ut hoc ipsum pec-
catum in dies singulos regni sui confinia latius
extendat? Interim DEUS ad iracundiam pro-
vocatus, justo judicio gratiarum suarum in-
fluxum retrahit, ab animo tot sceleribus con-

spur-

spurcato longissimè discedit, unde remanet
 in spississimis tenebris veluti terra ob solis ab-
 sentiam densissima nocte obtenebrata, con-
 stricta glacie, ob hyemis fævitium infœcun-
 da; assurgunt novo cum robore pravi habi-
 tus, intepescit fidei ardor; & tamen ex tam
 grandi isthac ruina, quia sensu externo non
 percipitur, ne minimus quidem formidinis
 motus sentitur; Nolite (exclamare hic con-
 venit cum S. Augustino) nolite habere oculos
 paganorum: Christianos oculos habete in Psal 56.
 Attollite paulisper oculos, aut, ut melius
 loquar, eruite è frontibus oculos gentium in-
 fidelium, quæ omnia sensibus metiuntur;
 atque illorum loco Christiano homine dignos
 substituite, qui omnia fide metitur: & mox
 luce vobis clariùs patescet, universum terra-
 rum orbem, ut divinâ plenus est misericor-
 diâ; ita Divinâ quoque Justitiâ plenum exi-
 stere. Imò videbitis, hujus ipsius Justitiæ
 effectus, si maiores non sint effectibus mis-
 ERICORDIÆ, esse saltem magis universales, ut
 pote qui ad plures se homines extendant. Pecc-
 atorum permisso, uti diximus, & anima-
 rum condemnatio primarij sunt Divinæ ira-
 cundiæ effectus; è contrario autem liberatio
 à peccato, & perpetua animarum salus præ-
 cipui Misericordiæ Divinæ effectus existunt.
 Jam verò, quam longè major peccatorum,
 quam justorum est numerus? quantum repro-

borum numerus , numerum electorum ex-
 cedit ? Quis proinde non videt , opera justi-
 tiae multò se extendere latius , quā illa , quæ
 à Misericordia procedunt ? Evidem extra
 omne dubium est , hoc totum peccantium
 culpā accidere , nec in ullum se unquam DEI
 iracundiam effundere , in quem non priùs pro
 infinita sua illa Bonitate mille beneficia confe-
 rendō infuderit Misericordia ; sed & illud
 quoque certissimum , æternum reproborum
 interitum , corūmque præcedentibus pecca-
 tis correspondens supplicium , cum subse-
 quentium permissione conjunctum , tanti
 ponderis mala existere , ut bonis omnibus ,
 quæ priùs à Misericordia receperunt , in infe-
 licium istorum animabus ut plurimūm præva-
 leant . Quī igitur fieri poterit , ut tales tan-
 tūmque DEUM , qui vel omnino nihil agen-
 dō , vel suos tantummodo favores tam malè
 de se meritis negandō , vel gratiæ suæ solūm
 auxilia subtrahendō infinites plus mali nobis
 potest inferre , quām si penitus ad nihilum
 nos redigeret , quī , inquam , fieri poterit ,
 ut tales tantūmque DEUM non timeamus ?
*Me ergo non timebitis , ait Dominus , & à facie
 mea non dolebitis ? Hier . 5. v. 22.* Quomodo
 possibile sit , ut homo , qui pauxillum est pul-
 veris , quem propriæ suæ lacrymæ coagulant ,
 timore non minuatur , ubi considerat , tam
 strictam sibi DEO Judici reddendam esse ra-
 tio-

tionem de innumerabilibus injuriis, quibus infinitam affecit ipsius Majestatem, qui & Sanctitatis est immensæ, ut ab illis abhorreat, & Potentiae immensæ, ut illa justis suppliciis prosequatur.

Denique motiva nescit peccator, finemque non intelligit, quem sibi DEUS præfigit Justitiae rigorem adhibendō; compensare nimis illata ab impiis, cùm concessa sibi libertate tam male utuntur, gloriæ suæ damna intendit. Quando in peccatum consentit homo, voluntatem propriam præfert, Divinam postponit; erga se ipsum ita se gerit, ac si ipse DEUS existeret, se solum suæ voluntatis centrum constituendo: è contrario DEUM ita tractat, ac si ille creatura existeret, volendo, ut quasi deserviat perversis suis desideriis. Quæ confusio magis horribilis! quæ perversitas monstrosa magis! Quapropter nisi peccator ipse hanc confusionem opportunè componat pœnitendō, superveniens DEI justitia illam componet puniendō: Reformabit peccati dedecūs dedecore vindictæ, ait S. Augustinus. Quid rei, amabò, infernum esse putatis? si in ordine ad damnatos consideretur, est Terra miseria & tenebrarum, ubi umbram mortis, & nullus ordo, sed sempiternus horror inhabitat. Job. 10. v. 12. Ast si in ordine ad DEUM spectetur, Theatrum est magnificum pro istius gloria excitatum; & quot-

quot in eo cujus sconque demum statūs, conditionis sexūsque infelices mortales continentur, tot suō, quo puniuntur, suppliciō immensam extollunt Divini Numinis Sanctitatem, prædicant Bonitatem, Sapientiam dilaudant, eidēmque suum honorem, quem prūs peccātō nefariē abstulerant, gloriofissima restitutione refundunt. Peregrinum vobis videtur, quod perpetualis vos DEUS ignibus adjudicet; & quid ita? Mirumne vobis apparet, quod majorem DEUS sui, quam vestri honoris rationem habeat? plus sua præcepta, quam vestra delicta attendat? & postquam vos apertis oculis malō omnium malorum longē pessimō vosmetipſos affecisti pecatum perpetrandō, ille, quod male ac præpostere factum est, corrigendum, & reducendum in ordinem suscipiat promeritas pœnas immittendō? Haud quaquam hoc mirum Angelis accidit, nec sanctis Paradyſi incolis, qui non tenebras ignorantiae, quae vos circumstant, sed plenissimam lucem inhabitant. Magna illi cum voluptate isthac de cœlo spectacula intuentur, & mirificè honore oblectantur resultante ex iis in supremam Majestatem, quam iunctis laudibus extollunt uno ore sine fine cantantes: *Alleluja: salus, & gloria, & virtus DEO nostro est, qui judicavit de meretrice magna, & iterum dixerunt: Alleluja.* Apoc. 19.

His igitur æternæ Veritatis cognitionibus
 tuum animum imple: Justam Divinæ Majes-
 tatis Ideam concipe. Nunc (dicebat Vic-
 quidam Sanctitate eximius, morti vicinus. &
 sancto Divinorum judiciorum horrore quaissa-
 tus) nunc, DEUM sub rudi imagine pro-
 modulo nostro nobis imaginatur, sed pauca
 post momenta, O! quam diversum intuebi-
 mur. Nunc igitur dignâ pœnitentiâ præteri-
 ta delicta expia, & mala, quæ patrâsti, to-
 tidem operibûs bonis compensa; quippe si
 debitum apud DEUM contraxisti, expun-
 gendum illud est, aut in hoc mundo verâ pœ-
 nitentiâ, aut in altero paulò post in flamma;
 medium non datur. *Manum Omnipotentis*
nec vivus, nec defunctus effugiam. 2. Mach. 6.
 Verum est, timor solus esse non debet, sed
 eundem cum spe conjugamus oportet; hæc
 enim est voluntas Domini, qui ait per Pro-
 phetam Regium: *Beneplacitum esse Domino su-*
per timentes eum, & in his, qui sperant super
Misericordia ejus. Psalm. 147. Sed facite, quod
 Sanctus ille facturum se dixerat, nimirum,
 quod si dœmon in scalæ summitate consiste-
 ret, se ad ima descensurum, quodsi autem
 ad gradum infimum dœmon desilitet, se ad
 supremum esse evolaturum. Nempe dicere
 volebat, quodsi alastor stygius se ad nimiam
 elevare præsidentiam niteretur, timoris DEI,
 hujusque Judiciorum clavo, veteratoris se se

conatus repulsorum. Quòd si autem è contrario in desperationis profundum conaretur agere præcipitem , spei , Divinæque misericordiæ præsidiō se muniturum. Inter principia conversionis etiam est , in partem timoris inclinare ; quia , quemadmodum febres , quæ cum frigore incipiunt , intermittunt , finiunturque citius , quàm illæ , quæ initio sunt calidæ , ita prorsus seres habet cum febribus , quæ è pravis passionibus enatæ animam infestant : nisi timori locum concedant , medium quo illas corrigas , non reperies. Quòd si justam hujus timoris nōsse mensuram tibi est animus ; accipe : tantum time , quantum ad cavenda peccata , ad exhibendam DEO in templis reverentiam , ad te eidem sæpius commendandum , ad concipiendum erga sanctissimam Virginem , ad quam crebrò devotè invocatam , ut infantulus pavidus ad matrem solet , magna fiducia confugias , tenerum affectum requiritur & sufficit. Ejusmodi insuper libros spirituales frequenter perlege , qui Divini illius rigoris exempla ob oculos ponunt , ut facit Carthusianus de novissimis , P. Nierenbergius in sua trutina temporis & æternitatis , ac hujusmodi : atque pro indubitato habeto , signum certum esse tuæ salutis , si crebris ejusmodi cogitationibüs cor tuum occupaveris : id quod ipsa Veritas æterna suò calculo confirmat ; *Cogitationes Justorum iudicia.*

cia. Prov. 12. Et vicissim magnum æternæ tuæ reprobationis indicium, pœnâmq[ue] magna reputa, si timorem amiseris: magna est pœna peccati, timorem perdidisse judicij. Aug. serm. 30. de temp. Secùs profectò fiducia illa, quam spem appellas, manifesta temeritas est; quia cum timore non conjuncta id promittit, quod nunquam pollicitus est DEUS, videlicet, ob tua delicta nihil te supplicij passurum. Veræ spei, & Christianæ fiduciæ hoc proprium, ut, quemadmodum balsamum corpora à putredine, ita illa animam à peccato præservert: *Qui habet hanc spem, sanctificat se.*
1. Joan. 3.

LECTIO ÚLTIMA, DE BONO,

Quod facere debet Christianus, postquam salutis impedimenta removit.

Mandavit DEUS Jeremiæ Prophetæ, ut destructō in populis, eradicatōque malō, in iis ipsis bonum plantaret; *Constitui te super gentes, ut evellas, & destruas, & disperdas, & dissipes, & adifices, & plantes.* *Jerem. 1. v. 10.* Simile quid divina tibi Majestas imperat, quod in te ipso exequaris; atque ideo, postquam memorata in præcedentibus Lectionibus, quæ præcipue nostræ saluti se

opponunt, impedimenta sustulimus, æquum est, ut ad illud bonum convertamur, quod facere nos oportet, ut vitam æternam consequamur. Mihi illorum sententia præplacet, qui totam Christiani hominis vitam ad tria capita reducunt, tribus hisce verbis expressa: *sustine, abstine, age*: explicemus sensum cuiusvis particulæ.

Sustine. Absit, ut credatis, Christiani hominis virtutem mollem esse, atque effeminateam, totamque nostram pacem denique in eo positam esse, si non habeamus, quocum depugnemus. Multò adhuc absit longius, ut tibi persuadeas, quod, cum in propositis hucusque Lectionibus positas ab hostibus tuis saluti tuæ insidias detexisti, hoc ipso, omnes hi tui inimici aut penitus confecti jam sint, aut saltem arma simul, & te etiamnum expugnandi spem amiserint. Aliud longè Divini Spiritus monitum nobis inculcat: *Fili accedens ad servitutem DEI, sta in justitia, & timore, & præpara animam tuam ad temptationem.* Eccl. 2. v. 1. Tantum arma præpara, atque ad subeunda prælia te accinge, dimicaturus cum hostibus tuis, qui majore, quam unquam aliás in te furore exæstuant, eò quod ipsorum jam effugere manus decrevisti; Regem nimis Pharaonem imitantur, qui quamprimum Israëlitas sua è servitute elapsos esse rescivit: *Tulit, quid quid in Ægypto curruum*

ruum fuit, & Duces totius exercitūs, & persecutus est filios Israël. Exod. 14. Adeoque utilissimum erit, si primò tuos inimicos atque eorum arma dignoscas, & deinde eos debellandi methodum addiscas.

Primus tuus inimicus, ut nōsti, est mundus, & illius præcipua arma sunt ista duo: mala exempla, quibus præit, omnes ad amorem bonorum præsentium, & ad futurorum contemptum collimantes. Secundus inimicus est propria tua caro, quæ est inimicus domesticus, atque adeò magis metuendus, quia interiùs te oppugnat; & ipsius arma sunt voluptatum fallaciæ, ac horror difficultatum, quæ in virtutum exercitio occurunt. Ultimus inimicus est diabolus, qui se cum omnibus aliis conjungit, suāmque fortitudinem ab illorum robore mutuat; ipsius arma sunt violentia & insidiæ; unde frequentissimè aut draco, aut serpens nuncupatur; Draco propter fortitudinem, serpens propter astutiam, qua animæ nostræ salutem oppugnat. Verùm magis ad singularia delcendamus. Violentia & fortitudo dœmonis, non consistit in eo, quòd vim inferat voluntati, utpote quæ semper libera est, nec à toto simul inferno cogi potest; sed in eo posita est, quòd phantasiam turpibūs imaginibūs accendat, & horrendis infidelitatis, atque blasphemiae tentationibūs perturbet, in quibus, cùm iij, qui experien-

tiam non habent, sensum inter & consensum distinguere non possint, perditos se, atque à DEO reprobatos existimant. Verùm non permisum est dœmoni à DEO adeò frequenter isthoc armorum genere nos impugnare, tantæque fortitudinis draconem induere: illud, quod ei frequentius est concessum, est, serpentem insidiis imitari, uno ex septem his modis, qui sequuntur.

Primus modus est, cessare per aliquod tempus ab omni temptatione, ut homo se penitus securum existimet, sempérque magis sui ipsius solitudinem seponat; siquidem nimia securitas, ut alibi diximus, parens est negligentiæ. Venator quandoque nihil strepitū exigit, sed tacitus quietusque subsistit, donec fera, cui insidiatur, confideat; hoc ubi factum est, tunc primū eandem exoneratō sclopō prosternit. Id ipsum non raro facit tentator stygius: tacitus exspectat, absque eo, quod ulla unquam suggestione mala te perturbet, donec illi amicitiæ, aliique illi periculo hæreas implicitus, quamprimum autem tuum te oppignerâsse affectum advertit, tunc primum fatalem suam sagittam intorquet.

Secundus est, majore impetu, & majore frequentiâ tentare illum, qui mutandō vitam ipsius se unguibus expedivit, quātū tunc fecerat, cùm adhucdum per priorem depravatæ vitæ licentiam incederet. Neque mirandum hoc

hoc est: illius civitatis munimenta machinis
non quatiuntur, quæ ultro claves hostium
manibus offert, sed illius tantummodo, quæ
magnanima fortitudine se defendit: *Eos dæ-
mon pulsare negligit*, ait S. Gregorius, *quos
quieto jure possidere se sentit.* L. 14. Moral. c. 12.

Tertius est, à paucis initium ducere, ut
viam sibi pandat ad obtainendum multum, imò
etiam totum, si dolus succedat. Diabolus,
dicebat S. Franciscus, quandoque unicum
solummodo capillum depositit: verùm, vñ
tibi! si vel hunc etiam concesseris; ex eo
námque densissimum tunem nectet, quo in
durissimam abstrahet captivitatem. A Davi-
de ab initio unicum tantummodo aspectum
poscebat, & quidem ita è longinquo, & per
accidens solum non ex instituto in Uriæ uxo-
rem defigendum: poterátne minus quidpiam
ab homine Sancto, secundùm cor DEI effor-
mato, tam altis à cœlo beneficiis ditato, tam
mirabili Divinorum secretorum notitiâ prædi-
to exigere? & tamen istud exiguum deservit
tentatori stygio, armamentarij integrj, ma-
chinarūmque loco, quibus Sanctum, quo
forsitan mundus tunc temporis majorem non
habuit, fatali iðtu prosterneret.

Quartus est, persuadere, ut in temptationi-
bus à conscientiæ arbitrio consilium non peta-
tur, eidēmque hæ ipsæ tentationes non ape-
triantur. Ita facit, inquit S. Ignatius, homo

perversus, qui puellam quandam incautam quærit seducere: ante omnia alia huic inculcat, ut ne suis domesticis de sermonibus, aliisque, quæ inter se transigantur, vel verbum faciat. Quam ipsam quoque ob rationem potestas dæmonum, potestas tenebrarum appellatur, quia, quam primum in lucem protrahitur, omnem suam vim amittit.

Quintus est, persuadere, ut jam consensisse vos in peccatum credatis, tametsi sit falsissimum; ut animum despondeatis, abjectisque armis, obluctari atque resistere desistatis. Si firmum habeas pravis cogitationibus nunquam consentiendi propositum; si saepius fixo in DEUM animo contra importunas inferni tentationes protesteris; si saepius Divino praesidio tuam animam commendes; si arbitraris, te plena voluntate, & apertis oculis nunquam tale peccatum commissurum, malete animo esto; quia signa hæc sunt sati manifesta non amissæ, sed relatæ victoriæ. Abbas Isidorus dixerat aliquando: quadraginta circumvoluti sunt anni, ex quo cum certo quodam vitio continuâ pugnâ luctatus sum, semper tamen mea ex parte victoria stetit. Verum non ita facile est, nosse temptationum sensum à consensu discernere; unde deceptor stygius isthoc insidiarum genere ab incipientibus magnum lucrum reportat, nisi diligenter sibi ipsis attendant, & expertorum consiliis acquiescant.

Sex-

Sextus est , persuadere tibi , si aliquando cecideris , cessaturam esse tentationem , & finiendum prælium . Mendacium manifestum ! quanquam non paucos seducat ; certissimum namque est , crescere in nobis habitum bonum , si impiis suggestionibus resistamus ; contrà verò augeri inclinationem perversam , novumque identidem effrœni passioni robur superaddi , si iisdem consensum præstemus ; atque ideo patefacere aditum uni peccato non est aliud , quam multis portam aperire : Peccatum peccavit Jerusalem , inquit Propheta ; propterea instabilis facta est Tren . 8 . quasi diceret : quia semel peccato succubuit , usque adeò ipsius vires infractæ sunt , ut iterum iterumque laberetur . Postquam Leo semel sanguinem gustavit , semper magis eundem cicurandi difficultas succrescit .

Septimus est , persuadere , pugnam ad ultimum usque vitæ tuæ halitum duraturam , imò fermè in momenta fore difficultiorem . Et tamen prorsus oppositum contingit . DEUS aperte pollicetur , ducturum se animam per semitas virtutum , in quibus superatis primis difficultatibus , nihil amplius angustiarum , nihil offendiculorum sit inventura : Ducam te per semitas æquitatis , quas , cum ingressus fuoris , non arctabuntur gressus tui ; & currens non habebis offendiculum . Prov . 4 . Quando domare equum incipis , haud dubiè rideres illum ,

qui diceret tibi , ipsum hunc equum semper fore ferociorem , tuisque ductibus minus obsequenter , eò quod in comperto habeas , eundem , ubi primi furoris impetus deferuerit , adeò ad tuum arbitrium flexilem futurum , atque mansuetum , ut cum gaudio mansurus sit capistrum , ultrò obsequiosos pedes ad scholæ suæ regulas sublatus , atque ad eum regendum vel sola virgulæ umbra sit sufficiens . Ita se res habet cum corpore nostro , quod edomatur tandem , atque sub obedientiam redigitur , postquam primas furias , quies in prima vitæ mutatione obluctabatur , submisit . Peccatores è contrario , semper majores in vita sua difficultates experiuntur , atque ipsorum semitæ semper fiunt magis laboriosæ , quia crescentibus eorum peccatis crescunt quoque timores futurorum , & præsentium remorsus ; unde quò longius in iniquitate progrediuntur , eò magis fatigantur : *Lassitudinem in via iniquitatis . Sap. 5.*

Ecce ! habes jam ob oculos inimicos tuos , & omnia ipsorum arma magis formidanda : an ad eorum fortè conspectum cohorrescis ? non ita homines sancti fecerunt , qui potius superabundabant gaudio , propter insignia emolumenta , quæ in iis pro anima sua conspiciebant ; unde S. Jacobus : *Omne gaudium existimare , fratres mei , cum in tentationes varias incederitis , c. 1. v. 2.* Emolumenta ista ad duo

reduci capita possunt, nempe ; quòd tentationes & ad exuendum veterem hominem , & induendum novum nos juvent plurimū. In primis tentationes parvos animi motus fortissimè reprimunt. Si feræ in Africa invenirent, quod comederent, biberentve pro suo libitu, domari nullo unquam tempore valerent : et verò sitibundum palatum , & eluriens stomachus adeò illarum ferociam comprimit, ut à venatoribus fatigatæ ad obedientiam compellantur. Væ ! nobis ! si indomitis animi nostri passionibus omnia pro ipsarum votis concederentur : quis unquam illis edemandis, & maximè quis demandæ superbiæ sufficeret ? Facile utique credere potes, quòd si tentationem præcelitæ sanctitatis Viro, qualis fuit gentium Apostolus , adeò fuerat necessaria , ut ob suam virtutem , & propter suas revelationes tumidō superbiæ ventō non inflaretur, quanto magis necessaria futura sit nobis, qui sumus arundines , ad quas agitandas quilibet superbiæ flatus sufficit. Per tentationes Divina Bonitas nos ad se revocat, si ab illa perfidi recesserimus : ea ratione, qua tumultuantis pelagi tempestas fugitivum Jonam ad obedientiam reduxit: *Imple facies eorum ignominiam , & querent nomen tuum, Domine. Psal. 82.* Et pariter, si aliquando rediimus , efficit, ut nunquam amplius inde recedamus : *Bonum mihi, quia humiliasti me, ut discam justificatio-*

nestuas. *Psal. 118.* Per hoc, quod terror in-
 cutiatur infantibus, efficitur, ut fortius ma-
 trum suarum sinu se adstringant, indeque di-
 scedere magis pertimescant. Simili propositus
 modò tentationes homini novo fortitudinem
 conferunt. Quantò durius Ægyptij populum
 Hebræum affligebant, tantò magis ille cresce-
 bat, tantò amplius illius se se multicudo ex-
 plicabat, id ipsum tibi quoque eveniet; si tuas
 tentationes superare noveris, crescere te fa-
 cient in virtute. Crescit tua fides, si inferna-
 lis deceptor suis illam mendacis exagitaverit.
 Crescit tua castitas, si impuris phantasmatis
 fuerit impugnata. Crescit tua charitas, si
 variæ amaritudines tuum animum excrucia-
 rint: atque adeò tandem dæmones, qui ten-
 tationibus suis te oppugnant, tanquam apes
 te circumdabunt: circumdederunt me sicut
 apes. *Psal. 117.* Quia, sicuti apes, dum suò
 te aculeo lèdunt, levi, modicūmque dolo-
 rem ferente istu te lacinant sibi verò ipsis
 mortiferam plagam infligunt. Videsis ita-
 que, absque temptationibus te nunquam virtu-
 tem obtenturum, aut saltem hanc nunquam
 ad gradum quemdam excelsum ascensurum.
 Væ auro! si ignis non foret: *Quid times*
ignem, si aurum es? inquit S. Augustinus,
Tract. 5. de diversis; & ideo, illius loco, quod
 superfluo timore torpescamus, id unicè jam
 agamus oportet, ut ex iis fructum referendi

methodum arripiamus, gloriolam in hac pugna victoriam reportandō.

Ut in aliis præliis victoria obtineatur, ars simul & fortitudo requiritur: at verò, si à magnis Heroibus dimicetur, utraque simul conjungitur: & in præliis spiritualibus cum securitate vincitur.

Jam, quod in nostro casu ad fortitudinem attinet, ea, ut nōsti non in brachio, sed in animo & corde residet. In primis firmissimum animō propositum concipe nunquam credendi inimicis tuis in perpetuum: *non credas, inquit Dominus, inimico tuo in aeternum. Eccl. 12. v. 10.* Si caro tua promissis voluptatum illecebris te alliciat; propositis insuperabilibus difficultatum montibus terrere te contendat, profundè animō tuo infixam hanc veritatem teneas necessum est, quod illi montes sint vanæ nebulæ, inanis sit & brevis voluptatum dulcedo, fordida, & vix brutis animantibus digna. *Non credas inimico tuo in aeternum.* Si mundus suis maximis, nihil aliud præter bona præsentia spectantibus, aut alicrum tibi similium, diversam à tua vivendi rationem sequentium exemplō avertere te à via recta laboret, firmissima indubiaque fide credas opus est, hæc mundi axiomata leges esse inimici supremi Numinis, præcepta cuiusquam insani, in omnibus Incarnatæ Sapientiæ oppositas; Leges cuiusdam sacro anathema-

te percussi, & à sanctissimis JESU Christi orationibus exclusi; eumque, qui ad illorum normam vitam suam instituit, certissime suam insaniam in omnem æternitatem deploratum. Et quantum ad exempla pertinet, si Electorum exiguis, ingens est contrario reproborum est numerus; per se manifestum est, quod cum paucis, & non cum multis vivere debeamus, siquidem accenserit electis, non verò reprobis velimus. Non credas inimico tuo in aeternum. Multò minus fidem adhibere dæmoni debes, qui est hostis quidam implacabilis, inimicus æternus, qui tantum tibi vult mali, quantum ejusdem vult ipsi DEO. Et ideo, quæcunque demum & qualicunque importunitate tibi suggererit, par semper constantiâ illius molimina irride, immotoque semper animo iis magnanima repulsa obsiste. Quid mali unquam ab ipso metuas, si mali quidquam inferre potest nemini, nisi volenti? Non vincit, ait S. Bernardus, nisi volentem. Petierat aliquando ab Atheniensibus Philippus Macedoniæ Rex, ut suo exercitu per suas regiones transitum concederent; illi verò responsionis loco quoddam folium remisere, à capite ad calcem usque oppletum tribus hisce solis, sed cubitalibus litteris: NON. Simile quoddam Non tu quoque omnibus temptationibus reponas opor-

oportet, & quanticunque discriminis prœlium extiterit, tua ex parte victoria stabit.

Quamquam hæc fortitudo non hoc solùm requirat, ut ad malum pellicientibus inimicis generosum istud *non* opponas, sed insuper etiam hoc exigat, ut multos actus contrarios elicias. Si caro tua prohibitæ voluptatis illecebras tibi proponat, promptissima voluntate protestare, quòd si hoc momento omnibus Salomonis gaudendi deliciis tibi copia fieret, te libertissimè illas omnes Christo Domino pro te cruci affixo in sacrificium esse libatum. Contra mundum protestare, tametsi omnes reliqui homines ipsius leges amplexuri, suámque illis vitam conformaturi essent, nunquam te aliis, quam DEI tui præceptis obedientiam præstiturum. Si diabolus te in fide tentaverit, protestare, paratum te esse, fidem tuam ipso etiam sanguine subscribere, quemadmodum S. Petrus Martyr fecerat, qui lethali vulnere percussus sanguine ex eo prorumpente, priusquam sanctam suam animam efflaret, terræ hoc verbum inscripsit: *Credo.* Si te in diffidentiam ac pusillanimitatem tentet impellere, protestare cum S. Jobo, te, etiamsi DEUS cum dextera gladio obarmata obvius tibi procederet, quasi cor tuum transfixurus, firmissimè nihilominus in eo speratum: *Etiam si occiderit me, in ipso sperabo.* Job. 13. c. 15. atque simili ratione reliquis omnibus dia-

diaboli temptationibus obfiste. Hoc est dæmonem illo ipso , quem nostram in perniciem retenderat, laqueo implicare : *In laqueo isto , quem absconderunt , comprehensus est pes eorum.* Psal. 9. Hoc est tanquam Arcam Noëticam æstuantibūs aquarium fluctibūs attolli , non submergi ; hoc est ex glacie in Chrystallum converti : *E glacie Chrystallus evasi.*

Cum fortitudine deinde conjungenda est ars ; quæ primò in eo consistit, quòd statim principiis resistamus. In principio tentationis firmo labore pollet anima , & debilitate inimicus torpescit, tuas negligentiam vires enervas ; inimico autem interea propter hoc victoriæ initium fortitudo succrelcit. Longè difficilius est confertas hostium turmas repellere , quando suum vexillum oppugnatæ civitatis mœnibus jam fixerunt , quam fuerat antè eosdem impedire, ut ne unquam eosque pertingent : Beatus (verba sunt Psalmis Regij) beatus , qui tenebit , & allidet parvulos tuos ad petram. Psal. 136. quasi dicat: quam primum exsurgere in animo tuo motum Divinæ Legi contrarium advertis , noli exspectare , usquedum adolescat, sed adhucdum infantulum magnanimitè resistendò manu comprehendere , protinusque actu quodam opposito maledictam hanc sobolem petræ allide ; & tum vocare beatum te poteris propter spem securam obtinendi coronam sempiternam :

Bea-

Beatus, qui tenebit, & allidet parvulos tuos ad petram. Aliqui sunt, qui sub initium infasto huic partui blandiuntur, & quid mirum, si postmodum triumpho ducantur, ubi inimici adoleverint: incipitur cum tentatione misericordia sermocinatio, & non absolvitur tractatio, donec deditio concludatur.

Verum hæc nondum tota ars est ad hanc pugnam requisita: illud, quod plurimum affect emolumenti, est nosse commendare se Domino DEO, & nostræ debilitati ab eodem suppetias impetrare. Hoc erat monitum, quod discipulorum suorum animis altissime impressum cupiebat magnus ille DEI servus, & spiritus Magister Joannes Avila: *tentatio ad te, solebat dicere: Et tu ad DEUM.* Imò hoc est monitum ab ipso mundi Redemptore, qui utique autoritatis est omni exceptione majoris, nobis relictum: vigilate, & toto corde vos ad DEUM convertite, si vincendi temptationem vobis est animus: *Vigilate & orate, ut non intretis in temptationem.* Matt. 16. quod ipse met opere ipso etiam fecit non ex necessitate, sed nobis pro exemplo, ad initium præcipue sacratissimæ suæ passionis. Similiter Psalmi, qui tam aperte nos viam salutis edocent, pleni sunt supplicibus votis iterato ad DEUM pro impetrando auxilio emissis, & decantatis eidem pro illo obtento laudum præconiis. Ad hanc normam tua arma instruas oportet; &

tunc

tunc tentatio emolumento tibi erit, non danno : *Faciet cum temptatione proventum.* 1. Cor. 10 tuaque proposita similia erunt partibus frigidissimo hyemis tempore prognatis, qui, ut Medici ajunt, summo vigore, & vivacissimis spiritibus à natura instruuntur.

Verum non sufficit esse fortem in sustinendo : sed major quandoque ad abstinendum fortitudo requiritur : *sustine, abstine.* Istud abstinere, quod secundò locò ad nostram salutem in tuto reponendam esse necessarium diximus, non istud tantummodo denotat, quod abstinere debeamus ab illo, quod manifestè esse peccatum cognoscimus ; hoc namque supponitur, firmissime fixum tibi esse, ratumque, mille vitas profundere potius, quam Divinâ amicitiâ excidere. Itaque abstinere idem hic est, atque spoliare se rebus illis omnibus, quæ, tametsi ex natura sua graviter illicitæ non sint, ad peccatum tamen occasionem & viam aperiunt. Et quia in hac materia te vellem quam optimè esse instructum, suppone, objecta deliciosa duobus præcipue modis nos ad peccandum pertrahere: aliquando frequenter nos ad lapsum inducunt, quando tali periculo nos exponimus; aliquando rarius. Si frequenter ad peccatum nos impellunt, occasio proxima vocantur; & necessariò fugienda sunt necessitate præcepti. Quodsi autem raro ad flagitium nos pertrahunt,

hunc, aut ad illud remotè solummodo disponunt, occasiones remotæ appellantur, quarum fugam non equidem supremi Legislato-
ris mandatum imperat; prudentia tamen, &
boni in rebus animæ regiminis regula quam
maxime commendat. Supponamus itaque,
ab aliquo tempore peccaminosa te quadam
amicitiâ illaqueatum vixisse; ita quidem, ut
frequentando quamdam conversationem;
commercium quoddam aut per litteras, aut
munuscula, aut visitationes continuando sæ-
pius in grave quoddam peccatum prolapsus
fueris: jam conscientiæ tuæ director haud
dubiè circa hanc obligationem te bene instru-
xerit, vi cuius obstrictus es, ut nunquam am-
plius huic te discrimini exponas: unde nihil
aliud hic mihi faciendum jam superest, nisi ut
eam ipsam instructionem denuo in memoriam
tibi revocem, admonendô te, illud ipsum
præceptum, quod ad vitandum peccatum te
obligat, obligare te etiam, ut illas ædes non
amplius aut saltem non solus accedas, ut à si-
milibus epistolis, à similibus munusculis mit-
tendis abstineas; cum illa ipsa Lex, quæ pro-
hibet peccatum, etiam proximum peccandi
periculum prohibeat.

Quòd si laqueus occasionis ita foret à necef-
sitate constrictus, ut eundem disrumpere tibi
moraliter foret impossibile, etiam his circum-
stantiis, quæ sine dubio in statu infelicissimo
te

te collocarent, confessarius tuus jam explicaverit tibi obligationem tollendi externæ illius occasionis periculum per actus tuos internos; hoc est, per recursum frequentiorem ad Dominum, per frequentiorem Sacramentorum usum, & per majorem bonorum operum multitudinem; quemadmodum, qui viam mutare lubricam non potest baculo innititur, ut lapsus devitet; & sicuti, qui venenatae viperæ amputare caput non potest, saltem dentet ebellit. In his veritatibus te bene instruum crediderim, quia ad bonam confessionem requiruntur; & vœ tibi! si hac in parte tuum propositum claudicaret! nam sanitas tua aut apparens tantummodo foret, aut brevis: *Quæ relinquuntur in morbis, recidivas facere consueverunt.* Isthæ antiqui erga peccatum affectus reliquæ brevi te iterum in scelus impellerent. Et quid tunc prodest sperare, te non relapsurum? temeritas hæc est, non spes; cum illi innitatur, quod DEUS nunquam promisit, DEUM nempe suô illi adstitutum auxiliō, qui voluntariè se periculo exponit: cum tamen ē contrario temerariis ejusmodi hominibus non obscurè lapsus prædixerit: *Qui amat periculum, peribit in illo.* Eccl. 3. v. 27. & apertè sit protestatus, nihil se cum ipsis commiserationis habiturum: *Quis miserabitur incantatori à serpente percusso, & omnibus his, qui appropriant bestiis?* Eccl. 12. v. 13.

Ve-

Verum enim verò, hæc non est lis, quam credere quis possit, conscientiæ tuæ arbitrum non decisam reliquisse. Ad illud igitur progrediamur, quod dicendum adhuc remanet, ad illas nimis occasiones, quas remotas appellant, quia raro ad peccandum nos inducunt, & tantummodo longè animam ad lapsum disponunt. Quemadmodum fossores, qui in obsidione cuiusdam civitatis non dimicant, non injiciunt ignes, non occidunt, sed viam aperiunt exercitui, qui postmodum hostes oppugnat, ferrō prosternit, & injectis ignibus omnium ædes exurit. Remotæ hujusmodi peccandi occasiones sunt, lusus, libri non in honesti quidem, sed profani, visitationes, convivia, nimirum superbis & affectatus vestium luxus, & aliae relaxations, quas supra reprehendimus. Sed præter hæc circa duo præcipue te cuperem cautissimum, ut ab utroque abstineas, scilicet circa libertatem appetiendi, & circa libertatem conversandi.

Quid putas esse oculos, quos sub fronte collocatos circumfers? sunt infideles duo proditores, qui cum hostibus nostris collidunt, qui frequenter eorum manibus nos inferunt: Speciem mulieris alienæ multi admirati, reprobi facti sunt. Eccl. 9. v. 11.

Multi, cum mulieris non suæ faciem contemplarentur, & animam & salutem amiserunt;

runt; non quidem semper eō statim momen-
tō, quo oculus in vultum defigebatur, sed suc-
cessivē & pededentim: *vifum*, ait Glossa, se-
quitur cogitatio, cogitationem delectatio, delecta-
tionem consensus, consensum opus, opus consue-
tudo, consuetudinem necessitas, necessitatem de-
speratio, desperationem damnatio. Ita illud,
quod initio fuit tenuis quidam vapor ē terra
in altum ascendens, inde post modicum tem-
poris in pluviam solutum rursum decidit, de-
inde induratur in glaciem, & denique in lapi-
dem mutatur. Credisne, Sanctos, nisi hoc
sæpius contingere, adeò solicitos in oculo-
rum suorum custodia extituros fuisse? B. Alo-
ysius Gonzaga ne quidem in Serenissimæ suæ
Parentis faciem unquam conjicere oculos au-
debat. S. Hugo Episcopus, quibūs ratione
sui officij multitariam agere cum proximis
obligabatur, ne quidem semel aspicere cuius-
quam fœminæ vultum sustinuit; & S. Tho-
mas Aquinas, etiamsi à DEO castitatis dono
fuisse munitus, extremō semper studiō fœmi-
narum aspectum tanquam faciem basilisci fu-
giebat. Verū dices mihi, qua ratione pos-
sibile sit, vivere in mundo, conversari, &
agere cum mulieribus, & nunquam in eas ob-
tutum defigere? nunquid antem relata supe-
rius Spiritus sancti verba ponderasti, quibus
multos fieri reprobos afferit, non quia mu-
lieres obiter aspiciunt, sed quia illas ex insti-

tuto contemplatur, eatundemque pulchritudinem admirantur? Speciem mulieris alienæ multi admirati, reprobi facti sunt. Necessarium itaque est, ut periculosem quoddam objectum in oculos incurrit, eosdem ab illo protinus avertere, & nullatenus in eo desigere. Ex omnibus animalibus, quæ aquam bibunt ex Nilo, soli canes à crocodillo securi sunt; quia bibunt, & fugiunt; ad hoc cùm animalia reliqua non advertant, sæpe crocodillorum dentibus in prædam cedunt.

Altera occasio, quam declinare debes, ut devotionem conserves, est libertas in conversando. Non loquor tantummodo de illis conversationibus, quæ sunt perversæ & scandalosæ, in quibus illi socij, qui venenum hauferunt, facile etiam aliis venenato suo illud halitu afflant: *Corrumptunt bonos mores colloquia prava.* 1. Cor. 15. de illis etiam loquor, quæ liberæ non sunt, sed nimium diuturnæ. Qua ratione bona conservare animæ proposita poteris, si diem integrum in circulis exigas? fornax, cuius ostiolum non clauditur, suum calorem non servat. Paululum recedere ab hominum tumultu, aliquantulum linguae indicere silentium, parum per secedere in solitudinem opus erit, si desideras, ut DEUS ad cor tibi loquatur. *Ducameam in solitudinem & loquar ad cor ejus.* Of 2. c. 14. Primum circa quod natura in efformando fœtu in ute,

ro materno latente occupatur, est, quod cuticulas illas elaboret, intra quas eundem circumvolvat. Ex primis tuis propositis fit, certum quoddam intra diem tempus teligere, quo tecum solo, & cum DEO agas, examinandum tuam conscientiam, commendandum te Superis, librum quendam spiritualem legendum. Sed enim, comilitones tui illudent tibi, & tanquam exoticum ac melancholicum exibilabunt? Simili ratione & Noëmum, & Arcam, quam fabricabat in eandem se inclusurus, scelerati socij explodebant; verum ubi aperiti cœperunt cataractæ cœli, & tota terra inundari diluviō, tota contentione in eadem habere locum anhelabant, & vano ululatu inutiles voces attollentes, sublati in cœlum manibus ingrediendi licentiam truxtra fligitunt.

Ultimò denique ad perseverandum in via salutis necessarium est, ut ad bonorum operum exercitium incumbamus: *sustine, abstine, age.* Via, quæ non frequentatur, brevi sylvestcit; aqua, quæ stagnat: se ipsam corruptit; ensis, qui non usurpatur, seipsum rubigine inficit; instrumentum, quod non tractatur, seipsum cordis exarmat; domus, quæ non incolitur, per seipsam collabitur. Hoc ipsum quoque animæ tuæ continget, nisi eandem bonorum operum studio suffulcias: *Magis satagite, ut per bona opera certam vestram*

vocationem & electionem faciatis ; hæc enim facientes non peccabitis aliquando. 2 P. I. Cura , & perseverantiam tuam in bono , illiusque Decreti , quod Divina Providentia de tua salute concepit , executionem impetrare tam constanti multorum bonorum operum exercitiō , ut nunquam dicas ; sufficit . Magis satagite . Non quidem , quasi donum perseverantiæ promereri condigne bonis operibus posset ; sic enim gratia non foret : sed quia consuevit Divina Bonitas , illis majoribus auxiliis assistere , qui majore cum fervore operantur , illis que gratiam quandam magis specialem imperit , qui gratiæ jam datæ respondet : ut bonis operibus inhærendō tuæ semper virtutis mereamur protectione defendi (Orat fer. 6. Heb. I. Quadr) Unde consultissimum erit , quorundam bonorum operum , quæ exerceri ab te possint , selectum facere , tuumque rogare confessarium , ut illa ipsa tibi pro pœnitentia injungat , ut omni viâ tuam pigritiam excutias , ipsisque tuis operibus majus meritum adjungas .

At verò cuius generis opera illa esse oportet , quæ tantum tibi bonum obtineant ? Jam scis , triplicem esse obligationem nostram , erga DEUM , erga proximum , erga nos ipsos . Jam verò , quantum ad nos ipsos attinet , quandam pœnitentiam etiam exteriorem ; quandam abstinentiam , quoddam jejunium ,

quandam disciplinam , aut quoddam aliud afflictionis genus adhibeamus oportet , quod vitiosos habitus infringat , & bona nostra proposita necessario s^ep^e incingat : *ubi non est se-
pes , diripietur possessio.* Eccl. 36. v. 27. Ita pa-
riter aliquod exercitium charitatis erga prox-
imum requiritur , nimirum , ut visitemus eum
infirmum , aut indigenti subveniamus , aut
compatiamur afflito , aut errantem excuse-
mus , aut , si aliter non possimus , saltem no-
stris precib^{us} adjuvemus , aut in doctrina
Christian^a ipsius domesticos instruamus , aut
cum amore eosdem corrigamus . Præ omni-
bus autem illud stabiliendum firmissimè , quod
præstare DEO debemus ; nempe , ut quid-
piam è sanctissima Domini Passione medite-
mur , ut Divina ipsius beneficia gratâ memo-
riâ recolamus , ut aliquib^{us} sanctissimam Vir-
ginem obsequiis veneremur , quib^{us}dam de-
votionib^{us} Sanctorum patrocinium invoce-
mus , visitemus devotè quasdam Ecclesias , &
tremendo Missæ Sacrificio assistamus . Spe-
cialiter autem ad illa duo intentum habeamus
oculum oportet , quæ ad bene vivendum
omnium maximè conferunt , scilicet ad fre-
quentem Sacramentorum usum , & ad Ora-
tionem .

Loquendō de frequenti Sacramentorum
usu ; quemadmodum DEUS olim in Parady-
so terrestri arborem vitæ plantavit , ut homi-
nes

nes ex ea comedentes morte non morerentur; ita in horto Ecclesiæ aliam quandam vitæ arborem illâ sine comparatione æstimabiliorum plantavit, quæ est Divina Eucharistia, ut animæ per gratiam reparatæ amplius mortem non viderent. Sicuti autem ad conservandam vitam corporalem non suffecisset aliquoties duntaxat intra annum ex arbore vitæ fructus manducare, sed necessarium fuisset, ut quis iisdem se frequenter reficeret; ita pariter ad conservandam vitam spiritualem non sufficit semel, cum centies deberemus, ad recipiendum DEUM Eucharisticum accedere; sed frequenter sacræ huic mensæ accumbendum, quoties nempe statu nostri conditio patitur, & quoties nostro confessario videbitur. Propriâ edoctus experientiâ advertes, quâm prodigiosi sint effectus Divini hujus cibi, saepius, & cum præparatione debita accepti. Lepores in alpibus altissimis albi sunt coloris, quia ferè continuò inter nives habitantes, frequenter ex iis se nutriunt: Multæ volucres in Molucis ne quidem mortuæ dissolvuntur & computrescunt, quia ordinariè aromaticis illius regionis frugibus se sustentant. Unde inimicus infernalis tantos conatus adhibet, ut à cœlesti hoc nutrimento nobis abstinentiam persuadeat; quod nimis ab omnibus simul bonis impeditos uno iectu ita debilitet, ut etiam absque pugna trium-

phō nos ducat. Simile quidpiam ut ficeret, si absque magno labore subjugare Bethuliam desideraret, Holoferni suadebatur, ut nimirum primō aquæ ductus, qui aquam ad civitatem devehebant, succideret; deinde illam ipsam aquam aliò averteret, ne ad exstructos circum Bethuliam fontes posset pertingere.

Ultimum remedium tam potens, ac quodvis atque ad obtainendam in bono constantiam, necessarium est devota oratio, tam illa, in qua pia consideratione Divina Mysteria contemplamur; quam altera, in qua Divini Numinis auxilium flagitamus. DEUS in pluribus Scripturæ locis; sed præcipue per Ecclesiasticum nobis istam constantiam pollicetur, si frequenter sanctissimam ipsius legem, & veritates in ea nobis revelatas meditati fuerimus: Cogitatum habe in præceptis DEI, & in mandatis illius maximè assiduus esto; & ipse dabit tibi cor. Eccl. 6. c. 37. Occupa cogitationes tuas in contemplanda Lege Domini, & constanti meditatione sanctissima ipsius mandata atque Mysteria ruminare, & ipse cor tibi largietur Divina fortitudine plenum ad omnes difficultates devincendas. Et alio in loco adhuc apertius, memorare, inquit Dominus, novissima tua, & in aeternum non peccabis. Eccl. 7. c. 40. Ratio autem est; quia diabolus non habet aliud medium, nos ad consensum peccato præstandum inducendi, quam si propositis,

sitîs , oblatisque objecâis prohibitîs nostras passiones exciter ; ita ut turbata ratio sibi persuadeat , perdere DEUM sibi esse proficuum , ut sibi ipsi in hac occasione queat satisfacere .

Jam veritatum æternarum consideratio horribilem fraudem detegit in hujusmodi tentatione latentem ; atque adeo voluntatem roborat , ut firmissimum nunquam contentiendi propositum concipiatur , & potius mortem eligat , quam peccatum admittat : *Nisi quod Lx tua meditatio mea est , tunc fortè perire sem in humilitate mea.* Psal. 118. Facili nego-
tiô me irruens tentatio subruisset , nisi me san-
cta meditatio sustentasset .

Altera Orationis pars , in qua DEI auxilium petimus , ad perseverantiam adhuc magis ne-cessaria est , ita quippe necessaria est , atque gratia ipsa . Ratio hujus est , quia , postquam DEUS nos primâ suâ gratiâ prævenit , ordina-riè non pergit continuare suum auxilium , ni-
si de novo illud efflagitemus , atque cum fide , humilitate , & perseverantia in nostris preci-
bus ad eum recurramus . Hinc nullus est pec-
catorum , qui , et si omni aliâ gratiâ destituat-
ur , semper etiam istâ , qua DEO commen-
dere se possit , gratiâ deficiat ; & similiter nul-
lus est peccatorum , qui , si cum humilitate ,
cum fiducia atque constantia ad DEUM con-
fugerit , exaudiendus non sit , & in statum
bonum reponendus ; quia Divina Bonitas

orationem esse voluit medium quoddam universale, quod Divinæ suæ Providentiæ decretorum executionem impetraret, quod omnibus nostris infirmitatibus mederetur, quod omne nobis à cœlo bonum obtineret. Proinde, ut ad praxin veniamus, noli unquam pertimescere qualemcunque temptationem; noli terrori tuis peccatis, nec pravis habitibus inde contractis; sed statue, ardenteribus semper ad DEUM precibus suspirare, & effectum senties: *Subditus es tu Domino, & ora eum, & ipse faciet.* Psal. 35. Clama ad cœlum sub auroram, quamprimum excitatus è somno letum deseris, clama sub vesperum, ubi lecto te credis, interdiu, ubi Ecclesiam intras; humilia ad DEUM vota evibra non modò in temptatione, sed ad primum statim temptationis pulsum suspira ad Dominum in prosperitate, & afflictione; uno verbo, semper supplicibus cœlum votis pulsa, ut ipse mundi Servator te docet: *oportet semper orare, & non deficere.* Luc. 18. & videbis, quod tuæ orationi Divina sese junctura sit Misericordia: *Ascendit oratio, & descendit DEI miserationis.* Ita teste Cassiano sua in eremo antiqui Monachi faciebant: perpetuò ex ipsorum ore hæc verba sonabant: *DEUS in adjutorium meum intende.* Cum his diem incipiebant; cum his eandem quoque terminabant; hæc in omnibus suis orationibus repetebant, & in illo momento, quo


quo somnō solvebantur, in illa prorumpēbant; quia, cūm Divinum auxilium sibi semper esse necessarium agnoscerent, sciebant quoque nullum esse ad illud impetrandum efficacius remedium, quām continuis ad cœlum precibūs suspirare. Speciali autem diligentiā in templo sub sacrofācto Missæ sacrificio DEO te commenda; hoc námque propriè tempus est Divinarum misericordiarum, in quo orationes nostræ nunquam laturæ sunt repulsam, quia conjunctæ sunt cum precibus & meritis nostri Redemptoris, qui ad obtinendum nobis omne bonum æterno Patri in Sacrificium offertur: adeoque ut omnia paucis concludam; in faciendo, quod potes; & in petendo illo, quod non potes, posita erit tua perseverantia, ut dicit S. Augustinus, & S. Synodus Tridentina confirmat: *DEUS impossibilia non jubet; sed jubendo admonet, & facere quod possis, & petere, quod non possis.*



INDEX LECTIONUM.

- I. Impedimentum 1. fidei debilitat. p. 1. Damna
hujus debilitatis. 5. Ejusdem remedia. 12
- II. Impedimentum 2. peccandi libertas sub spe ob-
tinendi veniam beneficiō Confessionis. 31. Hu-
jus damna. 35. Ejusdem remedia. 40
- III. Impedimentum 3. parūm curare peccata lu-
xuria. 56. Hujus damna. 58. Ejusdem re-
media. 71
- IV. Impedimentum 4. superbia. 80. Hujus
damna. 84. Ejusdem remedia. 91
- V. Impedimentum 5. otium, & occupationes
superfluæ. 101. Damna ex iis emergentia. 103.
Remedia. 108
- VI. Impedimentum, quod saluti animæ offert
inordinatus amor voluptatum. 119. Damnum,
quod affert saluti isthic inter delicias vivendi
modus. 124. Ejusdem Remedium. 134
- VII. Impedimentum, quod affert saluti inordi-
natus amor divitiarum. 143. Damnum ex
hoc impedimento. 144. Remedium. 155
- VIII. Impedimentum, quod affert saluti durè
cum proximo agendi ratio. 170. Damnum il-
lius. 179. Remedium contra illam. 184
- IX. Impedimentum, quod affert saluti exiguis
DEI timor. 193. Damnum. 196. Reme-
dium. 203
- X. Bonum, quod facere debet Christianus, post-
quam salutis impedimenta removit. 223

F I N I S.



INDEX FECTIOMNI.

1. *Deinde dicit dominus ad iudeum*

2. *Si quis dicit deo*

3. *Si quis dicit deo*

4. *Si quis dicit deo*

5. *Si quis dicit deo*

6. *Si quis dicit deo*

7. *Si quis dicit deo*

8. *Si quis dicit deo*

9. *Si quis dicit deo*

10. *Si quis dicit deo*

11. *Si quis dicit deo*

12. *Si quis dicit deo*

13. *Si quis dicit deo*

14. *Si quis dicit deo*

15. *Si quis dicit deo*

16. *Si quis dicit deo*

17. *Si quis dicit deo*

18. *Si quis dicit deo*

19. *Si quis dicit deo*

20. *Si quis dicit deo*

21. *Si quis dicit deo*

22. *Si quis dicit deo*

23. *Si quis dicit deo*

